







S. AUGUSTINUS.

J. Riban sc.



SANCTUS  
**AUGUSTINUS**  
Romano - Catholicæ Fidei  
**CONFESSOR**  
A C  
**DEFENSOR**  
S E U

Orthodoxa Fides, quam Romana  
hodie dum tenet, semperque tenuit Eccle-  
sia, viginti duobus maxime cum A catholicis  
controversis articulis, ex Sancto  
Ecclesiæ Doctore

**AUGUSTINO**

*succinctè quidem, sed clarè atque perspicuè  
proposita & exposita.*


Per Adm. R. P. F. EUSTACHIUM  
DE ROSARIO

Ord. Prædicatorum SS. Theologiæ  
Magistrum

*Permissu Superiorum & Sac. Cas. Majest.  
Gratia & Privilegio.*

---

AUGUSTÆ VINDELICORUM,  
Typis Simonis Uzschneider. Anno 1676.



REVERENDISSIMO,  
AMPLISSIMO, ET PRÆNO-  
BILI DOMINO, D.

ERENBERTO,

Celeberrimi Mo-  
nasterii Cremiphanienſis Or-  
din, S. Benedicti Abbati &c.

Sac. Cæſ. Majeſtatis


CONSILIARIO,

Et Inclytorum Statuum Superioris  
Austriæ Deputato &c.

*Domino meo Compatriotæ Gratioſo.*

EPISTOLA DEDICATORIA.

Reverendiſſime & Ampliſſime  
Præſul,

 *Heſaurum parvum  
ex ampliſſimis ac di-  
tiſſimis ſanctiſſimi  
Eccleſiæ Doctōris D. Auguſtini  
fodi.*

## EPISTOLA

fodinis extractum ad manus tuas  
transmitto Rever. & Ampliss.  
Præsul. Parvum dico quantitate  
molis, non virtutis, aurea namque  
D. Aurelii in has pagellas congesta  
est Controversias fidei huius tem-  
poris spectans doctrina, quam vel-  
ut aurum terræ Hevilath, quod  
teste Scripturâ Gen. 2. v. 12, opti-  
mum est, tam benevolo affectu  
spero ab Amplissimâ & Reve-  
rendissimâ Dominatione Tuâ su-  
scipiendam, quàm justis titulis ego  
illam Amplissimo Tuo Nomini sa-  
cræ volui ac debui. Annus si-  
quidem agitur Jubilæus, videlicet  
vigésimus quintus, cùm è Priora-  
tu Styrensi Patrum votis voca-

rer



# DEDICATORIA.

rer ad Augustanum, Cremiphani  
 placidissimæ ac piissimæ memoriæ  
 Reverendissimum Dominum An-  
 tecessorem Tuum Placidum con-  
 terraneum nostrum salutaturus  
 divertebam, En! dum altero die  
 Patrono Reverendissimi & Am-  
 plissimi piæ memoriæ Præsulis;  
 scilicet S. Placido sacro, amica-  
 cum Reverendissimo, cui in Re-  
 fectorio assidebam, miscebam allo-  
 quia, his me est affatus: Ecce  
 Contræanne ibi habeo fratrem  
 iterum Schongavio oriundum.  
 Cui mox per famulum hisce fui  
 congratulatus: Altissimus Reve-  
 rendissimum canis beet in felici  
 regimine annis, & faxit DEUS

# EPISTOLA

ut post hos. vestra Charitas ei in  
 Prælaturâ succedat. Vota profe-  
 ctò non abière incassum, & vo-  
 ventis affectui satisfecit eventus,  
 nam 18. adhuc annis feliciter re-  
 xit Placidus, & post hos in Præ-  
 laturâ ei succedit ERENBERTUS.  
 Nolim existimes Præsul  
 Amplissime, me aut blandientis  
 affectu, aut cæco amantis impulsu  
 hæc elocutum: nam jam in viren-  
 ti surculo contemplabar fructum,  
 siquidem gravitas morum, matu-  
 ritas judicij, comitas, benignitas,  
 ceteræq; amplissimæ virtutes, ac  
 dotes, in Reverendissimâ & Am-  
 plissimâ Dominatione Tua, jam  
 tunc taliter emicabant, ut non vel-

# DEDICATORIA.

ut vanus augur, sed maturè in  
 causis præfagiens eventum, quòd  
 futurum erat votis prænuntiave-  
 rim. Et quidem nec ad insipienti-  
 am mihi, nec Ordini, dum in te  
 nobis maximus accrevit Patronus,  
 ac fons jugi beneficiorum scaturi-  
 gine profluus. Ita profectò ut am-  
 plissimis beneficiis non modò debi-  
 tus sit hic meus Augustinus, sed  
 vota & preces omnium. Præterea  
 opusculum hoc Reverendissimæ  
 & Amplissimæ Dominationi  
 Tuæ inscriptum voluit, zelus ipse  
 Tuus, quo animarum salutem æ-  
 stuosè sitis: neutiquam enim me la-  
 ter, multos adhuc à Caulis Ecclesiæ  
 in hæresum senticetis hinc & in-  
 de

# *EPISTOLA*

*de in Superiori Austriâ delitescere  
oves scabiosas (quamvis per an-  
nos 6. quibus è suggestu in istis  
partibus ad populuni verba feci  
non paucos reduxerim, non qui-  
dem ego sed gratia DEI mecum)  
quos dilectio Tua, pietatisque af-  
fectus salvas votis ardentissimis  
exoptat. Quorum saluti ut &  
ego non nihil consulerem hunc in  
breve Compendium Latino Ger-  
manicum de modernis Fidei Chri-  
stianæ Controversiis redactum  
veri, rectique arbitrum ad aras  
Tuas appendi; ut inde velut ex  
alta specula ad multorum perve-  
niret obtutum, ac ut tanto Pa-  
trocinio id tueretur ab invidorum  
mor-*

# DEDICATORIA.

*morsibus, quod pro plurium collectum est salute, quam diuturnam in secundo in terris regimine, & post annosos temporum decursus aeternam in cœlis jugibus precibus & sacrificiis*

*Vovet ac exoptat*

**Reverendissimæ & Amplissimæ Dominationis  
Tuæ**

**Ratisbonæ 14. Mensis  
Aprilis 1676.**

*Servus humillimus in Christo*

**F. Eustachius de Rosario  
Ord. Præd.**

\* 5

# Facultas

Rever.<sup>mi</sup> D. D. Ordinarii.

**P**Ræfens Tractatus nec Fidei, nec moribus adversatur, proinde conceditur, ut juris publici fiat. Augusta Vindel. Die 1. Febr. 1676.

Franciscus Ziegler, Vic.  
Gen. Commissar.

---

Facultas Reverendissimi Patris Mag. Generalis.

**F**Joan. Thomas de Rocaberti S. Theol. Professor & totius Ordinis Prædicatorum humilis Magister Generalis & Servus, in DEI filio sibi dilecto Rev. Adm. P. Magistro F. Eustachio de Rosar. ejusdem Ordinis salutem.

Uti non possumus nimis multa comprobandæ veritati argumenta producere, licet in luce clarissima,  
id-

idque ob multiplex velamen pos-  
tum super oculos Acatholicorum,  
studium tuum, quod nobis signifi-  
casti, imprimis probamus, & ha-  
rum serie Officiiue nostri autori-  
tate concedimus, ut opusculum po-  
lemicum cui titulum fecisti, S Au-  
gustinus Romano-Catholicæ Fidei  
Confessor & Defensor, possis in lu-  
cem emittere, postquam à Rev.  
Adm. P. Magistro F. Ambrosio Ran-  
ding Regente Augustano, & Rev. P.  
Præsentato F. Dominico à Campo S.  
Theol. Eystadii Professore fuerit  
approbatum, & servatis reliquis ser-  
vandis. In nomine Patris, & Filii, &  
Spiritus sancti, Amen. In quorum fi-  
dem hisce nostro sigillo munitis ma-  
nu propria subscripsimus. Romæ  
28. Decemb. 1675.

*F. Ioan. Thom. de Rocaberti*  
(L.S.)

*R. lit. G. pag. 136.*

**F. Leonardus Hansen Mag.**  
**Provincialis Angliæ.**

**F**idem eam genuinam & orthodoxam esse quam primis seculis Christi tenuit Ecclesia, nemo infitias ibit, nisi qui mox à tempore Apostolorum Petri fidem defecisse, & portas inferi adversus ædificatam in petra à Christo designata Ecclesiam prævaluisse, blasphema effutire lingua non formidaverit. Quam verò Christi Ecclesia prioribus seculis Fidem tenuerit à nemine melius certiusque cognoscere possumus quàm à Veteris Academiæ JESU Christi, qui iisdem seculis claruerunt, Doctoribus ac Professoribus, quos inter, cum citra controversiam plurimum emineat, S. Augustinus Hipponensis Episcopus, ea quæ ipse de Fidei doctrina scriptis reliquit, nemo Orthodoxæ fidei, adeoque salutis suæ amans, non affectuosè amplexabitur. Quare cum ex collectis ab Adm. Reverendo & Eximio P. Mag. F. Eustachio de Rosario viginti duobus Articulis, hoc libello comprehensis, quos iussu Reverendissimi P. Magistri Generalis Ordinis Prædicatorum, diligenter relegi clarissimè appareat, in iis in quibus nuperi & etiamnum moderni Sectarii à Romana id est verè Catholica dissident Ecclesia, eandem fidem, sententiam, & doctrinam fuisse quam olim tenuit & hodie dum tenet semperque tenebit Romano-Catholica Ecclesia, utilissimè eosdem articulos pro legentium bono & comodo libello hoc comprehensos, typis in lucem edendos censeo. Augustæ Vindelicorum 24. Aprilis 1676.

**F. Ambros. Randing, Ord. Præd. SS.  
Theol. Mag. Regens Stud. Aug.**



**C**ùm ex Commissione Rev. Patris Ioannis Thomæ de Rocaberti SS. Theol. Professoris, ac totius Prædicatorum Ordinis Magistri Generalis accuratè singularique industrià perlegerim viginti duos Articulos, quos Adm. Rev. & Eximius SS. Theologiae Magister P. Eustachius de Rosario dexterimè collegit ad numerum viginti duorum librorum S. Patris Ecclesiæ Doctoris Augustini de Civitate Dei, in quibus ex operibus eiusdem SS. Patris evidenter & clarissimè probatur nostra fides Apostolica Romano-Catholica: nihilque ab eadem fide Orthodoxà alienum aut bonis moribus contrarium invenerim, imò omnia eruditissimè exponi & prudentissimè concludi adverterim, ita ut Apostolica Romano-Catholica fidei professoribus confirmandis, ab eaque errantibus reducendis plurimum prodesse possint; hos prelo meritò subjici & in lucem publicam dari censeo. Eystadii in Conventu SS. Apostolorum Petri & Pauli. Die 29. Februarii, Anno 1676.

F. Dominicus à Campo SS. Theol. Præsentatus, & ejusdem in Conventu Eystadiano Ordinis Prædicat, Professor Ordin.



## Non fastuoso, nec fasti- dioſo Lectori S.

**U**T neminem facilius à via aberrare, & in devia arque in via incidere contingit, quàm illum qui aut nulli, aut ignaro ſe credit viæ ductori; ita nemo incedit ſecuriùs, nemo viæ terminum attingit certius, quàm qui fidum, ac viæ benè gnarum ductorem, haud ſegnīs, preſſis ſequitur veſtigiis. Quòd cum in omnibus negotiis, in omni ſtudio, in omni facultate locum habeat, tum vel maximè in doctrina Fidei Chriſtianæ obſervatu quàm maximè neceſſarium eſt: nam Veritate teſte *cæcus ſi cæco ducatum præſtet ambo in foveam cadunt.* Gnarus itaque & fidus, ut præcipitia vites, in Fidei negotio quærendus & ſequen-

*Mat. 15.*

*Ad Lectorem.*

quendus est ductor, non hodiernus, neque hesternus aliquis vitilitigator, aut magnicrepus blatero; sed sincerus, incorruptus, indubitatus prisca seculi nemini suspectus, omnibus venerandus Catholicæ veritatis Confessor, Professor, & Doctor. Et quis hunc, forsitan ais, in vitam revocet? quis hunc talem nobis, aut nos ipsi coram sistet? Nihil sollicitus sis. Non hîc opus Pythonissa Endoriana. Vivit etiamnum, semperque vivet in Orthodoxis Scriptis suis, sincerissimus, atque in omni Fidei Christianæ veritate & doctrina versatissimus Doctor, fidissimusque viæ ductor, quem si neutiquam claudicante gradu secutus fueris, securus esto, quod à tramite revelatæ divinitus veritatis minime deflectes. Fulgentissimum

hic est Ecclesiæ lumen Divus *In Epist. ad*  
Augustinus Hipponensis Episcopus *quosdam*  
pus, quem ne unquam sinistra su. *Gallia Ep.*

*spi-*

*Ad Lectorem.*

*In Epist. de  
grat. & lib.  
arbitr. ad  
Ruffinum.* *Spicionis saltem rumor aspersit, sed  
tanta scientia fuit sicut meminit  
Cœlestinus Pontifex, ut inter  
magistros optimos etiam à suis sem-  
per prædecessoribus habitus fuerit,  
utpote S. Prospero teste præci-  
pua suo tempore portio Domini sa-  
cerdotum; teste D. Bernardo,*  
*Serm. 80.  
super Cant.* *Validissimus malleus hæreticorum:*

*In Prolog.  
in Psalter.*

*Siquidem ut ex Possid. in vita  
constat: Hæreticos perpetuò in-  
sectatus est Augustinus, & co-  
ram, & scriptis, ac nullo loco  
passus consistere; totus nimirum  
Calsiodoro teste Catholicus, to-  
tus Orthodoxus, & in Ecclesia Do-  
mini suavissimo nitore resplendens.*

*Quòd nec Heterodoxi, etsi  
eum sibi adversari agnoscant,  
negare audent. Nam qui olim,  
pro affectu suo, quòd ejus non  
suffragaretur sententiæ, multi-  
loqui ipsium arguere non est re-  
veritus; Catholicum tamen per-  
mansisse, fide integrum & vita  
purum confitetur. Sed & nuper  
præ-*

*Gennad.  
Massil. de-  
script. Eccl.  
cap. 35;*

*Ad Lectorem.*

præcipuus Lutheranae scenæ cho-  
ragus Augustinum miraculis de-  
coratum, judicii rectitudine ac  
fidei constantia præditum agno-  
vit: Ornatus est ait *Augustinus* phil. Me-  
miraculis quibusdam, expulit de-lanchton in  
mones, & quosdam sanavit agro-declam. de  
tos; sed hæc sunt longè præstantio-S. Aug.  
ra miracula, successus in guberna-  
tione, & hæc judicii rectitudo, &  
fidei constantia &c. Quin & am-  
plius aliquid Augustino Gene-  
vensium Archisynagogus tribuit, Calv. Lib.  
omnem ab ipso de justificatio-3. Instit. c.  
ne antiquitatis doctrinam com-3.  
pendio traditam affirmans: Ne-  
que enim opus est (inquit) inve-  
stigando laborare quid veteres  
senferint, quando unus *Augusti-*  
nus sufficere ad id potest, qui fide-  
liter magnaue cum diligentia o-  
mnium sententias collegit. Alius  
ejusdem cum his farinae, id quo-*Ioan. Papp.*  
que fatetur quod Pelagianæ hæ-*in Epit. Hi-*  
resi & alteri paulò antiquioris-*stor. Eccl.*  
*Manicheæ* (quidni & Luthera-  
na

*Ad Lectorem.*

næ & Zwinglianæ & Calvinianæ) *refutandæ divinitus excitatus fuit* D. AURELIUS AUGUSTINUS Hipponensis in Africa Episcopus. Imò verò quòd meritò suspiciendum, in Veteri

*Theophil. Spizel, in Vet. Acad. Icos veræ pietatis Doctores & Iesu Christi Professores non solum locum pag. 163. & Chri-*

*stianus Ulysses, qui in propagatione fidei omnibus laboravit, & vix cuiquam in vita sanctitate cessit, magnus eruditione, maior humilitate, duabus quasi incomparabilibus gemmis PIETATE & ERUDITIONE à DEO exornatus audire meretur.*

Quis ergò Christianum hunc Ulyssem in fidei pietatisque negotio ductorem habere non desideret? quis Augustinum è vestigio obsequentissimè sequi recuset? Nemo sanè, si salutis suæ amans sit, si errorum præcipitia

vi-

*Ad Lectorem.*

vitare, si securus Orthodoxæ veritatis tramitem inoffenso pede tenere exoptet.

Verùm cum ex Heterodoxis tantæ impudentiæ , tantæque perversitatis reperiantur qui veræ Orthodoxum, verè per omnia Catholicum hunc Ecclesiæ Doctore, quâ vi, quâ fraude, suarum, hoc est A catholicarum, seu Lutheranarum, seu Calvinisticarum partium, facere moliantur, idque iis verborum technis vulgo suadeant ut & rudioribus multis persuadeant, operæ pretium me facturum existimo si Augustinum Romano-Catholicæ fidei sincerum Confessorem , strenuumque Defensorem exhibeam. Nam ut annis ferè abhinc vigintiquatuor, dum Augusti Vindelicorum indignus Priorem agerem , experientia didici, ita validè quibusdam è plebe A catholicis persuasum est se cum Augustino, & Augustinum cum  
ipsis

*Ad Lectorem*

ipsis sentire, ut nihil certius nihil minus dubium arbitrentur. Cum enim præcipui cujusdam Augustani mercatoris minister, mercium æstimandi quàm veritates Fidei discernendi peritior, cum adolescente aurifabro, quæ à Catholica fide & Ecclesia, in qua educatus erat, abducere nitēbatur, me conveniret, ac sermone incidente de numero Sacramentorum, dicerem, Lutheranos juxta sua principia, ex solâ nimirum S. Scripturâ, uti promittere solent, nec unum, nec duo, nec tria Sacramenta probare posse; Catholicos verò, juxta sua principia, præsupposito fundamento Scripturæ, ex Traditione & SS. Patribus efficaciter septem Ecclesiæ Sacramenta convincere; mox ille nihil hæsitans, stipulato promittebat, se relicto Lutheranismò, Catholicam Religionem amplexurum, si ei ex D. Augustino septena



*Ad Lectorem.*

ptena Ecclesiæ Sacramenta probarem. Accepta conditione, trinis ad populum concionibus, id quod Lutheranus impossibile fore credebat, Deo opitulante abundè præstiti, clarè, irrefragabiliterque ex unius Augustini scriptis probavi septem, quæ in Ecclesia Catholica administrantur, à Christo Domino nostro instituta Sacramenta, hominemque ut promisso staret seriò admonui atque hortatus sum, ne vindicem in se DEI provocaret manum. At ille salutaria monita floccipendens, dum Augustinum non audit, nec fidem præstat, citò nimis contemptæ Religionis dat pœnas: vix enim triduo elapso in hypocausto domus suæ fortuitò crure fracto, in lectum dejicitur, nec multò post in sepulchrum.

Nequis itaque simili Heterodoxorum fallaci persuasione seductus, Sanctissimo sapientissimo-

*Ad Lectorem.*

moque Ecclesiæ Patri , qui inter optimos semper Magistros , totus Catholicus, totus Orthodoxus in Ecclesia Catholica habitus fuit, eandem injuriam irroget , ex Orthodoxo Heterodoxum, ex Catholico A catholicum, ex dispensatore strenuo (ut eum appellat Ecclesia) vecordem dissipatorem , ex cive fidelissimo infidum transfugam, proditorem ac hæreticorum fautorem fingat faciatve, viginti duos (tot scil. numero quot ille libros de Civitate Dei, nuper à quodam Lutheri sectatore in vernaculam nostram translato, conscripsit) maximè controversos, ex ipsius Operibus collectos , hoc libello exhibeo Articulos, ex quibus cordatus lector Augustinum Romano-Catholicæ Fidei sincerissimum agnoscat Confessorem , strenuissimum Defensorem, fidissimumq; Docto-


### *Ad Lectorem.*

**ctorem ac Ducem , quem quis-**  
**quis non in dolo, non in utram-**  
**que partem claudicando sequi**  
**voluerit, eum nunquam à recto**  
**Fidei tramite aberrare aut mi-**  
**nimum contingat deflectere.**

Protulere hos quidem Arti-  
culos dudum quoque alii , ut  
Joannes Pesselius Tilanus Or-  
dinis Prædicatorum per Ten-  
toniam Provincialis, addito ad  
Epitomen Operum D. Augusti-  
ni Tom. 4. de Sacramentis sub  
annum Domini 1539. Hierony-  
mus Torrensis Soc. Jesu ann.  
1568. edita Confessione Augu-  
stiniana , alique passim in Scri-  
ptis suis Polemicis; at quia vel  
grandiora, vel rariora eorum  
sunt Opera , ut non ita facile  
cuivis in promptu & ad manum  
esse possint , eorum bono &  
commodo , quibus non incerto  
vagari itinere, sed duce Augu-  
stino in tutam viam salutis redi-  
re

*Ad Lectorem.*

re animus est, exiguo hoc eos li-  
bello, qui nulli gravis, nulli non  
in promptu esse possit, comple-  
xus sum. Quod tu non fastidio-  
se lector boni consule, & si qui-  
dem tibi aut alteri usui aut com-  
modo sit DEUM in sancto Au-  
gustino lauda, venerare,  
glorifica.



Vigin-



**Viginti duo Articuli ad  
numerum viginti duorum,  
librorum Sancti Patris Ecclesiæ  
Doctoris Augustini de Civitate Dei:  
in quibus ex operibus ejusdem San-  
ctissimi Doctoris evidenter & clarif-  
simè probatur nostra fides Apo-  
lica Romano-Catholica.**

***ARTICVLVS I.***

**Veram DEI Ecclesiam Ca-  
tholicam dici, eò quòd per uni-  
versum orbem diffusa  
sit.**



**Uamvis non levi co-  
natu moliti sint Hære-  
tici Catholicorum no-  
men sibi adsciscere, id  
tamen adnisi sunt vano & irritò  
conatu: cùm sola illa Ecclesia di-  
ci possit Catholica, ut disertè do-  
cet S. Augustinus, quæ per totum  
terrarum orbem est diffusa; nulla  
autem hæresis virus suum in u-  
niversas evomere potuit mundi  
pla-**

2 *S. Aug. Romano-Catholicæ*  
 plagas. Audi prænominatum S.  
 „Patrē. Ecclesia (inquit) Mater,  
 „Ecclesia Sponsa Christi est, gra-  
 „tiā ejus dealbata, pretioso san-  
 „guine ejus dotata. Totum pos-  
 „sidet quod à viro suo accepit  
 „in dote. Lego tabulas matri-  
 „moniales ejus, recitabo. Audi-  
 „te Hæretici quid scriptum sit :

*Luc. 24. 47* Oportebat Christum pati & resur-  
 gere à mortuis & prædicare in no-  
 mine eius pœnitentiam & remis-  
 sionem peccatorum per omnes gen-  
 tes. Omnes gentes totus mun-  
 dus est. Ecclesia totum possi-  
 det, quod à viro suo accepit in  
 dote. Quæcunque Congrega-  
 tio cujuslibet hæresis in angu-  
 lis sedet ; concubina est, non  
 matrona. O Hæresis Arriana  
 quid insultas, quid exluffas,  
 quid etiam ad tempus multa  
 usurpas? Injuriam à te patitur,  
 domina ab ancillâ, multas ei  
 ingeris contumelias, licet hæc  
 doleat, non te magna metuit  
 Spon-

*Ecclesia di-  
 citur Catho-  
 lica quia  
 totū mundū  
 occupat.*

*Hæreses in  
 angulis la-  
 rent.*

„ Sponsa Christi sancta Catholi-  
„ ca. Cum enim respexerit ille  
„ Sponsus, ejicieris tu, ut ancilla  
„ cum filiis tuis, quoniam non e-  
„ runt hæredes, filii ancillæ cum  
„ filiis liberæ. Cognoscatur una  
„ Sancta & vera Regina Catho-  
„ lica, cui Christus regnum tale  
„ dedit, quod eam per totum  
„ mundum diffundens ab omni  
„ maculâ & rugâ mundans, totâ  
„ pulchram suo adventu præpa-  
„ ravit. Hæc nullo aut minutis-  
„ simo mutato verbo Ecclesiæ Do-  
„ ctor tom. 9. de Symbolo, lib. 4.  
„ cap. 10. ex quibus tibi maximè  
„ profuturam facito argumenta-  
„ tionem. Si Doctorum maximus  
„ Augustinus Arrianorum Eccle-  
„ siam non Christi esse Sponsam, *Minus Lu-*  
„ sed Concubinam judicavit, *ed theranorū*  
„ quod haud in omnes gentes dis- *& Calvi-*  
„ seminata sit, quid de Lutheranâ, *nistarum*  
„ quid de Calvinisticâ æstimandū *Congrega-*  
„ est? quæ nullâ ratione aut am- *tio est Ca-*  
„ plitudine, aut populorum fre- *tholica quæ*  
„ *Arrianorū.*

4 *S. Aug. Romano-Catholica*  
quentiâ Arrianæ est conferenda,  
nunquid habenda est pro Spon-  
sâ? nequaquam sed pro Concu-  
binâ.

Tom. 7. contra Gaudent. lib.  
3. cap. 1. sic loquitur S. Augusti-  
nus: Quòd Græcè *ὅλον* dicitur.  
,, Latinè, totum seu universum,  
,, interpretatur. Per totum ergò  
,, sive secundùm totū est καὶ ὅλον,  
,, unde Catholica nuncupatur.  
Hinc Tom. 10. de Temp. Serm.  
131. scribit. Sanctam Ecclesiam  
,, Catholicam. Catholicam dicit  
,, toto orbe diffusam, quia hære-  
,, ticorum Ecclesiæ ideò Catho-  
,, licæ non dicuntur, quia per su-  
,, as quasque provincias conti-  
,, nentur, hæc verò ab ortu usque  
,, ad occasum, unius fidei splen-  
,, dore diffunditur.

Tom. 9. in Evangel. Joannis  
Tract. 118. sic sanctus discurret:  
*Quadri-* *partita ve-* *stis Christi* *Ecclesiâ per*  
,, *Quadripartita vestis Domini*  
,, *Nostri Jesu Christi quadripar-*  
,, *titam figuravit ejus Ecclesiam,*  
toto



„toto scilicet, qui quatuor par-<sup>quatuor or-</sup>  
 „tibus constar, terrarum orbe<sup>bis partes</sup>  
 „diffusam, & omnibus ejusdem<sup>diffusam si-</sup>  
 „partibus æqualiter, id est, con-<sup>gnificat.</sup>  
 „corditer distributam. Propter  
 „quod alibi dicit. *Missurum se Math. 24.*  
*Angelos suos, ut colligant electos* 31.  
*eius à quatuor ventis*; quod quid  
 „est, nisi à quatuor partibus  
 „mundi, Oriente, Occidente, A-  
 „quilone & Meridie? Tunica ve-  
 „rò illa sortita, omnium partium  
 „significat unitatem, quæ chari-  
 „tatis vinculo continetur.

Sed audi S. Augustinum ad-  
 huc efficacius probantem veram  
 Dei Ecclesiam è Scripturis: No-  
 lo, inquit Tom. 7. de unit. Eccl.  
 „c. 3. humanis documentis, sed  
 „divinis oraculis sanctam Eccle-  
 „siam demonstrari. Si enim san-  
 „ctæ Scripturæ in Africâ solâ de-  
 „signaverunt Ecclesiam, & in  
 „paucis Romæ Rupitanis &  
 „Montensibus, & in domo vel  
 „patrimonio unius Hispanæ mu-

6 *S. Aug. Romano-Catholice*

„lieris, quidquid de chartis aliis  
 „aliquid proferatur, non tenent  
 „Ecclesiam nisi Donatistæ. Si in  
 „paucis Mauris Provinciæ Cæ-  
 „sariensis eam sancta Scriptura  
 „determinat, ad Rogatistas tran-  
 „seundum est. Si in paucis Tri-  
 „politianis & Byzacenis & Pro-  
 „vincialibus, Maximinianistæ ad  
 „eam pervenerunt. Si in solis O-  
 „rientalibus, inter Arrianos &  
 „Macedonianos & Eunomia-  
 „nos, & si qui illic alii sunt, re-  
 „quirenda est. Quis autem pos-  
 „sit singulas quasi hæreses enu-  
 „merare gentium singularum?  
 „si autem Christi Ecclesia, Cano-  
 „nicarum Scripturarum divinis  
 „& certissimis testimoniis in o-  
 „mnibus gentibus designata est,  
 „quicquid attulerint & unde-  
 „cunque recitaverint, qui dicunt:  
 „*Ecce hic est Christus, ecce illic;*  
 „audiamus potius, si oves ejus  
 „sumus, vocem pastoris nostri  
 „dicentis: *Nolite credere: Illæ*  
 quip-

*Math. 24.*  
 23.

*Fidei Conf. & Defensor. - 7*

„quippe singulæ in multis genti-  
„bus, ubi ista est, non inveniun-  
„tur. Hæc autem quæ ubique  
„est, etiam ubi illæ non sunt, in-  
„venitur. Quæ verissimè de Lu-  
theranis, Calvinistis aliisque hu-  
jus temporis hæreticis dici pos-  
sunt. Hi enim in certis regionibus  
latitant, & unica nostra Ro-  
mano-Catholica Ecclesia per to-  
tum mundum in omnes gentes  
ab Apostolis, eorûmque Succes-  
soribus secundum verbum &  
promissionem Christi propagata  
est. O Donatistæ, pergit Aug.  
„ibidem cap. 6. Genesin legite  
(idem objici potest Lutheranis.)  
*Per memetipsum juraui, dicit Do-  
minus: quia fecisti hanc rem, &  
non pepercisti filio tuo unigenito  
propter me: benedicam tibi &  
multiplicabo semen tuum sicut stel-  
las, & velut arenam, quæ est in lit-  
tore maris: possidebit semen tuum  
portas inimicorum suorum, & bene-  
dicentur in semine tuo omnes*

*Ecclesia u-  
bique est,  
etiam ubi  
hæreses in-  
veniuntur  
non autem  
contra.*

*Genes. 22.  
16. 17. 18*

8 *S. Aug. Romano-Catholica*

*gentes terræ, quia obedisti voci  
meæ. Et paulò pòst. Ecce testa-*

*mentum Dei, aperite aures.*  
*Ad Gal. 3. 15. Hominis, inquit Apostolus, con-*  
*firmatum testamentum nemo irri-*  
*tū facit, spernit aut superordinat.*

*Quare vos irritum facitis testa-*  
*mentum Dei, dicendo, nec in*  
*In omnibus gentibus*  
*debet esse*  
*vera Eccle-*  
*sia,*  
*omnibus gentibus esse com-*  
*pletum, & periisse jam de gen-*  
*tibus, in quibus erat semen Ab-*  
*rahæ? Quare subordinatis di-*  
*cendo, in nullis terris hæredem*  
*permanere Christum, nisi ubi*  
*potuerit habere cohæredem*  
*Donatum? non invidemus ali-*  
*cui: legite nobis hoc de lege, de*  
*Prophetis, de Psalmis, de ipso*  
*Evangelio, de Apostolicis lit-*  
*teris. Quàm multa & quàm*  
*manifesta sunt testimonia in*  
*Prophetis (superaddit Augusti-*  
*nus, ) Ecclesiæ per omnes gen-*  
*tes toto orbe terrarum diffu-*  
*sæ. Legantur in Propheta: ex*  
*Psal. 2. 7. Psalmis (scribit 8. cap. ) audia-*  
*mus*

*Fidei Conf. & Defensor. 9*

mus pauca. *Dominus dixit ad me: filius meus es tu, ego hodie genui te, postula à me & dabo tibi gentes hæreditatem tuam & possessionem tuam fines terræ. Quis Christianus unquam dubitavit hoc, de Christo esse prædictum, aut hanc hæreditatem aliud quam Ecclesiam esse intellexit? Et post pauca. Commemorabuntur Ps. 21. 29. & convertentur ad Dominum universi fines terræ. Et adorabunt in conspectu eius universæ familiæ gentium. Quoniam Domini est regnum & ipse dominabitur gentium.*

Audiamus & vos Lutheranos, quas gentes à Paganismo ad fidem Christianam convertistis? Heus audite, quàm dilertè quàm sincerè verbi vestri ministerium, in propagandâ Ecclesiâ conatum eleganti calamo depingat Tertullianus lib. de præscriptionib. cap. 4: sic dicens: De verbi administratione quid dicam? cùm

8 *S. Aug. Romano-Catholicæ*

*gentes terræ, quia obedisti voci  
meæ. Et paulò pòst. Ecce testa-*

*mentum Dei, aperite aures.*  
*Ad Gal. 3. 15. Hominis, inquit Apostolus, con-*

*firmatum testamentum nemo irri-*  
*tū facit, spernit aut superordinat.*

*Quare vos irritum facitis testa-*  
*mentum Dei, dicendo, nec in*

*In omnibus gentibus  
debet esse  
vera Eccle-*  
*sia, omnibus gentibus esse com-*  
*pletum, & periisse jam de gen-*  
*tibus, in quibus erat semen Ab-*  
*rahæ? Quare subordinatis di-*  
*cendo, in nullis terris hæredem*  
*permanere Christum, nisi ubi*  
*potuerit habere cohæredem*  
*Donatum? non invidemus ali-*  
*cui: legite nobis hoc de lege, de*  
*Prophetis, de Psalmis, de ipso*  
*Evangelio, de Apostolicis lit-*  
*teris. Quàm multa & quàm*  
*manifesta sunt testimonia in*  
*Prophetis (superaddit Augusti-*  
*nus, ) Ecclesiæ per omnes gen-*  
*tes toto orbe terrarum diffu-*  
*sæ. Legantur in Propheta: ex*  
*Psal. 2. 7. Psalmis (scribit 8. cap. ) audia-*  
*mus*

*Fidei Conf. & Defensor. 9*

mus pauca. *Dominus dixit ad me: filius meus es tu, ego hodie genui te, postula à me & dabo tibi gentes hereditatem tuam & possessionem tuam fines terræ. Quis Christianus unquam dubitavit hoc, de Christo esse prædictum, aut hanc hereditatem aliud quam Ecclesiam esse intellexit? Et post pauca. Commemorabuntur Ps. 21. 29. & convertentur ad Dominum universi fines terræ. Et adorabunt in conspectu eius universa familia gentium. Quoniam Domini est regnum & ipse dominabitur gentium.*

Audiamus & vos Lutheranos, quas gentes à Paganismo ad fidem Christianam convertistis? Heus audite, quàm dilertè quàm sincerè verbi vestri ministerium, in propagandâ Ecclesiâ conatum eleganti calamo depingat Tertullianus lib. de præscriptionib. cap. 4 sic dicens: De verbi administratione quid dicam? cùm

A s

hoc

*Heretici nō convertunt infideles, sed fideles pervertunt.* „hoc sit negotium illis non Eth-  
 „nicos convertendi, sed nostros  
 „vertendi: hanc magis gloriam  
 „captant: si stantibus ruinam,  
 „non si jacentibus elevationem  
 „operentur, quoniam & ipsum  
 „opus eorum, non de proprio  
 „suo ædificio venit, sed de veri-  
 „tatis destructione, nostra sus-  
 „fodiunt, ut sua ædificent,

Verum ad Augustinum nostra  
 redeat oratio, qui unus è Patri-  
 bus sufficientiam plenissimam  
 nobis præstat loco cit. & sic per-  
 „git: Nonne Apostolus de præ-  
 „dicatoribus novi Testamenti  
 „dictum exposuit, quod scriptum  
*Rom. 10.* est: *In omnem terram exivit sonus*  
*Psal. 18. 5.* *eorum, & in fines orbis terræ ver-*  
*Psal. 49. 1.* *ba eorum?* De quo alio nisi de  
 Christo intelligitur. *Deus Deo-*  
*rum Dominus locutus est, & voca-*  
*vit terram à solis ortu usque ad*  
*Psal. 71. 8.* *occasum: ex Sion species decoris e-*  
*ius?* Et iterum: *Dominabitur à*  
*mari usque ad mare, & à flumine*  
*usque*




usque ad terminos orbis terra. A  
 „flumine utique, ubi cum Spiri-  
 „tus sanctus in columbæ specie  
 „& vox de cœlo manifestavit.  
 „Deinde sequitur : Coram illo  
 procident, *Æthiopes, & inimici eius*  
 terram lingent, *Reges Tharsis &*  
*insula munera offerent, Reges Ara-*  
*bum & Saba dona adducent, &*  
 adorabunt eum omnes Reges terra,  
 omnes gentes servient ei. Qui Lu-  
 therani servierunt Christo in *Æ-*  
 thiopiâ, seu in Arabiâ, in qua o-  
 lim Catholici tot centenos ha-  
 buerunt piissimos Eremicolas  
 numerent suos Lutheranos Re-  
 ges Tharsis , Arabum & Saba,  
 profectò nec unicum invenient.  
 Proinde illorum Ecclesia nun-  
 quam fuit in illis Regionibus, &  
 hinc nec est Catholica. Qua fron-  
 te ergò & quo titulo nobis Ro-  
 mano-Catholicis nomen Catho-  
 licorum temerè auferre cona-  
 mini : cùm manifestissimum sit  
 nos ampliora Christiani orbis

*Lutherani  
 non sunt Æ-  
 gyptum seu  
 Arabiam  
 aliasq; dis-  
 sitas regio-  
 nes ingressi.*

adhuc spatia possidere, quocunque vestrum? Et quidem ea quæ possidetis non à Paganorum senticetis expurgâstis, sed à nobis expurgata, fidei & morum amœnitate confita, ut ante loquebatur Tertullianus, evertistis.

Verùm cohibeat calamum Tertullianus, & saxa loquentur. Quid quæso templa pleraque, quæ frequentatis, altaria quæ oculis vestris cernitis, monimenta & statux à Majoribus vestris erectæ evangelizant aliud, quàm nos Romano-Catholicos hæc omnia loca incoluisse, è quibus nos contra jura divina & humana, contra piorum vestrorum Antecessorum voluntatē, expulistis? Ubi Ecclesia Vestra apparet in Africâ? quis vestrorū verbi ministrorum Evangelium disseminavit in Asiâ? quotas numeratis in Hispaniâ? profectò tractus ille terræ exiguus, quem quilibet è vestris cœtibus solus occupat, qua-

qualis est v. g. Lutheranoꝝ, quibus plurimi Calvinistæ auraliarū Sectarum cultores admixti sunt, si comparetur cum reliquo Christiano orbe, angulus apparebit. Adeoque angularem & coarctatis limitibus circumscriptam habetis Ecclesiam, minimèque Catholicam, id est, per totum mundum & secundum promissionem Christi per omnes gentes propagatam. Ex quo manifestissimè deducitur Ecclesiam Vestram utpote minimè Catholicam, neutiquam veram esse Ecclesiam ac legitimam Christi Sponsam, adeoque in ea nec invenienda, nec speranda salus, ut ex Aug. sequenti Articulo probabitur.



*ARTICVLVS II.*

**Extra Ecclesiam Romano-Catholicam nullus salvari potest.**

**N**Ullum tam perversum fulgentissimum mundi oculum conspexisse reor, qui etiam in malitiâ suâ beatitudinem non quareret, omnes summo beatitudinis tenemur desiderio. Sed cheu! quis sufficientibus lachrymis deplorabit hominum miseram sortem, qui non modò ab honestate vitæ, morum integritate, piorum operû exercitiis, quibus nobis beatitudinem comparamus, sed etiam ab unâ beatitudinis & salutis januâ, quæ est Romano-Catholica Ecclesia desciverunt. Unâ dixi, quia extra illam, nullam reperire est, in qua, ut superius dixi, aut speranda aut invenienda salus, teste S. Aug. Et ne morer, illustriora loca tibi adduco. Tom. 2. Epist. 152. ad po-

populum factionis Donatianæ,  
 sic scribit : Quisquis ab hac Ec-  
 clesia Catholica fuerit separa-  
 tus, quantumlibet laudabiliter  
 se vivere existimet, hoc solo  
 scelere, quòd à Christi unitate  
 disjunctus est, non habebit vi-  
 tam, sed ira Dei manet super  
 eum. Tom. 10 de Temp. Ser. *Non est ve-*  
 181. qui est in Vigilia Pentecost. *rus Chri-*  
 Ser. 1. c. 12. sic pulchrè Sanctus *stianus, qui*  
 discurret: Quisquis ille est, & *non est in*  
 qualiscunque ille est, Christia- *Catholica*  
 nus non est, qui in Christi Ec- *Ecclesiâ.*  
 clesia non est. Sola quippe est,  
 per quam sacrificium Dominus  
 libenter accipiat. Sola quæ pro  
 errantibus fideliter intercedat.  
 Unde etiam de agni hostia Do-  
 minus præcepit dicens : *In una* *Exod. 12,*  
*domo comedetis, nec efferetis de* *46.*  
*carnibus eius foras.* In una nam- *In hac so-*  
 que domo agnus comeditur, *lùm Deo*  
 quia in una Catholica Ecclesia *sacrificium*  
 vera hostia Redemptoris im- *placet.*  
 molatur. De cujus carnibus di- *Matth. 7;*

**vina**

16 *S. Aug. Romano-Catholica*

„vina iussio efferri foras prohi-  
 „bet, quia dari-sanctum canibus  
 „vetat. Sola est, in qua opus bo-  
 „num fructuosè peragitur, unde  
 „mercedem denarii , non nisi,  
 „qui intra vineã laboraverunt ,  
 „acceperunt. Sola est, quæ intra  
 „se positos valida charitatis  
 „compagne custodit. Unde & a-  
 „qua diluvii arcam quidem ad  
 „sublimiora sustulit, omnes au-  
 „tem, quos extra arcam invenit,  
 „extinxit. Sola est, in qua my-  
 „steria superna veraciter con-  
 „templemur. Unde ad Moylen  
 „Dominus dicit: *Est locus apud*  
*me & stabis supra petram* Et pau-  
 „lò pòst: *Tollam manum meam &*  
*videbis posteriora mea* Quia enim  
 „ex sola Catholica Ecclesia veri-  
 „tas conspicitur, apud se esse lo-  
 „cum Dominus perhibet , de  
 „quo videatur. In petra Moyles  
 „ponitur, ut Dei speciem con-  
 „templetur, quia nisi quis fidei  
 „sodalitatem tenuerit, divinam  
 præ-

*Exod. 33.*  
 21.

„præsentiam non agnoscit. A-  
 velle ( *hæc verba citat etiam S.*  
*Aug. ex Cypriano tom. 7, contra Cyprianus*  
*Crescon. lib. 2. cap. 21.* ) Avelle *de simplici-*  
 „radium solis à corpore, divisio- *tate Præla-*  
 „nem lucis unitas non capit. *torum.*  
 „Frange ramum ab arbore, fru-  
 „ctus germinare non poterit. A  
 „fonte præcide rivum, præcisus  
 „arefcit. In his ergò Cypriani *Extra Ec-*  
 „verbis intelligimus lucem non *clesiam nul-*  
 „capere divisionem, sicut in san- *lus fructifi-*  
 „ctis regno Dei prædestinatis, *cat.*  
 „qui dividi ab Ecclesia nullo  
 „modo possunt: & non germi-  
 „nare ramum fructum salutis  
 „æternæ germine, accipimus.  
 „Ariditatem verò rivi à fonte  
 „præcisi, in eo quod Spiritu san-  
 „cto vacuantur, qui ab unitate  
 „separantur, agnoscimus.

Tom. 9, lib. 4. de Symb. ad  
 Catechum cap. 13. hæc scribit:  
 Si quis absque Ecclesia inventus  
 „fuerit, alienus erit à numero  
 „filiorum. Nec habebit Deum

Pa-

„Patrem, qui Ecclesiam nolue-  
 „rit habere Matrem.

Tom. 7. Sermone super gesta  
 cum Emerito Donatistarum E-  
 piscopo ultra medium ita pero-  
 rat Augustinus : Salutem non  
 „potest habere, nisi in Ecclesia  
 „Catholica. Extra Ecclesiam to-  
 „tum potest præter salutem, po-  
 „test habere honorem, potest  
 „habere Sacramentum, potest  
 „cantare Alleluja, potest respon-  
 „dere Amen, potest Evangelium  
 „tenere, potest in Nomine Pa-  
 „tris, & Filii, & Spiritus sancti fi-  
 „dem habere, & prædicare, sed  
 „nusquam nisi in Ecclesia salu-  
 „tem poterit invenire. Videte  
 ergo O Lutherani, an non um-  
 bram sectemini, dum Sacramen-  
 ta, dum fidem SS. Trinitatis, dum  
 decantatum vobis verbum Do-  
 mini in Ecclesia vestra ita ma-  
 gnificatis, ecce quomodo nec fi-  
 des, nec Evangelium, nec omnia  
 alia secundum Augustinum in a-  
 liquam

*Nec Evan-  
 gelium, nec  
 fides pro-  
 sunt ad sa-  
 lutem extra  
 veram Ec-  
 clesiam.*



liquam æternæ salutis spem vos  
accendere valeant, nisi veræ, hoc  
est, Romano-Catholicæ Ecclesiæ  
colla submiseritis. Nam ad ipsam  
„salutem ac vitam æternam ne-  
„mo pervenit, ait Augustinus,  
tom. 7. de unit. Eccles. cap. 16.  
circa medium, nisi qui habet ca- *In Christo*  
„put Christum; habere autem *non est, qui*  
„caput Christum nemo poterit, *non est in e-*  
„nisi qui in ejus corpore fuerit, *ius Ecclesia.*  
„quod est Ecclesia. Unde subsu-  
mit Africanus Doctor tom. 7.  
contra litteras Petil. lib. 2. cap.  
8. dicens: Nec (Hæretici) putan-  
„di sunt esse in Christi corpore,  
„quod est Ecclesia, quia Sacra-  
„mentorum eius corporaliter  
„participes fiunt. Illa enim & in  
„talibus sancta sunt, & eis indi-  
„gnè tractantibus & sumentibus  
„ad majus judicium valebunt.  
„Ipsi autem non sunt in illa Ec-  
„clesiæ Christi compage, quæ in  
„membris Christi per connexum  
„& contactum crescit in incre-  
men-

20 *S. Aug. Romano-Catholica*

„mentum Dei. Illa quippe Eccle-  
„sia in petra est, sicut dicit Do-

*Matth. 16.*  
*18.*

„minus : *Super hanc petram ædi-*  
*ficabo Ecclesiam meam.* Illi autem  
„in arena ædificant, sicut idem  
„Dominus dicit : *Qui audit ver-*

*Matth. 7.*  
*26.*

*ba mea & non facit ea, simulabo*  
*eum viro stulto, qui ædificat domum*  
*suam super arenam.* Sed ne putes  
„Ecclesiam, quæ in petra est, in  
„una parte esse terrarum & non  
„diffundi usque ad fines terræ,  
„audi ejus vocem de psalmo ge-

*Psal. 60. 3.*

„mentis inter mala peregrina-  
„tionis suæ; ait enim : *A finibus*  
*terræ ad te clamavi, dum anxia-*  
*retur cor meum, in petra exaltasti*  
*me.* Tom. 7. de unit. Eccl. cap.  
4. habet hæc : Quicumque cre-  
„dunt quidem quòd Christus Je-  
„sus in carne venerit, & in eadē

*Qui cū to-*  
*tā Ecclesiā*  
*non consen-*  
*tit, non est*  
*eius mem-*  
*brum.*

„carne, in qua natus & passus  
„est, resurrexit, & ipse sit Filius  
„Dei, & Deus apud Deum, & cū  
„Patre unum, & unum incoñ-  
„mutabile Verbum Patris, per  
quod

„quod facta sunt omnia; sed ta-  
„men ab ejus corpore, quod est  
„Ecclesia, ita dissentiunt, ut eo-  
„rum communio non sit cum  
„toto quacunque diffunditur,  
„sed in aliqua parte separata in-  
„veniatur, manifestum est eos  
„non esse in Ecclesia Catholica,  
Intelligite nunc errantes in po-  
pulo, & Lutherani aliquando sa-  
pите, intelligite ex Doctorum A-  
quila fidem in Jesum Christum  
vobis minimè profuturam, quia  
ab illa universali Matre Ecclesia,  
quæ in omnibus totius terræ o-  
ris plantata devotos sibi ubique  
filios alit, malitiosè vos separa-  
stis, exstruentes vobis Ecclesiam  
hoc ipso rejiciendam, quia neu-  
tiquam Catholica, & quod maxi-  
mum invisibilitatis tucatæ Eccle-  
siæ est argumentum, tot anno-  
rum decursibus ignorantia &  
invisibilitatis peplo obvolutam,  
quod mulieri Solis splendoribus  
amictæ, nempe veræ Catholicæ  
Ec-

22 S. Aug. Romano-Catholica  
Ecclesiæ, teste Augustino, inprimis repugnat. Quod ut ostendamus, do Articulum tertium.

---

ARTICVLVS III.

Ecclesia vera debet esse  
visibilis.

**C**larissimè Regius Citharæ-  
dus Prophetica sua cythara: *In Sole posuit tabernaculum suum.* Id est, ut ibidem explicat Sanctus Aug. In manifestatione „posuit Ecclesiam suam, non in „oculto. Et Epist. 166. ad Donatistas. Ipsa est Ecclesia in sole „posita, id est, in manifestatione „omnibus nota usque ad terminos terræ, Ulterius Tom. 9. in Epistolâ Joan. tract. 2. commentatur Sanctus: *In Sole posuit tabernaculum suum,* id est in manifesto. Tabernaculum eius caro „eius, tabernaculum ejus, Ecclesia ejus. In sole posita est, non „in nocte, sed in die. Ibidem. Quid ampliùs dicturus sum, quàm

Psal. 118. 6.

Ecclesia est  
mons &  
Lucerna.

**Fidei Conf. & Defensor. 23**

„quàm cæcos, qui tam magnum  
„montem non vident, qui con-  
„tra lucernam in candelabro  
„positam oculos claudunt. Tom.  
8. Psalmum quadragesimū quar-  
tum sic exponit : *Constitues eos*  
*Principes super omnem terram.*  
„Vide templum Regis quàm la-  
„tè diffusum est : ut noverint  
„Virgines, quæ non adducuntur  
„in templum Regis, non se ad i-  
„stas nuptias pertinere. *Pro Pa-* Ps. 44. 18.  
*tribus tuis nati sunt tibi filii, con-*  
*stitues eos Principes super omnem*  
*terram.* Hæc est Catholica Ec- Catholici  
„clesia, Filii eius constituti sunt *sunt super*  
„Principes super omnem terrā, *omnem ter-*  
„filii ejus constituti sunt pro Pa- *ram.*  
„tribus. Agnoscant, qui præcisi  
„sunt, veniant ad unitatem addu-  
„cantur in templum Regis Tem-  
„plum suum Deus ubique col- Ephes. 3.  
„locavit, fundamenta Prophetarum & Apostolorum ubique  
„firmavit. Filios genuit Ecclesia,  
„constituit eos pro Patribus suis  
**Prin-**

- „Principes super omnem terrā,  
*Psal. 44.* *Memores erunt nominis tui in omni generatione & generatione. Propterea populi confitebuntur tibi.*  
 19. „Quid ergo prodest confiteri, &  
 „extra templum confiteri? quid  
 „prodest precari, & non in mon-  
*Psal. 3. 5.* „te precari? *Voce mea, inquit, ad Dominum clamavi, & exaudivit me de monte sancto suo. De quo*  
*Matth. 5.* dictum est. *Non potest civitas abscondi super montem posita. De*  
*Dan. 2.* „quo monte? quem vidit Da-  
 „niel ex parvo lapide crevisse &  
 „fregisse omnia regna terrarum.  
 „& implevisse omnem faciem  
 „terræ. Ibi adoret, qui vult acci-  
*Non exau.* „ditur qui est, „pere, ibi petat, qui vult exaudi-  
*extra Eccle-* „ri, ibi confiteatur, qui vult sibi  
*siam.* „ignosci.

Lib. 1. contra Cresconium  
 Grammaticum cap. 36. sic scribit:  
 „Existit Ecclesia cunctis clara  
 „atque conspicua. Quippe Civi-  
 „tas, quæ abscondi non potest  
 „super montem constituta: per  
 quam

„quam dominatur Christus à  
 „mari usque ad mare & à flumi-  
 „ne usque ad terminos orbis ter-  
 „ræ. Tanquam semen Abrahamæ  
 „multiplicarum, sicut stellæ cœli  
 „& sicut arena maris, in quo be-  
 „nedicentur omnes gētes. Hanc  
 „etiam Beatus Cyprianus ita  
 „commendat, ut eam dicat Do-  
 „mini luce perfusam, radios su-  
 „os per orbem terrarum porri-  
 „gere, ramos suos per univer-  
 „sam terram copiâ ubertatis ex-  
 „tendere. Nunquid hæc omnia  
 lucidissimam & visibilem indi-  
 cant Ecclesiam? & quî fieri pos-  
 set, ut hominum obtutibus sese  
 subduceret ea Ecclesia, in quâ  
 Episcopi & Pastores visibiliter  
 custodias agunt super gregem  
 Domini, cū ad Sapientiæ cau-  
 las educunt, subditos admonen-  
 do, hortando placidè regunt? *Ecclesia, in*  
 Sanctissima Sacramenta admini-  
 strant, peccantes correctionis *quâ Pasto-*  
 virgâ coercent, contumaces ab a-  
*res regunt*  
*subditos,*  
*Sacramen-*  
*ta admini-*

B

lio-

*stant, Con-*  
*cilia cele-*  
*brant, ne-*  
*cessario est*  
*visibilia.*

hiorum communione separantur in  
 qua etiam subditi suos agnoscere  
 pastores, eorum monitis obtem-  
 perare, instructionem & Sacra-  
 menta ab eis percipere tenentur;  
 sine etiam controversiâ Ecclesiâ  
 illam visibilem esse, est necessum,  
 in quâ publicè inducuntur & ce-  
 lebrantur Concilia, sanciantur  
 Canones, de fide ac religione  
 controversiæ dirimuntur; Sed  
 hæc omnia fiunt, fierique debent  
 in verâ Christi Ecclesiâ, conse-  
 quenter de visibilitate ejus ne-  
 mini dubitandum est. Prodeant  
 nunc Lutherani Evangelii Mini-  
 stri, quibus verba non in Evange-  
 lio, nec in sincero corde, sed in  
 ore nascuntur, edicant, demon-  
 strent, ubi eorum Ecclesia ante  
 ducentos, trecentos, imò mille  
 annos sese præbuerit visendam,  
 aut sub quo cœli climate florue-  
 rit. Indicate nobis, quæ vel quot-  
 nam ex septemdecim Oecume-  
 nicis Conciliis à Doctoribus Lu-

the-



*Fidei Conf. & Defensor. 17*

theranis celebrata sint: in lucem  
date Canones in illis sancitos, o-  
stendite, nominibus suis compel-  
late Doctores & Pastores, qui tot  
emensis & emetiendis sæculis fu-  
erunt, sunt & erunt in verâ Chri-  
sti Ecclesiâ usque ad consumma-  
tionem sæculi in opus ministerii

*& in ædificationem Corporis Chri-* *Ephes. 4.*  
*sti* testante Paulo. Verùm statuâ *12.*  
sunt taciturniores, optimèq; hic  
in eos quadrat illud Virgilianū.

*Obstupui, steteruntque comæ, &* *Lib. 3. Æ-*  
*vox faucibus hæsit.* *neid.*

Cùm igitur hoc ostendere ne-  
quaquam possint, neque diffitenti-  
suorum Ecclesiam Cymmereis  
quibusdam tenebris involutam  
tot sæculis latuisse, quòd tam *Ecclesia Lu-*  
Scripturæ quàm S. Augustino ad *therana,*  
versatur, luce clariùs innotescit *multis sæ-*  
Ecclesiam eorum non esse veram *culis fuit*  
in qua quis salutem consequi *invisibilis.*  
possit. E contra cùm Ecclesia  
Romana à Christo & S. Petro in  
hæc usque tempora continuò so-

**28 S. Aug. Romano-Catholicæ**  
 la fuerit visibîlis, visibiliter do-  
 cuerit, Oecumenica concilia ce-  
 lebrârit, Sacramenta administrâ-  
 rit, & omnibus suis ministeriis  
 officiisque visibili modo semper  
 functa fuerit, evidenter sequi-  
 tur, eam veram & solam Ecclesi-  
 am Christi esse. Sed redeamus ad  
 S. August. Hic tom. 9 in epist.  
 Joann. tr. 1. hæc scribit: Quan-  
 „do volunt homines videre lu-  
 „nam novam: dicunt ecce luna,  
 „ecce ubi est; & si sunt ibi, qui  
 „non valeant intendere aciem &  
 „dicant, ubi? Intenditur illis di-  
 „gitus, ut videant. Aliquando  
 „dum erubescunt, ne cæci pu-  
 „tentur, dicunt se vidisse, quod  
 „non viderunt. Nunquid sic o-  
 „stendimus Ecclesiam Fratres  
 „mei? Nonne aperta est? Non-  
 „ne obtinuit omnes gentes?  
 „Nonne impletur, quod ante tot  
 „annos promissum est Abraham,  
*in semine eius benedici omnes gen-*  
*tes. Uni fidei promissum est, in*  
 milli-

Gen. 22.  
 18.

„millibus fidelium mundus im-  
 „pletus est. *Ecce mons implens u-* *Dan. 2 35.*  
*niversam faciem terræ.* *Ecce Ci-*  
 „vitas. de quâ dictum est: *Non* *Matth. 5.*  
*poteſt ciuitas abſcondi ſupra mon-* *14.*  
*tem poſita.* Illi autem (Hæretici)  
 „offendunt in montem. Et cùm  
 „eis dicitur: *Ascendite: non eſt* *Acatolici*  
 „mons, dicunt: & faciliùs illuc *caci ſunt,*  
 „faciem impingunt, quàm illic *quia mon-*  
 „habitaculum quærunt. *tem non vi-* *dent.*  
 dem profeſſò nunc eſt Luthera-  
 norum, aliorumque Acatolico-  
 rum mens & conditio, ut malint  
 in noſtram viſibilem Eccleſiam  
 impingere, quàm illius jam per  
 totum mundum propagatæ am-  
 plexu ſaluti ſuæ conſulere, ſuam  
 interim buccinantes Eccleſiam  
 veluti Aſtronomi novam illam  
 Caſſiopez ſtellam, quæ tot ſæcu-  
 lorum decurſu etiam peritis in-  
 viſa ac ignota ſubitò cum omni-  
 um admiratione fulſit in æthere.  
 Simplicium quis doctrinâ præ-  
 ſenti articulo traditam hoc trito

labefactari posse confidit sophismate: Quod fide creditur, nō est visibilē; Ecclesiam fide credimus, sic tradente Symbolo: *Credo sanctam Ecclesiam Catholicam*, ergo Ecclesia non est visibilis. Verūm exigua est Sophismatis vis, quam brevis distinctio totam enervat. Sic ergo majorem distingue, quod fide creditur non est

*Ex parte visibile, ex eā parte quā sub fidem videmus & ex aliā parte credimus veram Ecclesiam.* cadit, concedo majorem, ex aliā parte quā sub fidem non cadit, nego majorem. Clariorem tibi distinctionis intellectum dabit similium inductio. Quod Apostoli oculis suis conspexerunt, manibus contrēcta verunt de Verbo vita, de illo & crediderunt; conspexerunt humanitatem, crediderunt divinitatem. Videmus in Baptismate corporis per aquam ablutionem, cordis per gratiam regenerativam credimus emundationem. Sic in Ecclesiā homines, externos ritus & Sacramen-

*1. Ioan. x.  
v. 1.*

ta contuemur, attamen doctrinam ab omni errore liberam in eâ tradi credimus, & sic Ecclesiam Christi ex parte per fidem agnoscimus, ex parte visibilem ex Augustino ostendimus. Verum præsumit non nemo asserere Ecclesiam quidem exstitisse visibilem, sed ob crassiores errorum nebulas non solum obnubilatam, sed prorsus eclipsatam evanuisse, ideoque plurimis annis exstitisse invisam. Fucato huic argumento abundè satisfaciet Articulus sequens.

---

*ARTICVLVS IV.*

**Ecclesia Catholica non potest deficere, nec perire.**

**Q**uamvis cœlorum, astorumque moles continuo giretur motu, semper tamen ne limites suos excedant super immobili moventur: ita Ecclesia, quamvis insultantium hæreticorum impetatur motibus, ipsa

32 S. Aug. Romano-Catholica  
semper persistit super immobi-  
li ac invariato fidei ejusdem &  
doctrinæ axe.

Audiamus nostrum Augusti-  
num tom. 8. in Psal. 103. Con-  
Pf. 103. 5. cio. 1. sic loquentem : *Fundavit*  
*terram super firmamentum eius.*  
„Per tertam Ecclesiam intelli-  
„go. Quæ est firmitas ejus, super  
„quam fundata est, nisi funda-  
„mentum ejus? An incongruè  
„intelligimus firmitatem, super  
„quam fundata est terra, funda-  
„mentum, ubi est constituta Ec-  
„clesia? quod est illud funda-  
1. Cor. 3. mentum? *Fundamentum*, inquit,  
11. *nemo potest ponere præterquam ,*  
*quod est positum, quod est Christus*  
*Iesus.* Ibi ergò firmati sumus.  
Christus est „Meritò ibi firmati non incli-  
firmū fun- „nabimur in sæculum sæculi, ni-  
damentum „hil enim firmius isto funda-  
Ecclesiæ. „mento. Infirmus tu eras , sed  
„firnum fundamentum te por-  
„tat. In te firmus esse non po-  
„teras, firmus eris semper, si ab  
illo

„illo firmo fundamento non  
 „recedas, non inclinabitur in se-  
 „culū seculi. Ipsa est prædestina-  
 „ta columna & firmamentum  
 „veritatis.

2. Tim. 3.  
 15.

Et eodem tom. Psal. 57. scri-  
 bit: In ventre Ecclesiæ veritas *Extra Ec-*  
 „manet. Quisquis ab hoc ventre *desiam non*  
 „Ecclesiæ separatus fuerit, ne-*est veritas.*  
 „cesse est, ut falsa loquatur. Te-  
 ste Davide Psal. 57. 4. *Erraverunt*  
*ab utero, locuti sunt falsa.* Ne-  
 „cesse est, inquam, ut falsa loqua-  
 „tur, qui aut concipi noluit, aut  
 „quem conceptum mater ex-  
 „cussit. Et Tom. 6. Concion. ad  
 Catech. cap. 20. Hæc. (Ecclesia)  
 „est Mater vera, pia Mater & ca-  
 „sta, intrinsecus sui viri dignita-  
 „te ornata, non forinsecus men-  
 „dacio fallente turpiter colora-  
 „ta. Item lib. 1. de Symb ad Ca-  
 „tech. c. 6. Ipsa est Ecclesia san- *Ecclesia pu-*  
 „cta, Ecclesia una, Ecclesia vera, *gnat contra*  
 „Ecclesia Catholica contra om- *hæreses &*  
 „nes hæreses pugnans, pugnare *expugnari*  
 non potest.

### 34 *S. Aug. Romano-Catholicæ*

„potest, expugnari tamen non  
„potest. Hæreses omnes de illâ  
„exierunt, tanquam sarmenta in-  
„utilia de vite præcisa. Ipsa au-  
„tem manet in radice suâ, in cha-  
„ritate suâ. Portæ inferorum  
„non vincent eam. Ecce quàm  
immobilis persistat super veri-  
tatis suæ axes Ecclesia Christi,  
cui tam propudiosè valedixe-  
runt Lutherus, Calvinus cæ-  
terique Hæretici, cum quibus  
continua miscebit prælia, do-  
nec plenum & consummatum,  
sicut de aliis jam plurimis de-  
victis Sectis in Christo Jesu a-  
gat triumphum.

Audite Augustinum Conc. 2.  
in Psal. 101. contra Donatistas,  
ubi introducit Ecclesiam ita lo-  
quentem cum Christo: Quid est,  
„quod nescio qui, recedentes à  
„me, murmurant contra me?  
„quid est, quod perdit me peri-  
„ille contendunt? Certè enim  
„hoc dicunt, quia fui & non sum.

An.



„Annuncia mihi exiguitatem  
 „dierum meorum, quamdiu ero  
 „in isto seculo ? annuncia mihi  
 „propter illos, qui dicunt, fuit  
 „& jam non est : apostatavit &  
 „periit Ecclesia de omnibus  
 „gentibus. Et annuntiavit: *Ecce* Matth 28.  
*ego vobiscum sum omnibus diebus* 20.  
*usque ad consummationem seculi.* *Ecclesia non*  
 Nota hîc, quomodo S. Augusti- *perit, quia*  
 nus per latera Donatistarum *Christus cū*  
 confodiat Lutheranos & Calvi- *ipsa semper*  
 nistas, qui etiamnum dicunt, *est.*  
 quod illi dicebant: Ecclesia Ca-  
 „tholica jam non est, sed fuit, a-  
 „postatavit & periit. Contra  
 quos similiter licebit exclamare:  
 Quid est, quod nescio qui, rece-  
 dentes à me, murmurant contra  
 me? quid est, quod perditionem  
 perisse contendunt? nonne tu  
 Domine dixisti: *Ecce ego tecum*  
*sum omnibus diebus usque ad con-*  
*summationem seculi?* Certè non  
 dixisti: *Ecce tecum sum quin-*  
*gentis annis & postea per mul-*

ta secula te deferam usque ad tempora Lutheri & Calvinii, sed disertè dixisti omnibus diebus usque ad consummationem seculi.

Paulò superiùs in eâdem Con- cione habet Augustinus hæc :

„Christus unus est, Ecclesia u-  
„nitas. Non respondet uni, nisi

„unitas. Sed existunt, qui dicunt.

„Iam hoc factum est, responde-

„bit ei in omnibus gentibus Ec-

„clesia, pariens filios plures,

„quàm illa, quæ habebat virum.

„Respondit ei in viâ fortitudi-

„nis suæ: credidit enim Christū

„resurrexisse, crediderunt in eū

„gentes. Sed illa Ecclesia quæ

„fuit omnium gentium non est,

„periit. Hoc dicunt, qui in illâ

„non sunt. O impudentem vo-

„cem! Illa non est, quia tu in

„illâ non es? Vide ne tu ideò

„non sis: nam illa erit, etsi tu

„non sis. Hanc vocem abomi-

„nabilem & detestabilē præ-

„sumptionis & falsitatis plenam,

nul-

Heretici  
dicunt Ec-  
clesiam iam  
non esse,  
quia in hac  
illi non  
sunt.

„nullâ veritate suffultam, nullâ  
 „sapientiâ illuminatam, nullo  
 „sale conditam, vanam, temera-  
 „riam, præcipitem, perniciosam  
 „prævidit Spiritus Dei, & tanquã  
 „contra illos cùm annuntiaret  
 „unitatem: *In conveniendo popu-* Psal. 101.  
*los in unum, & regna, ut serviant* 23.

*Domino &c. Respondit ei in viâ  
 virtutis sue: paucitatem dierum  
 nuncia mihi. Ne revoces me  
 in dimidio dierum meorum &c.*

Et paulò infra Augustinus: Un-  
 „de vobis cor dolet? quia & Im-  
 „peratores contra hæreticos le-  
 „ges proponunt: ibi impletum  
 „est: *& regna, ut serviant Domi-*  
*no.* Utinam A catholici hæc me-  
 liùs perpenderent, & cum S. Au-  
 gustino lib. de utilitate credendi  
 ad Honoratum, cap. 17. sic con-  
 cluderent. Cùm igitur tantum

„auxilium Dei, tantum profectû Summe ar-  
 „fructumque videamus, dubita- rogantia  
 „bimus nos ejus Ecclesiæ con- est, nolle Ec-  
 „dere gremio, quæ ab Apostoli- clesiæ cre-  
dere.

câ

38 *S. Aug. Romano-Catholica*

„câ sede per successiones Episcoporum , frustra hæreticis circumlatrantibus culmen auctoritatis obtinuit? cui nolle pri-  
mas dare, vel summæ profectò impietatis est , vel præcipitis  
arrogantiæ. Hucusque August.

---

*ARTICVLVS V.*

Biblia esse Scripturam Sacram non possumus scire , sine  
Traditione, ideò Traditiones  
sunt admittendæ.

**F**ons saliens in vitam æternam  
est Verbum Dei à Spiritu  
sancto dictatum, Canonicis li-  
bris comprehensum; verùm mi  
Lutherane non levis mentem di-  
scriminat dubitatio, quinam li-  
bri tam honorifico Authentico-  
rum Canonorum titulo sint  
honorandi , moveatur lis cun-  
ctis , quos tu sic compellandos  
æstimas, an judicandos constitu-  
es judices? & in propriâ causâ  
non vereris partialem sententi-

am? solviturne de veritate sus-  
pectus crimine, quia se veracem as-  
seruit? an quia iudex eum talem  
declaravit? Hoc Sacratissimo ti-  
tulo eos compellabis, quia sese  
hoc titulo dignos eloquuntur,  
(sed quæso ubi) an quia legiti-  
mus iudex eos dignos declara-  
vit? En tibi in dubiorum Laby-

*Non potest  
ostendi ex  
Sacra Scri-  
ptura, quod  
hæc sit Sa-  
cra Scriptu-  
ra.*

rintho erranti rursus Ariadna  
est Aug. Tom. 10. de Temp. Ser.  
191. sic scribens: Novum & Ve-  
tus Testamentum recipimus in  
illo librorum numero, quem  
Sanctæ Ecclesiæ tradit Autho-  
ritas. Tom. 6. contra Faustum  
Manich. lib. 28. c. 2: hæc habet:  
Dices illam narrationem non  
esse Matthæi, quam Matthæi  
dicit universa Ecclesia ab Apo-  
stolicis Sedibus, usque ad præ-  
sentes Episcopos, certâ succe-  
ssione perducta. Tu mihi quid  
contra lecturus es? aliquem  
forte librum Manichæi, ubi Je-  
sus negatur esse natus ex Vir-

*Matthæi  
Evangelio  
credimus,  
quia per  
Traditionē  
ad usq; no-  
stra tempo-  
ra pervenit.*

„gine. Sicut ergò ego credo il-  
„lum librum esse Manichæi, quo-  
„niam ex ipso tempore, quo Ma-  
„nichæus vivebat in carne, per  
„discipulos ejus certâ successio-  
„ne præpositorum vestrorum ad  
„vestra usque tempora custodi-  
„tus atque perductus est: sic &  
„istum librum crede esse Matt-  
„hæi, quem ex illo tempore, quo  
„Matthæus ipse in carne vixit,  
„non interruptâ serie temporū,  
„Ecclesia certâ connexionis suc-  
„cessione usque ad tempora ista  
„perduxit. An non per hunc ab  
Augustino tibi porrectum sen-  
tentia & doctrinæ filum eò de-  
duceris, ut agnoscas modernos  
hæreticos nulla ratione Scriptu-  
ræ suæ auctoritatem tueri posse,  
nisi ad traditiones ejus Ecclesiæ  
confugiant, à quâ ipsi sunt præci-  
si? Restant porrò plura devotis  
Christianis credenda, quorum  
expressam mentionem in sacris  
paginis haud invenire est, de qui-  
bus

bus sic scribit Augustinus tom. 2. *Multa sunt credenda*  
Epist. 174. propè initium. Ego *quæ in S. Scripturâ*  
„illud, quod jam dixeram, repe- *scripta non*  
„tivi, ita fieri posse, ut etiam ho-  
„mouision neque scriptum in *sunt.*  
„Sanctis paginis inveniatur, &  
„tamen dictum in assertione fi-  
„dei defendatur; sicut Patrem in  
„illis libris nusquam ingenitum  
„legimus, & tamen dicendum  
„esse, defenditur. Tom. 3. de  
„Gen. ad litteram lib. 10, cap. 23.  
ait. Consuetudo Matris Ecclesiæ  
„in baptizandis parvulis nequa-  
„quam spernenda est, neque ul-  
„lo modo superflua deputanda,  
„nec omninò credenda, nisi A-  
„postolica esset traditio. Illa e-  
„nim dicit tom. 2. epist. 118. c.  
1. ad Januarium. Illa quæ non  
„scripta sed tradita custodimus,  
„quæ quidem toto terrarû orbe  
„observantur, dantur intelligi, *Hac credi-*  
„vel ab ipsis Apostolis vel ple- *mus, quia*  
„nariis Conciliis, quorum est in *per tradi-*  
„Ecclesia saluberrima autori- *tionem ac-*  
*cepimus.*  
tas,

„tas, commendata atque statuta  
 „retineri, sicuti, quòd Domini  
 „Passio & Resurrectio & Ascen-  
 „sio in cœlum, & adventus de  
 „cœlo Spiritûs sancti anniver-  
 „sariâ solemnitare celebra-  
 „tur &c. Dicite Acatholici, si  
 nihil credendum est, quàm quòd  
 scripto Dei verbo clarè expres-  
 sum est, unde vobis persuasum  
 habetis, prædicta festa celebra-  
 da esse? profectò non aliunde  
 vos ea accepisse profitebimini  
 quàm per traditionem à majori-

*Heretici  
 multa cre-  
 dunt, quæ  
 non sunt in  
 Sacrà Scri-  
 pturâ.*

bus vestris. Cùm igitur multa apud vos fieri conspiciantur, quorum Scriptura non meminit, consequens est vos & acceptâsse & acceptare teneri traditiones.

„Nam in his rebus, sunt verba S. August. tom. 2. epist. 86. ad Casulanum Presbyterum in initio, de quibus nihil certi statuit  
 „Scriptura divina, mos populi  
 „Dei vel instituta majorum pro  
 „lege tenenda sunt. De quibus si  
 di-



„disputare voluerimus & ex a-  
„liorum consuetudine alios im-  
„probare, orietur interminata  
„luctatio, quæ, utique cavenda  
„est, ne tempestate contentio-  
„nis, serenitas charitatis obnu-  
„biletur.

Tomo 2. epist. 108. ad Seleu-  
cianam hæc scribit : Non omnia  
„quæ facta sunt, etiam scripta in-  
„veniuntur, veruntamen facta  
„esse ex cæteris documentis pro-  
„bantur. Scriptum est, quando  
„baptizatus sit Apostolus Pau-  
„lus, & scriptum non est, quan- *Act. 9.*  
„do baptizati sunt alii Apostoli,  
„veruntamen etiam ipsos bapti-  
„zatos intelligere debemus,  
„quemadmodum scriptum est,  
„quando baptizatae sunt plebes *Act. 2. 41*  
„Ecclesiarum in Hierusalem, &  
„Samaritæ, quando autem bapti-  
„zatae sint aliæ plebes gentium,  
„quibus Apostoli epistolas mi-  
„serunt, non est utique scriptum:  
„& tamen etiam ipsas baptizatas  
esse

#### 44 S. Aug. Romano-Catholicæ

„esse minimè dubitamus, pro-  
pter illam Domini sententiam:  
*Nisi quis renatus fuerit ex aquâ*  
*et Spiritu Sancto, non intrabit in*  
*regnum cælorum.*

Joan. 3. 5.

Tandem tom. 4. de fide & o-  
peribus cap. 9. sic discurret: Spa-  
do, inquiunt (qui fidem sine pœ-  
nitentiâ & vitæ melioris propo-  
sito sufficere putant baptizandis  
adultis) quem Philippus baptiza-

Act. 8. 37.

„vit, nihil plus dixit. *Credo Fili-  
um Dei esse Iesum Christum.* Et  
„in hac professione continuò  
„baptizatus est. Num ergò pla-  
„cet, ut hoc solùm homines re-  
„spondeant & continuò bap-  
„zentur? Nihil de Spiritu san-  
„cto, nihil de sancta Ecclesia, ni-  
„hil de remissione peccatorum,  
„nihil de resurrectione mortuo-  
„rum: postremò de ipso JESU  
„Christo, nihil nisi quia Filius  
„Dei est, non de incarnatione  
„ejus ex Virgine, de passione, de

Luc. 1.

Matt. 27.

„morte crucis, de sepulturâ, de  
ter-

„tertiū diei resurrectione, de a-  
 „scensione, ac sede ad dexteram  
 „Patris aliquid dicendū est Ca-  
 „techizanti ac profitendum cre- <sup>Baptizan-</sup>  
 „denti? si enim spado cum re- <sup>dns non ge-</sup>  
 „spondisset: *Credo Filium Dei es-* <sup>tantum, sed</sup>  
*se Iesum Christum.* hoc ei suffice- <sup>etiam spe-</sup>  
 „re visum est, ut continuò bap- <sup>ciatim arti-</sup>  
 „tizatus abscederet: cur non id <sup>culos fidei</sup>  
 „sequimur, atque auferimus cæ- <sup>se credere</sup>  
 „tera, quæ necesse habemus, eti- <sup>testari de-</sup>  
 „am cum ad baptizandum tem-  
 „poris urget angustia, exprime-  
 „re interrogando, ut baptizatus  
 „ad omnia respondeat, etiam si ea  
 „memoriæ mandare non valuit?  
 „Si autem Scriptura tacuit, atq;  
 „intelligenda admisit cætera,  
 „quæ cum illo spadone bap-  
 „zando Philippus egit, atque in  
 „eo, quod ait, baptizavit eum  
 „Philippus, intelligi voluit im-  
 „pleta omnia, quæ licet tacean- <sup>Serie tradi-</sup>  
 „tur in Scripturis gratia brevita- <sup>tionis sci-</sup>  
 „tis, tamen serie traditionis sci- <sup>mus quæ il-</sup>  
 „mus implenda: pari modo etiā <sup>esse facta</sup>  
 „in <sup>nunc faci-</sup>

enda, quæ in Scripturis gratiâ brevitate tractantur.

in eo, quod scriptum est, evangelizasse Philippum spadoni Dominum, nullo modo dubitandum est, & illa in Catechismo dicta esse, quæ ad vitam moralesque pertinent ejus, qui credit in Dominum Jesum. Hoc est enim evangelizare Christum, non tantum dicere, quæ sunt credenda de Christo, sed etiam quæ observanda ei, qui accedit ad compagem corporis Christi. Aliis mentibus vestris jam jam recitata Augustini verba imprimite A catholici, qui solum credenda magnificatis, observanda verò inertia spiritu ducti contemnitis, in solâ, à bonorum operum vitam discretâ fide, justificationem vestram firmantes contradicente vobis Augustino. Verum suggerunt obrectandi materiam variarum Ecclesiarum diversæ Ceremoniæ & ritus, quorum nullum (ut ipsi loquuntur) in Scripturâ apparet fundamentum.

rum. Verùm non alio retunden-  
di sunt malleo,quàm Augustino.  
Benevolè audiatur.

Tom. 2. epist. 118. ad Janua-  
rium cap. 2. sic respondens: Quæ  
„per loca terrarum, regionesq;  
„variantur, sicuti est, quod alii  
„jejunant Sabbatho, alii verò  
„non: alii communicant quoti-  
„die Corpori & Sanguini Do-  
„minico, alii certis diebus acci-  
„piunt: alibi nullus dies inter-  
„mittitur, quo non offeratur, ali-  
„bi Sabbatho tantùm est Domi-  
„nico, alibi tantùm Dominico:  
„etsi quid aliud huiusmodi ani-  
„madverti potest: totũ hoc genus *Quod non*  
„rerũ liberas habet observatio- *est contra*  
„nes: nec disciplina ulla est in his *fidem nec*  
„melior gravi prudentique Chri- *contra ho-*  
„stiano, quàm ut eo modo agat, *nos mores,*  
„quo agere viderit Ecclesiam, ad *observandũ*  
„quamcunq; devenarit. Quod e-  
„nim neq; contra fidẽ, neq; con-  
tra bonos mores iniungitur, in-  
„differenter est habendũ, & pro

co-

„eorum inter quos vivitur so-  
 „cietate servandum est.

Et adhuc clariùs eodem Tom.  
 epist. 119. ad Ianuarius. Miror  
 „sanè, quod illa volueris, ut de  
 „iis, quæ variè per diversa loca  
 „observantur, tibi aliqua con-  
 „scriberè, & cùm non sit neces-  
 „sariũ, & una in his saluberrima  
 „regula retinenda sit, quæ non  
 „sunt contra fidè, neque contra  
 „bonos mores, & habent aliquid  
 „ad exhortationem vitæ melio-  
 „ris, ubicunque institui videmus,  
 „vel instituta cognoscimus, non  
 „solùm non improbemus, sed  
 „etiam laudando & imitando se-  
 „citemur, si aliquorum infirmi-  
 „tas non ita impedit, ut amplius  
 „detrimentum sit. Si enim eo  
 „modo impedit, ut maiora stu-  
 „diorum lucra, speranda sint,  
 „quàm calumniatorum detri-  
 „menta timenda, sine dubitatio-  
 „ne faciendum est. Videant er-  
 „go & intelligant A catholici  
 in-

*Calumnia-  
tores non  
sunt audi-  
endi,*

inde, quàm egregiè S. Augustinus laudet & approbet non solum universæ Ecclesiæ sed & particularium traditiones ac observationes.

---

*ARTICVLVS VI.*

**Sanctus Petrus fuit primus<sup>us</sup>**  
seu Caput Apostolorum, &  
fundamentum Ecclesiæ.

**P**AUCIS hoc ex Augustino probatum accipe Lector : nam Tom. 7. de Baptismo contra Donatistas lib. 2. cap. 1. sic effatur Sanctus Doctor :

„ In Apostolo Petro Primatus  
„ Apostolorum excellenti gratiâ  
„ præminet. Et Tom. 9. in Ev.  
Joann. tract. 56. Quis enim ne-  
„ sciat, primum omnium Aposto-  
„ lorum esse Beatissimum Petrû?  
& hoc probat Tom. 4. quæst. ex  
Novo Testam. quæst. 75. Di-  
„ cunt exactores didrachmæ ad  
„ Petrum Apostolû: *Magister ve-* Matt. 17.  
*ster non solvit didrachmam* &c. 23.

C

Quo

to *S. Aug. Romano-Catholicæ*

„Quo dicto, magistrum, ut pro  
omnibus discipulis solveret, con-  
venerunt. Salvator autem cum

*In Petro*

*post Salva-*

*torem om-*

*nes conti-*

*nentur.*

„pro se & Petro dari jubet, pro  
omnibus solvisse videtur: quia

„sicut in Salvatore erant omnes  
causæ Magisterii, ita & post Sal-

„vatores in Petro omnes conti-  
nentur. Ipsum enim consti-

„tuit caput esse eorum, ut pastor  
esset gregis dominici. Nā inter

*Mat. 26.*

*41.*

*Luc. 22.*

*31.*

„cætera dicit discipulis: *Vigilate*  
*& orate, ne intretis in tentationē.*

„Et Petro dicit: *Ecce Sathanas*  
*expostulavit, ut vos ventilet sicut*

*triticum, ego autem rogavi pro te*  
*Petre, ut non deficiat fides tua; &*

*tu tandem conversus confirma fra-*  
*tres tuos. Quid ambigitur? pro*

*Quare*

*Christus o-*

*rat pro Pe-*

*tro & non*

*pro Ioanne*

*aut Iacobo*

*sen. Aposto-*

*lic aliis.*

„Petro rogabat, & pro Iacobo  
ac Ioanne non rogabat, ut cæ-

„teros taceam. Manifestum er-  
go est in Petro omnes conti-

„neri, rogans enim pro Petro,  
pro omnibus rogasse dignosci-

„tur. Semper enim in Præposi-  
to



*Fidei Conf. & Defensor.* § I

„to populus aut corripitur aut  
„laudatur. Item Tom. 10. de  
Verbis Domini Ser. 13. In illo  
„uno Apostolo, id est, Petro, in  
„ordine Apostolorum primo &  
„præcipuo, in quo figurabatur  
„Ecclesia, utrumque genus si-  
„gnificandum fuit, id est, firmi &  
„infirmi, quia sine utroque non  
„est Ecclesia. Clare ergo habe-  
mus ex S. Augustino, Sanctum  
Petrum fuisse primum & præci-  
puum in ordine Apostolorum;  
Quod autem fuerit etiam funda-  
mentum Ecclesiæ, hisce probat  
S. August. Tom. 10. Serm. 26.  
de Sanctis.

„ Audistis, inquit, frequenter  
„ipsum Petrum à Domino pe-  
„tram nuncupatum. Sicut ait :

*Tu es Petrus & super hanc petram* *Matth. 16*  
*ædificabo Ecclesiam meam.* Si er- 18.

„gò Petrus petra est, super quam

„ædificatur Ecclesia, rectè priùs  
„pedes sanat, ut sicut in Ecclesiâ  
„fidei fundamentum continet,

*Per Petrum  
intelligun-  
tur firmi &  
infirmi.*

*Cur S. Pe-  
trus primò  
claudum  
curaverit.*

§ 2. *S. Aug. Romano-Catholicæ*

Act. 3. „ita & in homine membrorum  
 „fundamenta confirmet. Rectè,  
 „inquam, pedes Christiano cu-  
 „rat, ut jam non trepidus quis,  
 „nec imbecillis possit supra pe-  
 „tram Ecclesiæ stare: sed robu-  
 „stus & fortis incedere. Et Ser-  
 „monem 15. de Cathedrâ S. Pe-  
 „tri sic incipit. Institutio solem-  
 „nitatis hodiernæ à Senioribus  
 „nostris Cathedræ nomen acce-  
 „pit: ideo, quòd primus Apo-  
 „stolorum Petrus hodie Episco-  
 „patûs Cathedram suscepisse re-  
 „feratur. Rectè ergo Ecclesiæ  
 „natalem Sedis illius colunt,  
 „quam Apostolus pro Ecclesia-  
 „rum salute suscepit, dicente Do-  
 „mino: *Tu es Petrus, & super*  
*hanc Petram ædificabo Ecclesiam*  
*meam.* Petrum itaque funda-  
 „mentum Ecclesiæ Dominus no-  
 „minavit, & ideò dignè funda-  
 „mentum hoc Ecclesia colit, su-  
 „pra quod Ecclesiastici ædificii  
 „altitudo consurgit. Unde con-

ve.

venienter Psalmus, qui lectus  
est dicit: *Exaltent eum in Eccle-* *Psal. 106,*  
*sia plebis, & in Cathedra Seniorum.* <sup>32.</sup>  
*laudent eum. Benedictus Deus,*  
qui exaltari in Ecclesia hoc *S. Petrus*  
præcepit, quia dignum est, ut *tanquam*  
fundamentum hoc in Ecclesia *fundamen-*  
honoretur, per quod ad cælum *tum Eccle-*  
ascenditur. Quid clariùs dici *sic hono-*  
potest? *ratus est.*

Superaddit adhuc sequenti 16.  
Serm. plura August. Tanquam  
bonus Pastor tuendum gregem  
accepit, ut qui sibi infirmus *Joan. 21.*  
fuerat fieret omnibus firmamē-  
tū. Et quia ipse interrogationis *Mat. 26.*  
tentatione negaverat, ceteros  
fidei stabilitate fundaret. De-  
nique pro soliditate devotio-  
nis, Ecclesiarum petra dicitur,  
sicut ait Dominus: *Tu es Petrus,*  
*& super hanc petram edificabo*  
*Ecclesiam meam.* Petra enim di- *Cur Petrus*  
citur eò, quod primus nationi- *petra dica-*  
bus fidei fundamenta posuerit, *tur.*  
& tanquam saxum immobile.

# 34 S. Aug. Romano-Catholica

„totius corporis Christiani com-  
 „pagem, molemque contineat.  
 „Petra ergò pro devotione Pe-  
 „trus dicitur, & petra pro virtu-  
 „te Dominus nuncupatur. sicut

1. Corinth.

10. 4.

„ait Apostolus: *Bibebant autem  
 „spirituali sequente eos petrà: pe-  
 „tra autem erat Christus.* Rectè

„consortium meretur nominis,  
 „qui consortium meretur & o-  
 „peris. Notent ergo A catholici  
 duplex esse fundamentum Ec-  
 clesiaz secundum S. Augustinum,  
 scilicet Christum & Petrum,  
 Christus est primarium, Petrus  
 verò secundarium fundamentū.  
 Hinc Augustinus ita exponit lo-  
 cum illum: *Tu es Petrus & su-*

Mat. 16.

*per hanc Petram ædificabo Ecclesi-*  
*am meam.* Id est, inquit super me  
 „ipsum Filium Dei vivi ædificabo  
 „Ecclesiam meam. Quod cum  
 dixisset, illicò quasi interpretans  
 dictum suum subjungit Aug. in  
 personā Christi Ser. 13. de Verb.  
 „Dñi; Super me ædificabo te.

Quis

Quis nunc A catholicorum tantum præsumet, ut infitias ire audeat, Sanctum Petrum primum esse post Christum Dominum Romano-Catholicæ Ecclesiæ fundamentum? Verum ut huic à S. Augustino tam disertè asserto fundamento reniti, ac veritati aditum præstruere valeant, in alio commento asylum quærunt, nempe S. Petrum nunquam Romanam incoluisse urbem, nec unquam illius subiisse mœnia. Sed ut & hoc figmentum prorsus convellatur, sit

---

*ARTICVLVS VII.*

S. Petrus Romæ Episcopalem Cathedram tenuit, Simonem Magum ibidem superavit, & martyrio coronatus est.

**E**A est veritatis amantium dignitas & præstantia, ut & illi, qui eam non sine maximâ ignominiâ repudiaverunt, illorum simias se & ostendant &

36 *S. Aug. Romano-Catholicæ*  
 profiteantur: nam sicut illorum  
 sermo semper sibi est constans &  
 cohærens, ita horum falsitate u-  
 nâ alteram obvelare nititur, ut  
 veracis sermonis incauto Lecto-  
 ri ingerat speciem. Quis quæso  
 A catholicus ita decantatæ tã a-  
 pud Sanctos Patres, quàm Histo-  
 ricos veritati obniti præsumeret,  
 nisi priori Articulo explosæ fal-  
 sitati fucum adornaret? Verùm  
 fucatus hic vester sermo calamo  
 Augustiniano jam est oblitera-  
 tus. Audite eum cum vobis si-  
 milibus Tom. 7. contra litt. Pet-  
 til. lib. 1. cap. 51. sic loquentem:  
 „Cathedrâ tibi quid fecit Ec-  
 „clesiæ Romanæ, in quâ Petrus  
 „sedit, & in quâ hodie Anastasi-  
 „us sedet: vel Ecclesiæ Hieroso-  
 „lymitanæ, in quâ Jacobus sedet,  
 „& in quâ hodie Joannes sedet,  
 „quibus nos in Catholicâ uni-  
 „tate connectimur, & à quibus  
 „vos nefario furore separâstis?  
 „Quare appellas, Cathedram

*Petrus se-  
 dit in Ca-  
 thedrâ Ro-  
 manâ.*

pe-

„pestilentiz, Cathedram Apo-  
 „postolicam? si propter homi-  
 „nes, quos putas legem loqui,  
 „& non facere, nunquid Jesus  
 „propter Phariseos, de quibus  
 „ait: *Dicunt enim & non faciunt*, *Mat. 23*  
 „Cathedræ, in quâ sedebant, ul-  
 „lam fecit injuriam? nonne il-  
 „lam Cathedram Moysis com- *Cathedra*  
 „mendavit, & illos servato Ca- *est vene-*  
 „thedræ honore redarguit?  
 Quàm accommodè possunt hæc  
 dici A catholicis Cathedram Ro-  
 manæ Ecclesiæ injuriantibus?

Tom. 6. lib. de hæres. hæresi  
 prima. Iovem se credi volebat,  
 (Simon Magus) Minervam verò,  
 „meretricem quandam Selenē,  
 „quam sibi sociam scelerum fe-  
 „cerat, imaginesque & suam &  
 „ejusdem meretricis, discipulis  
 „suis præbebat adorandas, quas  
 „& Romæ tanquam Deorum  
 „simulachra auctoritate publicâ *Petrus Si-*  
 „constituerat. In quâ urbe Bea- *monē Ma-*  
 „tus Apostolus Petrus eum verâ *gum Romæ*  
 „extinxit.

88 *S. Aug. Romano-Catholicae*  
Omnipotentis Dei virtute extin-  
xit. Quid clariùs?

Quod verò S. Petrus Romæ  
martyriū subierit, patet ex Tom.  
10. de Sanctis. In Festo Aposto-  
lorum Petri & Pauli Sermō. 3,  
de his præter alia sic loquitur:  
„Unâ die passi sunt, ut ad Chri-  
stū pariter pervenirent, uno  
„in loco, ne alteri Roma dees-  
„set, sub uno persecutore, ut æ-  
„qualis crudelitas utrumq; con-  
„stringeret. Dies ergò pro meri-  
„to, locus pro gloriâ, persecutor  
„decretus est pro virtute. Et in  
„quo tandem loco pertulerunt  
„martyrium Sancti Apostoli? In  
„urbe Româ, quæ principatum  
„tenebat, & caput obtinet natio-  
„num, scilicet, ut ubi caput erat  
„superstitionis, illic caput quic-  
„sceret sanctitatis: & ubi genti-  
„lium Principes habitabant, ibi  
„Ecclesiarum morerentur Prin-  
„cipes. Causam verò Martyrii  
„describit S. Augustinus in eo-  
dem

*Petrus Ro-  
mæ passus  
est.*



dem Serm. ad finem his verbis :  
 „Hodiernâ die Beati Apostoli  
 „sanguinem profuderunt : Sed  
 „videamus causam , quare ista  
 „perpeſſi ſunt ; ſcilicet, quod in-  
 „ter cætera miracula , etiam Si-  
 „monem magum illum, oratio-  
 „nibus ſuis de aëris vacuo præ-  
 „cipitii ruinâ proſtraverint. Cùm  
 „enim idem Simon ſe Chriſtum  
 „diceret, & tanquam filium ad  
 „Patrem aſſereret volando ſe  
 „poſſe conſcendere : atque ela-  
 „tus ſubitò magicis artibus vo-  
 „lare cœpiſſet : tunc Petrus fixis  
 „genibus precatus eſt Dominum,  
 „& precatione ſanctâ vicit ma-  
 „gicam levitatem. Prior enim a-  
 „ſcendit ad Dqminum oratio ,  
 „quàm volatus : & ante pervenit  
 „juſta petitio, quàm iniqua præ-  
 „ſumptio. Antè, inquam, Petrus  
 „in terris poſitus obtinuit quod  
 „rogavit, quàm Simon perveni-  
 „ret in cœleſtia , quo tendebat.  
 „Tunc igitur Petrus velut vin-

*Citiùs aſcē-  
 dit ad cœlū  
 oratio Pe-  
 tri , quàm  
 magus vo-  
 latus.*

„Etum illum de sublimi aëre de-  
 „posuit : & quodam præcipitio  
 „in saxo elidens ejus crura con-  
 „fregit. Et hoc in opprobrio fa-  
 „cti illius est : ut qui paulò antè  
 „volare tentaverat ; subitò am-  
 „bulare non posset ; & qui pen-  
 „nas assumpserat : plantas amit-  
 „teret. Sed ne fortè hoc mi-  
 „rum videatur : quòd magus iste  
 „præsentè Apostolo per aërem  
 „aliquamdiu volitaverit : hoc  
 „patientia Petri fecit. Permisit  
 „enim illum aliquamdiu subli-  
 „miùs ascendere : ut altiùs cade-  
 „ret. Hæc ex Hypponensi ora-  
 „culo annunciante nobis Petri  
 Romæ glorioſos contra ma-  
 „gum triumphos & pretiosam  
 in conspectu Domini Martyrii  
 agonem. Quis ergò non summa  
 percellatur admiratione , si quæ  
 vel tantùm rationis diluculo  
 utentem inaudierit negantem ,  
 Petrum in totius mundi prin-  
 cipe extitisse urbe Româ?

AR-

ARTICVLVS VIII.

**S**uccessio Romanorum Pontificum à tempore S. Petri continuata non est exiguum signum veræ & Catholicæ Christi Ecclesiæ.

**S**I enim Ordo Episcoporum (ut S. Aug. Tom. 2. epist. 165. ad litteras cujusdam Donatistæ scribit) sibi succedentium considerandus est, quantò certius & verè salubriter ab ipso Petro numeramus, cui totius Ecclesiæ figuram gerenti Dominus ait: *Super hanc Petram edificabo Ecclesiam meam. Et: Porta inferi non prævalebunt adversus eam?* Petro enim successit Linus, Lino Clementis, Clementi, Anacleto, Anacleto Evaristus, Evaristo Alexander, Alexandro Sixtus, Sixto Telephorus, Telephoro Iginus, Iginio Anicetus, Aniceto Pius, Pio Soter, Soteri Eleutherius, Eleutherio Victor, Victor

*Successio  
Romanorum  
Pontificum.*

## 62 S. Aug. Romano-Catholica

„Stori Zepherinus , Zepherino  
 „Calixtus, Calixto Urbanus, Ur-  
 „bano Pontianus, Pontiano An-  
 „therus, Anthero Fabianus , Fa-  
 „biano Cornelius, Cornelio Lu-  
 „cius, Lucio Stephanus, Stepha-  
 „no Xistus , Xisto Dionysius ,  
 „Dionysio Felix, Felici Eutychia-  
 „nus, Eutychiano Gaius , Gaio  
 „Marcellinus, Marcellino Mar-  
 „cellus, Marcello Eusebius , Eu-  
 „sebio Melchiades , Melchiadi  
 „Sylvester , Sylvestro Marcus,  
 „Marco Iulius, Iulio Liberius,  
 „Liberio Damasus , Damaso Si-  
 „ricius, Siricio Anastasius. In  
 „hoc ordine Successionis nullus  
 „Donatista ( minùs Lutheranus  
 „seu Calvinista ) invenitur. Sed  
 „ex transverso ex Africâ ordina-  
 „tum miserunt, qui paucis præsi-  
 „dens Afris in Urbe Româ Mon-  
 „tensium vel Cuzupitarum vo-  
 „cabulum propagavit. In illum  
 „autem ordinem Episcoporum,  
 „qui ducitur ab ipso Petro usq;

ad

Est inter  
 Romanos  
 Pontifices  
 fuisset qui-  
 dam tradi-  
 ty, tamen

„ad Anastasium, qui nunc ean-<sup>nihil p<sup>re</sup>sum-  
iudicaret  
Ecclesie.</sup>  
dem Cathedram tenet, etiamsi  
„quisquam traditor per illa tem-  
„pora surrepisset, nihil præju-  
„dicaret Ecclesiæ & innocentibus  
„Christianis, quibus Domi-  
„nus prævidens ait de præpositis  
„malis: *Quæ dicunt facite, quæ* *Matt. 23*  
*autem faciunt, nolite facere.* ut  
„certa sit spes fidelibus, quæ non  
„in homine, sed in Domino col-  
„locata, nunquam tempestate  
„sacrilegi schismatis dissipetur.  
Si ergo Pontifex Africanus per  
quatuor secula usque ad sua tem-  
pora continuatam Romanorum  
Pontificum successionem tanti  
æstimavit, cur nos non longè  
ampliori æstimatione dignam  
eorundem Pontificum successio-  
nem jam decurrentibus sedecim  
seculis continuatam asseremus?  
Catalogus Augustini in triginta  
novem Pontificum numero ab-<sup>Habui-  
per conti-  
nuam suc-  
cessionem  
ducentos</sup>  
solvitur, noster sextuplo plures  
nimirum in ducentos & quadra-  
gin-

*quadragin-  
ta tres Pö-  
sifices Ro-  
manos.*

*2. Cor. 12  
5.*

ginta tres protenditur, quorum singulorum nomina hic adscribere nihil nisi in toto hoc opusculo amata inhibet brevitās. Si ergo (ut Apostolus loquitur) gloriari oportet, cur non in tam ubere gloriæ segete cum Augustino gloriemur? cur non hæc continuata Pontificum successio nos in fide Catholicâ stabiliiores, erga hanc sacratissimam Sedem devotiores efficiet? si gloriæ invident Acatholici, simile quid ostendant. Verùm in aëre bovem, in silvis lucium, lupum in æquore venantur. Hinc idem S. Ecclesiæ Africanus Doctor Tom. 6. contra epist. Manich. cap. 4. sic scribit:

„ Ut ergo omittam sapienti-  
am, quam in Ecclesiâ Catholi-  
câ non creditis, multa sunt alia,  
quæ in eius gremio me justissi-  
mè teneant. Tenet consensus  
populorum atque gentium,  
tenet authoritas miraculis in-  
choa-

choata, lpe nutrita, charitate  
 aucta, vetustate firmata, tenet  
 ab ipsa Sede Petri Apostoli, cui  
 pascendas oves suas post Resur-  
 rectionem Dominus commen-  
 davit, usque ad præsentem Epi-  
 scopatum successio Sacerdotũ:  
 Tenet postremò ipsum Catho-  
 licæ nomen, quod non sine  
 causa inter tam multas hæreses  
 sic ista Ecclesia sola obtinuit, ut  
 cum omnes hæretici se Catho-  
 licos dici velint, quærenti ta-  
 men peregrino alicui, ubi ad  
 Catholicam conveniatur, nul-  
 lus hæreticorum vel basilicam  
 suam, vel domum audeat osten-  
 dere. Ideo adhortatur & monet  
 Augustinus Tom. 7. in Plal. con-  
 tra partem Donati: Venite fra-  
 tres, si vultis, ut inseramini in  
 vite. Dolor est, cum vos vide-  
 mus præcisos ita jacere. Nume-  
 rate Sacerdotes vel ab ipsâ Pe-  
 tri Sede & in ordine illo Patrũ,  
 quis cui successit, videte. Ipsa est

Quæst. Au-  
 gustinũ te-  
 neant in  
 Ecclesia Ca-  
 tholica.

Hæretici  
 non possunt  
 se Catholi-  
 cos dicere.

*A*catholici  
quia sunt  
extra Eccle-  
siam in Ca-  
thedra pe-  
stilentie  
sedens.

„petra, quam non vincunt super-  
„ba inferorum portæ. Nam ut  
Tom. 4. ex quæst. in novum &  
antiquum Testamentum scribit.  
„Eorum, qui extra Ecclesiam vel  
„contra Ecclesiam Sedes sibi in-  
„stituerunt, Cathedram pestilen-  
„tiæ dicimus. Qui enim incon-  
„cessa præsumit, reus est, quantò  
„magis, si & corrumpat traditio-  
„nem ejus, cujus Sedem usurpat  
„Nam & ordinem ab Apostolo  
„Retro cœptum, & usque ad hoc  
„tempus per traducem succe-  
„dentium Episcoporum servatū  
„perturbant, ordinem sine origi-  
„ne sibi vendicantes, hoc est,  
„corpus sine capite profitentes,  
„unde congruit etiam eorum Se-  
„dem Cathedram pestilentie ap-  
„pellare. Nunc vobis Acatoli-  
ci ponderandum ac sedula men-  
tis indagine perquirendum relin-  
quo, cujus Cathedræ sitis, cum  
enim venerandam Petri Cathe-  
dram respuentes & opprobriis

sa-



**G**uturantes eliminatam cupiatis,  
**an** non Cathedra vestra Cathedra  
pestilentiae? revolvite lecta  
Augustini verba, & estote æqui  
bonique amantes iudices. quæ  
quælo est Ecclesiæ vestræ Hierar-  
chia? utique ordo sine ordine,  
uno verbo corpus acephalum?  
**Aber was ist ein Mann ohne ei-  
nen Kopff?**

---

*ARTICVLVS IX.*

**P**enes Romanam Sedem est  
summa authoritas hæreses dam-  
nandi, & de doctrinâ aliorum  
dijudicandi.

**V**T equus frano non coerci-  
tus lasciviens faciliè pericu-  
loso lapsu fessorem effundit in  
terram, ita luxuriantes mortali-  
um animi potestate non refræ-  
nati in omne scelus se effundunt:  
nam ubi pii ac impii æqua est  
conditio & indiscreta permixtio,  
illi istorum labe faciliè inquinan-  
tur; isti verò sine metu iniquita-  
tem

item ut aquam hauriunt. Necesse  
 illud proinde est dari summam  
 potestatem, qua iniqui, maxime  
 hæreseos lepra inquinati à sanis  
 Christi ovibus sejungantur. Ve-  
 rum quem hæc potestas deceat à  
 nullo velim audias quam ab Au-  
 gustino.

Tom. 1. lib. 2. Retract. c. 50.  
 docet Hæresin Pelagianam à Ro-  
 manis Pontificibus condemnatā  
 esse; hisce verbis: Pelagiana Hæ-

*Hæresis Pe-* resis cum suis auctoribus ab E-  
*lagiana fuit* piscopis Ecclesiæ Romanæ, pri-  
*ab Ecclesiâ* us Innocentio, deinde Zozy-  
*Romanâ* mo,  
*condemna-* cooperantibus Conciliorū A-  
*ta.* fricanorum litteris, convicta  
 „atque damnata est &c. Ergo  
 adhuc eadem potestas remanet  
 in eadem Romana Ecclesia.

Tom. 2. epist 95. prope ini-  
 tium Innocentio Papæ sic scribit.  
 „Non agitur de uno Pelagio,  
 „qui jam fortassè correctus est,  
 „quod utinam ita sit, sed tam  
 multis, quibus loquaciter con-  
 ten-

„tendentibus, & infirmas atque  
 „ineruditas animas velut convi-  
 „ctas trahentibus, fideles autem  
 „& in fide stabiles ipsa conten-  
 „tione fatigantibus, usquequaq;  
 „jam plena sunt omnia. Aut er-  
 „gò à tua veneratione acciendus *Vocatus Ro-*  
 „est Romam, & diligenter inter *mam Pela-*  
 „rogandus, quam dicat gratiam, *gius, ut ibi*  
 „quâ fateatur, si tamen jam fa- *explorata*  
 „teatur, ad non peccandum ju- *doctrina e-*  
 „stèque vivendum homines ad- *ius vel da-*  
 „juvari. Aut hoc ipsum cum eo *mnaretur*  
 „per litteras agendum, & cum *vel absolue-*  
 „inventus fuerit hanc dicere,  
 „quam docet Ecclesiastica & A-  
 „postolica veritas, tunc sine ullo  
 „scrupulo Ecclesiæ, sine latibulo  
 „ambiguitatis ullius absolven-  
 „dus est, & tunc reverà de ejus  
 „purgatione gaudendū est. Nun-  
 „quid non cum Luthero egit Ec-  
 „clesia, quod cum Pelagio tenuit  
 „Pontifici Romano Augustinus?  
 „Siquidem ab ea citatus est Ro-  
 „mam, & ad Concilium Tridenti-  
 „num,

num, & si errorem agnoscens re-  
 si- puiſſet, jubilante indubiè Eccle-  
 ſia omni crimine fuiſſet ſolutus;

De eodem Pelagio ſcribit Au-  
 guſtinus Tom. 7. de peccato ori-  
 ginali, cap. 21. ſic: Viſus eſt ad

*Romanam* „tempus aliquid dicere, quod ſi  
*Sedem Pe-* „dei Catholicæ conveniret, ſed  
*laginiſſe* „illam Sedem uſque in finem fal-  
*ſe non præ-* „lere non prævaluit. Poſt reſcri-  
*ptum.*

„pta quippe Africani Concilii, in  
 „quam provinciam quidem do-  
 „ctrina illa peſtifera ſerpendo  
 „pervenerat, ſed eam non tam  
 „late occupaverat, alia quoque  
 „ipſius in urbe Roma, ubi diu-  
 „tiſſimè vixerat, atque in his pri-  
 „us fuerat ſermonibus conten-  
 „tionibusque verſatus, cura fide-

*Papa Zozi-* „lium fratrum proſolata patue-  
*mus litteras* „runt, quæ litteris ſuis, quas con-  
*per orbem* „ſcripſit per orbem Catholicum  
*Catholicum* „perferendas Papa Zozimus ex-  
*mittit, con-* „ſecranda, ſicut legere potuiſtis,  
*tra execrã-* „attexuit. Nota vigilantiam Pa-  
*da Pelagii* „pæ Zozimi circa execrandâ do-  
*dogmata.*

*ctrinam Pelagii.*

*De*

De eodem Pelagio cap. 8. ita  
habet cit. August. Fefellit judi-  
cium Palæstinum, propterea ibi  
videretur esse purgatus. Roma-  
nam verò Ecclesiam, ubi eum  
notissimum esse scitis, fallere  
ulquequaque non potuit, quā-  
vis & hoc fuerit utrumque co-  
natus, sed ut dixi, minimè va-  
luit. Resolvit enim beatissimus  
Papa Zozimus, quid imitandus  
præcessor ejus de ipsis senserit  
gestis. Attendit etiam quid de  
illo sentiret prædicanda in Do-  
mino Romanorum fides, quo-  
rum adversus ejus errorem pro-  
veritate Catholica studia con-  
sonantia concorditer flagrare  
cernebat: inter quos ille diu  
vixerat, & quos ejus dogmata  
latere non poterant.

Tom. 2. refert epist. 83. ver-  
ba Innocentii Papæ ad Concil.  
Milevit. Pelagium Cœlestiumq;  
inventores vocum novarum,  
quæ sicut dixit Apostolus, 1. Tim. 2.

fica-

*Sententia  
excommu-  
nicationis  
in hæreticos  
à Romano  
Pontifice  
lata.*

ificationis nihilum, sed magis  
vanissimas consueverunt pare-  
re quæstiones, Ecclesiastica  
communione privari, Aposto-  
lici vigoris auctoritate cense-  
mus, donec resipiscant de dia-  
boli laqueis, à quo captivi te-  
nentur secundum ipsius volun-  
tatem, eosque interim Domini-  
co ovili non recipi, quod ipsi  
perverſæ viæ secuti tramitem  
deferere voluerunt. Abſcinden-  
di enim sunt, qui vos contur-  
bant, & volunt convertere E-  
vangelium Christi. Simul autē  
præcipimus, ut quicumque id  
pertinacia simili defendere ni-  
tuntur, par eos vindicta con-  
stringat. Absint atriis Domini;  
careant custodia pastoralis. A-  
gnoscant hîc Acatholici, quod jã  
tempore S. Augustini ad exem-  
plum S. Pauli sententia excom-  
municationis à Romano Ponti-  
fice contrà hæreticos lata sit. Et  
inde infert Doctor Africanus

Tom.

Tom. 7. de peccato origin. c. 9.

„Videtis certè in his verbis,  
„quemadmodum Papa Beatissi-  
„mus Innocentius non tanquam  
„de incognito loqui videatur,  
„Videtis qualem tulerit de illius  
„purgatione sententiam. Vide-  
„tis, quid successor ejus Sanctus  
„Papa Zozimus ( notent hîc Lu-  
„therani, quàm honorifico titu-  
„lo ornet Augustinus Roma-  
„nos Pontifices ) recolere debue-  
„rit, sicut recoluit , ut in eo sui  
„præcessoris judicium remotâ  
„cunctatione firmaret. Imò S.  
„Augustinus sua propria scripta  
„examine Romani Pontificis sub-  
„jecit , ut patet Tom. 7. contra  
„duas epist. Pelagianorum ad Bo-  
„nifacium Pontificem Romanum :  
„Hæc autem quæ duabus episto-  
„lis eorum respondeo, uni scili-  
„cet, quam dicitur, Romam mi-  
„sisse Iulianus, credo, ut per illâ  
„quos posset, suos aut inveniret,  
„aut faceret : alteri autem, quam

D

de-

„decem & octo, velut Episcopi  
 „participes ejus erroris, non ad  
 „quoslibet, sed ad loci illius E-  
 „piscopum suâ calliditate ten-  
 „tandum & ad suas partes, si  
 „posset fieri, traducendum, ausi  
 „sunt Thessalonicam scribere:  
 „hæc ergo, quæ istis, ut dixi dua-  
 „bus epistolis illorum disputa-  
 „tioni respondeo, ad tuam po-

*S. Augusti-  
 num sua scri-  
 pta exami-  
 ni Romani  
 Pontificis  
 subiecit.*

„tissimum Sanctitatem dirigere,  
 „non tam discenda, quam exa-  
 „minanda, & ubi fortan aliquid  
 „displicuerit, emendanda, cõsti-  
 „tui. Si tanti ingenii scriptor &  
 Doctorum Princeps volens scri-  
 pta sua Romani Pontificis exa-  
 mini & correctioni subiecit, cur  
 recusabunt ii, quos Augustinus  
 perspicacitate ingenii, profundi-  
 tate doctrinæ longissimo post se  
 intervallo relinquit, examinanda  
 Pontifici Romano sua scri-  
 pta subicere?

\* \*

AR-



**ARTICVLVS X.**

**De Missæ Sacrificio.**

**T**anta est in qualibet Religionē Sacrificiī necessitudo, ut facilius sit, teste Plutarcho, contra Colotem invenire urbes aut terram sine fundo, quā gentem sine externo ritu aut sacrificio, quo sive veram sive falsam divinitatem colat. Cū igitur in lege gratiæ sanctior floreat divini Numinis cultus, sanctiori quoque, soli divinitati competenti colenda est sacrificio, scilicet visibili sacratissimoque Missæ Sacrificio, de quo S. Augustinus Tom. 1. de Civit. Dei lib. 10 sic auspicatur c. 19.

Qui autem putant, hæc visibilia sacrificia (de Missa loquitur) Diis aliis congruere illi, verò tanquam invisibili invisibilia & maiora majori; meliorique meliora: qualia sunt puræ mentis & puræ voluntatis

„officia : profectò nesciunt hæc  
 „ita esse signa illorum: sicut ver-  
 „ba vel sonantia signa sunt re-  
 „rum. Quocirca sicut orantes  
 „atque laudantes ad eum dirigi-  
 „mus significantes voces, cui res  
 „ipsas in corde, quas significa-

*Sacrificium* mus, offerimus : ita sacrifican-  
 visibile si- „tes non alteri visibile sacrifici-  
 gnum invi- „um offerendum, esse noveri-  
 fibile sacri- „mus, quàm illi, cujus in cordi-  
 ficii.

„bus nostris invisibile sacrificiũ  
 „nos ipsi esse debemus. Tunc  
 „nobis favent, nobisque con-  
 „gaudent; atque ad hoc ipsum  
 „nos pro suis viribus adjuvant  
 „Angeli quique, virtutesque su-  
 „periores. Ecce quomodo Spi-  
 ritus cœlestes secundum doctri-  
 nam Augustini assistant Missam  
 celebrantibus, quòd reverà non  
 facerent, si non esset Deo gratũ  
 sacrificium.

Ideo Tom. 10. de Sanctis Ser.  
 11. ita habet *Subtus Altare Dei*  
*Apoc. 6 2. vidi, inquit S. Joannes, animas*  
 occi-

*occisorum.* Quid reverentiùs,  
,, quid honorabiliùs dici potest,  
,, quàm sub illâ arâ requiescere,  
,, in quâ Deo sacrificium celebra-  
,, tur, in quâ offeruntur hostiæ, in  
,, quâ Dominus est Sacerdos, sic-  
,, ut scriptum est: *Tu es Sacerdos* *Ps-109. 4.*  
*in æternum secundum ordinem*  
*Melchisedech?* Rectè sub altari *Cur animæ*  
,, justorum animæ requiescunt, *sub altari*  
,, quia super altare corpus *DQ-requiescāt.*  
,, mini offertur.

Et Tom. 3. de Fide ad Petrum  
cap. 19. scribit: Firmissimè tene,  
,, & nullatenus dubites, ipsum  
,, unigenitum Deum, Verbum  
,, carnem factum pro nobis ob-  
,, tulisse sacrificium & hostiam  
,, Deo in odorem suavitatis: cui  
,, cum Patre & Spiritu Sancto à  
,, Patriarchis, Prophetis, & Sa-  
,, cerdotibus tempore veteris Te-  
,, stamenti animalia sacrificaban-  
,, tur: & cui nunc, id est tempo-  
,, re novi Testamenti, cum Patre  
,, & Spiritu Sancto, cum quibus

*Per totum mundum sacrificium panis & vini Ecclesie Catholicae offert.*  
 „illi est una divinitas, sacrificium  
 „panis & vini in fide & charita-  
 „te, Sancta Ecclesia Catholica  
 „per universum orbem terrarum of-  
 „ferre non cessat. In illis enim  
 „carnalibus victimis figuratio  
 „fuit carnis Christi, quam pro  
 „peccatis nostris ipse sine pec-  
 „cato fuerat oblaturus, & san-  
 „guinis, quem erat effusus in  
 „remissionem peccatorum no-  
 „strorum. In isto autem sacrifi-  
 „cio gratiarum actio atque com-  
 „memoratio est carnis Christi,  
 „quam pro nobis obtulit, & san-  
 „guinis, quem pro nobis idem  
 „Deus effudit. Et paulò post:  
 „In illis ergò sacrificiis, quid no-  
 „bis esset donandum, figuratè si-  
 „gnificabatur: In hoc autem Sa-  
 „crificio, quid nobis jam donatū  
 „sit, evidenter ostenditur. In il-  
 „lis sacrificiis prænūciabatur Fi-  
 „lius Dei pro impiis occidendus:  
 „in hoc autē pro impiis annun-  
 „ciatur occisus. Quid clariùs di-

*In Missa gratiarum actio, & commemoratio est carnis Christi pro nobis oblata & sanguinis pro nobis effusi.*

**Fidei Conf. & Defensor. 79**

dici potest? profectò maxima est  
aut mentis cæcitas aut errantis  
mentis pertinacia, ut malit Lu-  
thero cū Styge disputanti, quàm  
Sanctissimo Viro Augustino as-  
serenti consentire.

Tom. 8. in Psal. 35. hæc ha-  
bet: Erat, ut nostis, sacrificium  
Judæorum secundum ordinem  
Aaron in victimis pecorum &  
hoc in mysterio. Nondum e-  
nim erat sacrificium corporis  
& sanguinis Domini quod fide-  
les norunt, & qui Evangelium  
legerunt, quod sacrificiū nunc  
diffusum toto orbe terrarum.  
Proponite ergo vobis ante o-  
culos duo sacrificia & illud se-  
cundum ordinem Aaron, &  
hoc secundum ordinem Mel-  
chisedech. Scriptum est enim:  
*Iuravit Dominus & non pænitebit* Psal. 109.  
*eum: Tu es Sacerdos in æternum*  
*secundum ordinem Melchisedech.*

Tom. 6. contra Adversarium  
legis & Prophetarum, lib. 1. cap.

18. sic objicit. Sacrificiis Deum  
 „non egere quis nescit? sed nec  
 „laudibus nostris eget; Verùm  
 „sicut nobis, nō illi, utile est lau-  
 „dare Deum, sic nobis, non illi  
 „utile est offerre sacrificium  
 „Deo.

*Nobis utile  
 est sacrifici-  
 um.*

Tom. 5. de Civit. Dei lib. 18.  
 c. 35. Malachias prophetans Ec-  
 „clesiam quam per Christum  
 „jam cernimus propagatam, Ju-  
 „dæis apertissime dicit ex perso-

*Malach. 1.  
 10.*

*Ab Ecclesia  
 per totum  
 orbem Deo  
 offertur  
 oblatio mū-  
 da.*

na Dei: Non est mihi voluntas  
 in vobis, & munus non suscipiam  
 de manu vestra. Ab ortu enim so-  
 lis usque ad occasum est magnum  
 nomen meum in gentibus, & in  
 omni loco sacrificabitur, & offere-  
 tur nomini meo oblatio munda.

Dicant nobis adversarii, quānā  
 sit oblatio illa munda? videtur  
 aliquibus ipsorum ipsam esse o-  
 rationem, eleemosynam, gratia-  
 rum actionem, verū tū con-  
 grua est hæc illorum responsio,  
 quā congruē sordes & iniqui-

namenta munda dicuntur, cùm  
proprio illorum testimonio ni-  
hil aliud sint enumerata opera  
quàm sordes & inquinamenta.  
Longissimè autem à vero, & à  
S. Augustino deviant, qui offer-  
re corpus Christi & in cœna il-  
lud manducare idem esse asse-  
runt. Nam Tom. 2. Epist. 122.  
ad Victorianum sub finem sic ef-  
fatur S. Præsul :

„ Ora Deum pro eis (loquitur  
de fœminis captivis inter barba-  
ros , qui castitatem obtulerunt  
Deo ) & roga, ut etiam ipsas do-  
„ceantalia dicere, qualia suprâ  
„mem oratus sanctus Azarias in-  
„ter cætera in oratione & con-  
„fessione suâ fudit ad Deum. Sic  
„enim sunt illæ in terrâ captivi-  
„tatis suæ, quomodo erant illi in  
„eâ terrâ , ubi nec sacrificare  
„more suo poterant Domino,  
„sicut nec istæ possunt, vel ferre  
„oblationem ad altare Dei , vel  
„invenire ibi Sacerdotem , per  
D s quem

„quem offerant Deo. Donet er-  
 „go eis Dominus, ut ei dicant,  
 „quod Azarias dixit in conse-  
 „quentibus precum suarū. Non  
 „est in hoc tempore Princeps &  
 „Propheta, & Dux, non holo-  
 „causta, neque oblatio, neque  
 „supplicationes, nec locus ad sa-  
 „crificandum in conspectu tuo  
 „& invenire milericordiam, sed  
 „in animā contritā & spiritu  
 „humilitatis accipiamur. Sicut  
 „in holocaustomatibus arietum  
 „& taurorum & in multitudine  
 „agnorum pinguium, sic fiat sa-  
 „crificium nostrum in conspe-  
 „ctu tuo hodie &c.

Et de animā & ejus origine,  
 lib. 1. cap. 11. dicit: Salva fide  
 „Catholica & Ecclesiastica regu-  
 „la, nulla ratione conceditur, ut  
 „pro non baptizatis, cujuslibet  
 „ætatis hominibus offeratur sa-  
 „crificium corporis & sanguinis  
 „Christi, tanquam per huiusmo-  
 „di pietatem suorum, & regnum  
 cœ-

*Pro non ba-  
 ptizatis non  
 potest offer-  
 ri.*



„cœlorum quo perveniant, ad-  
„juventur.

Tom. 6. lib. 1. contra Adver-  
sar. legis & Proph. c. 20. Eccle-  
„sia ab Apostolorum tempori-  
„bus per Episcoporum successio-  
„nes certissimas usque ad nostra  
„& deinceps tempora perseve-  
„rat, & immolat Deo in corpore  
„Christi sacrificium laudis, ex

„quo Deus Deorum locutus vo- *Per umbras*  
„cavit terram à solis ortu usque *sacrificiorū*  
„ad occasum. Hæc quippe Ec. *Israelis se-*  
„clesia est Israël secundum spi- *cundum*  
„ritum, à quo distinguitur ille *carnem si-*  
„Israel secundum carnem, qui *gnificaba-*  
„serviebat in umbris sacrificio- *tur sacrifi-*  
„rum, quibus significabatur sin- *cium quod*  
„gulare sacrificium, quod nunc *nunc offerre*  
„offert Israël secundum spiri- *Israel se-*  
„tum &c. *cundum*  
*spiritum.*

Et paulò post: Iste immolat  
„Deo sacrificium laudis, non se-  
„cundum ordinem Aaron, sed se-  
„cundum ordinē Melchisedech,  
„scilicet panem & vinum.

Tom. 5. de Civit. Dei, lib. 16.  
cap. 22. Ibi quippe primū (quan-  
do fuit benedictus Abraham à  
Melchisedech) apparuit sacrifici-  
um, quod nunc à Christianis  
offertur Deo toto orbe terra-  
rum, impleturque illud, quod  
longè post hoc factum per Pro-  
phetam dicitur, ad Christum,  
qui fuerat venturus in carnem:

*Psal. 109. Tu es Sacerdos in aeternum &c.*

Tom. 6. in Orat. contra Ju-  
daeos, cap. 9. Scrutamini Scriptu-  
ras, ipsæ testimonium perhi-  
bent de sacrificio mundo, quod  
offertur Deo Israël, non ab una  
gente vestrà, de cuius manibus,  
non se accepturum prædixit,  
sed ab omnibus gentibus, quæ  
dicunt: *Venite ascendamus in  
montem Domini.* Nec in uno lo-  
co, sicut vobis præceptum erat

*In omni lo-* in terrena Hierusalem, sed in o-  
*co offertur* mni loco usque in ipsam Hie-  
*Missæ sa-* rusalem. Nec secundum ordi-  
*erificium.* nem Aaron, sed secundum or-  
di-

*Fidei Conf. & Defensor. 85*

„dinem Melchisedech. Christo  
„enim dictum est, & de Chri-  
„sto: *Iuravit Dominus, & non* *Psal. 109.*  
*pœnitebit eum: Tu es Sacerdos in*  
*æternum secundum ordinem Mel-*  
*chisedech.*

Adhuc clariùs Tom. 4. lib. 83.  
qq. 61. Dominus noster Je-  
sus Christus ipse est Sacerdos  
„noster in æternum secundum  
„ordinem Melchisedech, qui se  
„ipsum obtulit holocaustum pro  
„peccatis nostris, & eius sacri-  
„ficii similitudinē celebrandam *Fit in me-*  
„in suæ Passionis memoriā *moriam*  
*Passionis.*  
„commendavit, ut illud, quod  
„Melchisedech obtulit Deo, jam  
„per totum orbem terrarum in  
„Christi Ecclesiâ videamus offe-  
„ri.

Tom 5. de Civ. Dei, lib. 17.  
cap. 10. Sacerdos ipse mediator  
„Testamenti novi exhibet (men-  
„sam) secundum ordinem Mel-  
„chisedech de corpore & sangui- *Succedit o-*  
„ne suo. Id enim sacrificium luc- *mibus ve-*  
*teribus Sa-*  
*cificiis.*  
cof-

„cessit omnibus illis sacrificiis  
 „veteris testamenti, quæ immo-  
 „labantur in umbra futuri, pro-  
 „pter quod etiam vocem illam  
 „in Psal. 39. ejusdem mediatoris  
 „per Pophetiam loquentis a-  
 „gnoscamus: *Sacrificium & obla-*  
*tionem noluisti, corpus autem per-*  
*fecisti mihi*, quia pro omnibus il-  
 „lis sacrificiis & oblationibus  
 „corpus ejus offertur &c.

Tom. 10. de Temp. Ser. 150.  
 „Christus novo Ecclesiæ popu-  
 „lo novum sacerdotium, & no-  
 „vum sacrificium initiavit, ut vi-  
 „delicet novum vinum in novos  
 „utres mitteret. Imò audi quan-  
 „ta devotione ipsemet S. Augusti-  
 „nus ad Missæ Sacrificium pera-  
 „gendum se præparârit. Tom. 9.

*S. Aug. de-* in Manuali cap. 11. sic orat: Pul-  
*votissime se* „cherrime Jesu Christe, rogo te,  
*præparavit* „per illam sacratissimam effu-  
*ad Missæ* „sionem pretiosi sanguinis tui,  
*sacrificium* „quo redempti sumus; da mihi  
*celebrandū.* „cordis contritionem & lacry-

ma-

„marum fontem, præcipuè dum  
„preces & orationes tibi offero,  
„dum tuæ laudis psalmodiam ti-  
„bi decanto , dum mysterium  
„nostræ redemptionis manife-  
„stæ misericordiæ tuæ indicium  
„recolo vel profero , dum sacris  
„altaribus licet indignus assisto,  
„cupiens tibi offerre illud mi-  
„rabile & cœleste sacrificium, o-  
„mni reverentiâ & devotione di-  
„gnum, quod tu Domine Deus  
„meus Sacerdos immaculate in-  
„stituisti, & offerre præcepisti  
„in cōmemorationem tuæ cha-*Luc. 22.*  
„ritatis, mortis scilicet & pal-  
„sionis pro salute nostra , pro  
„quotidiana nostræ fragilitatis  
„reparatione. Confirmetur mēs  
„mea inter tanta mysteria dul-  
„cedine præsentia tuæ, sentiat te  
„sibi adesse, & lætetur coram te.  
Nunc lector Acatholicus pon-  
deratis Augustini verbis ipse di-  
scernat, num Augustini an dia-  
boli sit assecla, dum una cum per-  
ver-

88 *S. Aug. Romano-Catholicæ*  
verso Orco divinissimum ac fide-  
libus in Nova lege sacratissimum  
incrumentum Missæ sacrificium  
malitiosè proscindit, ac sacrilegè  
ritu opprobriisque commaculat.

---

*ARTICVLVS XI.*

Missæ sacrificium utiliter  
pro mortuis offertur, imò  
dæmones fugat.

**I**N Ecclesia Christi veræ divini-  
tati legitimum ac iuge in no-  
vâ Lege offerri sacrificium supe-  
rior ex Augustino docuit Arti-  
culus, præsens comonstrat san-  
ctam & salubrem esse cogitatio-  
nem, illud offerre pro iis, qui ex-  
pleto vitæ huius incolatu in fide  
discessere, neque te lateat eius  
vis & sanctitas illud Stygi tre-  
mendum ex Augustino proba-  
tum habebis.

Primum Augustinus Tom. 1.  
lib. 9. Confess. cap. 13. piissimæ  
Matris suæ Monicæ ultimam  
morientis voluntatē describens  
sic

hic persequitur. Imminente die *S. Monica*  
„resolutionis suæ non cogitavit *pietas &*  
„suum corpus sumptuosè con- *peculiaris*  
„regi, aut condiri aromatibus, *affectus er-*  
„aut monumentum electum *ga Missæ*  
„concupivit, aut curavit sepul- *sacrificium.*  
„chrum patrum. Non ista man-  
„davit nobis, sed tantummodò  
„memoriam sui ad altare tuum  
„fieri desideravit, cui nullius  
„diei præmissione servierat,  
„unde sciret dispensari victimam  
„sanctam, quâ deletum est chi-  
„rographum, quod erat contra-  
„rium nobis, quâ triumphatus *Coloss. 2.*  
„est hostis computans delicta *14.*  
„nostra, & quærens quid obji-  
„at, & nihil inveniens in illo, in  
„quo vincimus. Quis ei retun-  
„det innocentem sanguinem?  
„quis ei restituet pretium, quo  
„nos emit auferat ei ut ad cujus  
„pretii nostri Sacramentum liga-  
„vit ancilla tua animam suam  
„vinculo fidei.

Tom. 10. de Verbis Apostol.  
Serm.

Serm. 32. Orationibus ve-  
 „ctæ Ecclesiæ & sacrificio saluta-  
 „ri & eleemosynis, quæ pro co-  
 „rum spiritibus erogantur, non  
 „est dubitandum, mortuos ad-  
 „juvari, ut cum eis misericordi-  
 „us agatur à Domino, quàm co-  
 „rum peccata meruerunt. Hoc  
 „enim à Patribus traditum uni-  
 „versa observat Ecclesia, ut pro  
 „eis, qui in corporis & sanguinis  
 „Christi communione defuncti  
 „sunt, cùm ad ipsum sacrificium  
 „loco suo commemorantur, o-  
 „retur ac pro illis quoque id of-  
 „ferri commemo- retur &c.

*Mortui ad-  
 iuvantur  
 Missæ Sa-  
 crificio,*

Tom. 3. in Enchirid. cap. 109.  
 scribit Augustinus. Neque ne-  
 „gandum est, defunctorum ani-  
 „mas pietate suorum viventium  
 „relevari, cùm pro illis sacrifici-  
 „um Mediatori offertur, vel e-  
 „leemosynæ in Ecclesiâ fiunt. Sed  
 „eis hæc prosunt, qui cùm vive-  
 „rent, hæc sibi prodesse, merue-  
 „runt. Est enim quidam vivendi

mo-



modus, nec tam bonus, ut non  
requirat ista post mortem: nec  
tam malus, ut ei non prosint  
ista post mortem.

Et paulò post: Cùm ergo sa-  
crificia sive altaris, sive quarum-  
cunque eleemosynarum pro  
defunctis baptizatis omnibus  
offeruntur; pro valde bonis  
gratiarum actiones sunt, pro  
valde malis etiam si nulla sint  
adjumenta mortuorum, qua-  
lescunque vivorum consolatio-  
nes sunt. Quibus autem pro-  
sunt, aut ad hoc prosunt, ut sit  
plena remissio: aut certè, ut to-  
lerabilior fiat ipsa damnatio.

Iterum Tom. 4. in lib. de cu-  
ra pro mortuis. Quæ cùm ita  
sint, (ait) non existimemus, ad  
mortuos, pro quibus curam  
gerimus, pervenire, nisi quod  
pro eis, sive altaris, sive oratio-  
num, sive eleemosynarum sa-  
crificiis solemniter supplica-  
mus, quamvis non pro quibus  
sunt

*Non omni-  
bus prodest  
defunctis.*

„fiunt omnibus, profint, sed il-  
 „lis tantum, quibus, dum vivunt,  
 „comparatur, ut profint. Sed  
 „quia non discernimus, qui sint,  
 „oportet ea pro regeneratis om-  
 „nibus facere, ut nullus eorum  
 „prætermittatur, ad quos hæc  
 „beneficia possint & debeant  
 „pervenire. Melius enim super-  
 „erunt ista eis, quibus nec ob-  
 „sunt, nec profunt, quàm eis de-  
 „erunt, quibus profunt. Si nunc  
 fidem præstandam Augustino  
 censetis A catholicis, calumnianti-  
 bus calamis & linguis. frænum  
 injicite, nec imperitæ plebis fal-  
 lendi gratia, illud ungendis &  
 ditandis Sacerdotum culinæ uti-  
 lius quàm animabus liberandis,  
 asserite.

Secundum, scilicet propellen-  
 dis dæmonibus maximam ei in-  
 esse vim, habet S. August. Tom.  
 5. de Civit. lib. 22. cap. 8. ubi  
 malignos spiritus vi sacrificii Mis-  
 sæ depulso sequentibus narrat:

Vir

„Vir Tribunitius Hesperius, qui  
„apud nos est, habet in territorio  
„Fussalensi fundum Cubedi ap-  
„pellatum. Ubi cum afflictione  
„animalium & servorum suorum,  
„animam suam spirituum mali-  
„gnorum vim noxiam perpeti  
„comperisset, rogavit nostros  
„me absente Presbyteros, ut ali-  
„quis eorum pergeret, cuius o-  
„rationibus cederent. Perrexit *Missæ sa-*  
„unus, obtulit ibi sacrificium *cristiæ da-*  
„Corporis Christi, orans quantū *monia fu-*  
„potuit, ut cessaret illa vexatio, *gat.*  
„Deoque protinùs miserante,  
„cessavit. Hinc colliget lector  
candidus, nulli quærendum esse,  
cur A catholici tot conatibus sa-  
crificium Missæ eliminatum cu-  
piant: cū enim maligno spiri-  
tui ita sit formidabile, ut iis in  
locis, quibus ritè offertur, nulla  
ei sit persistendi potestas. Ideò  
ad extremos ministros suos im-  
pellit conatus, ut illo abolito &  
obliterato ad omnia loca pro-  
ten-

tentandis & in paucis deducen-  
dis hominibus aditum struant.  
Verùm Beatissimis Apostolis sa-  
crificium hoc sacratissimum &  
quotidianum fuit , ut testantur  
illorum Liturgiæ maximè S. Pe-  
tri, S. Matthæi, S. Jacobi , & S.  
Marci, Beatusque Andreas sic *Æ-*  
*geam* alloquitur: Ego Omnipoten-  
ti Deo, qui unus & verus est,  
immolo quotidie, non taurorum  
carnes, nec hircorum sanguinẽ,  
sed immaculatum agnum in Al-  
tari, cujus carnes posteaquam  
omnis populus credentium man-  
ducarit , Agnus qui sacrificatus  
est integer perseverat ac vivus: id-  
que præstitere illorum tempore  
seculisque subsequentibus alii fi-  
deles. Nec præsumpsit malignus  
spiritus & Magister errorum ali-

*Ante VV-* quos ante tempora VVicleffi in-  
*eleffum ne-* ducere , ut aut calamo aut lin-  
*mo scripsit* gua hoc sacrificium oppugna-  
*contra Mis-* rent, utpote continuatâ & nun-  
*quam.* quam interruptâ successione ni-

mis

mis mortalium mentibus insertum, donec refrigerante charitate proscriptaque à mortalibus omni religione & pietate, hanc quoque fidei veritatem sceleratorum mentibus exemit, ut Antichristus moribus suis complanatam inveniret viam, dum sacrificium Missæ, cui teste Daniele maximè movebit bellum, apud plurimos jam sublatum inveniret. Verùm contra ipsum ipsiusque præcursores nobis sufficiens propugnator est Augustinus.

---

*ARTICVLVS XII.*

Sancti in cœlo sunt suppliciter invocandi,

**S**I Sancti Angeli, Beatorumque mentes speculantes gloriam Regis æterni in cœlesti Hierusalem invocandi non sunt, vel est quod ope eorum non indigemus, vel quod nobis ope indigis nihil vel auxilii, vel beneficii in vota vocati conferre possint.

Vo-

Verùm si à Sanctis cœlestis Hierusalem civibus mortalibus intelligentia conferri beneficia ignoras, hæc te docentem tibi adduco Augustinum Tom. 5. de Civ. Dei, lib. 22. cap. 8. sic scribentem: De totâ ipsâ causâ (Pauli cujusdam, qui ad reliquias S. Stephani fuerat à membrorum horribili tremore liberatus) aliquantulo diligentius cœperam disputare, cum ecce me disputante, voces aliæ, de memoria Martyris, novæ congratulationis audiuntur. Conversi sunt eò, qui me audiebant, cœperuntque concurrere: Illa enim (Palladia Pauli soror) ubi de gradibus descendit, in quibus steterat, ad sanctum Martyrem orare perrexerat. Quæ mox, ut cancellos attigit, collapsa similiter velut ad somnum, sana surrexit. Dum ergò requireremus, quid factum fuerit, unde iste strepitus latus extiterit, ingressi sunt

cum

*Palladia orando ad S. Stephanum à gravi morbo liberata est.*

„cum illâ in basilicam, ubi era-  
„mus, adducentes eam sanam de  
„Martyris loco. Tum verò tan-  
„tus ab utroque sexu admiratio-  
„nis clamor exortus est, ut vox  
„continuata cum lacrymis non  
„videretur posse finiri. Perducta  
„est ad eum locum, ubi paulò an-  
„te steterat tremens. Exultabant  
„eam similem fratri factam, cui  
„doluerant remansisse dissimile:  
„& nondum suas preces suas  
„pro eâ, jam tamen præviam vo-  
„luntatem tam citò exauditam  
„esse cernebant. Exultabant in  
„Dei laudem voces sine verbis  
„tanto sonitu, quantum nostræ  
„aures vix ferre possent. Quid  
„erat in corde exultantium nisi  
„Christi fides, pro quâ Stephani  
„sanguis fusus est? Agnosce hîc  
„invocationem S. Stephani Mar-  
„tyris miraculo confirmatam.

Aliud miraculum refert cita-  
tus Augustinus lib. 22. c. 8. cir-  
ca medium. Erat quidam senex

E

Flo-

„Florentius Hipponensis no-  
 „ster, homo religiosus & pau-  
 „per, qui sartoris le arte pasce-  
 „bat, casulam perdiderat, & un-  
 „de sibi emeret, non habebat: ad  
 „viginti Martyres, quorum me-  
 „moria apud nos est celeberrima,  
 „clarâ voce, ut vestiretur, o-  
 „ravitt. Audierunt eum adole-  
 „scentes, qui fortè aderant, irri-  
 „sures: eumque discedentem  
 „exagitantés, prosequébantur:  
 „quasi à Martyribus quinquagenos  
 „folles (follis est obolus seu aliud  
 „quoddam numismatis genus) unde  
 „vestimentum emeret, petivisset. At ille  
 „tacitus ambulans, ejectum grandem  
 „piscem palpitantem vidit in litore,  
 „eumque illis faventibus atque  
 „adjuvantibus, apprehendit, & cuidam  
 „coquo Carcho nomine, benè Christiano,  
 „ad coquinam conditariam, indicans  
 „quid gestum sit, trecentis follibus  
 „vendidit, &c. sed coquus

*Sartor à*  
*Sanctis*  
*Martyribus*  
*folles*  
*et aureum*  
*annulū ac-*  
*cepit.*



„quus concidens piscem, annu-  
„lum aureum in ventriculo ejus  
„invenit, moxque miseratione  
„flexus & religione perterritus,  
„homini eum reddidit, dicens:  
„Ecce quomodo viginti Marty-  
„res te vestierunt. Hæc cum à  
S. Augustino descripta noscan-  
tur, nequaquam etiam ab ipsis  
A catholicis ridenda censeo.

In eandem sententiam Tom.  
4. de curâ pro mortuis gerendâ,  
cap 4. scribit: Non video, quæ  
„sunt adjumenta mortuorum  
(ut apud memorias Sanctorum,  
corpora eorum sepeliantur) nisi *Sancti orant*  
„ad hoc, ut dum recolunt, ubi *etiam pro*  
„sint posita eorum, quos dili- *mortuis.*  
„gunt, corpora, eisdem Sanctis,  
„illos tanquam Patronis susce-  
„ptos apud Dominum adjuvan-  
„dos orando commendent. Er-  
gò invocatio Sanctorum secun-  
dum Augustinum non solum vi-  
vis sed & mortuis prodest.

Idco Tom. 4. locutionum de

*Gen. 48.* Genesi lib. 1. cap. 200. dicit :

16.

*Non tantū*

*Deus sed*

*et homo*

*legitur in-*

*vocari in*

*S. Scriptu.*

72.

„Jacob benedicens nepotes. su-

os filios. Joseph ait inter cæte-

ra: *Et invocabitur in his nomen*

*meum et nomen patrum meorum.*

„Unde notandum est, non so-

lūm exauditionem, sed etiam

invocationem dici aliquando,

quæ non Dei, sed hominū sint.

Unde ipsemet S. Augustinus

devotissimè solebat invocare

Sanctos, sicut legimus Tom. 9.

lib. Medit. c. 40. Sancta & im-

maculata Virgo Dei Genitrix

Maria, & Mater Domini nostri

Jesu Christi intervenire pro

me digneris apud illum, cujus

meruisti effici templum. San-

cte Michaël, sancte Gabriel,

sancte Raphaël, Sancti Chori

Angelorum, atque Archange-

lorum, Patriarcharum atque

Prophetarum, Apostolorum,

Evangelistarum, Martyrum,

Confessorum, Sacerdotum, Le-

uitarum, Virginum, omniumq;

ju-

„justorum, per illum, qui vos e-  
„legit, & de ejus contempla-  
„tione gaudetis, vos rogare præ-  
„sumo, ut pro me culpabili, ipsi  
„Deo supplicare dignemini, qua-  
„tenus de faucibus diaboli, & de  
„morte perpetuâ merear libera-  
„ri. Similem orationem habet  
Augustinus ad Beatissimam Vir-  
ginem. Tom. 10. Serm. de San-  
ctis in Festo Annunciat. Serm. *Pulchra &*  
secundo, qui est Sermo 18. *Oratio S. Au-*  
„Beata Maria, quis tibi dignè va- *gustini ad*  
„leat jura gratiarum ac laudum *B. Virginē.*  
„præconia rependere, quæ sin-  
„gulari tuo assensu mundo suc-  
„curristi perditio? Quas tibi lau-  
„des fragilitas humani generis  
„persolvat, quæ solo tuo com-  
„mercio recuperandi aditum in-  
„venit? Accipe itaque quascun-  
„que exiles, quascunque meritis  
„tuis impares gratiarum actio-  
„nes, & cùm susceperis vota, cul-  
„pas. nostras orando excusa. Ad-  
„mitte nostras preces intra sa-

E 3                      cra-

„crarium exauditionis, & repor-  
 „ta nobis antidotum reconcilia-  
 „tionis. Sit per te excusabile,  
 „quod per te ingerimus, fiat im-  
 „petrabile, quod fidâ mente po-  
 „scimus. Accipe quod offeri-  
 „mus, redona quod rogamus,  
 „excusa quod timeamus, quia tu  
 „es spes unica peccatorum; per  
 „te speramus veniam delictorû  
 „& in te beatissima nostrorum  
 „est expectatio præmiorum.

*Procurator B*  
*Virgo spes*  
*unica pec-*  
*catorum,*  
*scilicet post*  
*Christum.*

„Sancta Maria succurre miseris,  
 „juva pusillanimes, refove fle-  
 „biles, ora pro populo, interve-  
 „ni pro Clero, intercede pro de-  
 „voto fœmineo sexu, sentiant  
 „omnes tuum juvamen, quicun-  
 „que celebrant tuam comme-  
 „morationem. Assiste parata  
 „votis poscentium, & repende  
 „omnibus opratum effectum.  
 „Sint tibi studia assiduè oran-  
 „di pro populo Dei, quæ merui-  
 „sti benedicta redemptorē fer-  
 „re mundi, qui vivit & regnat in  
 sæ-

„*saecula saeculorum.* Hæc non concordant cum doctrina adversariorum, & idedò malè sonant in auribus eorum. Hæc cum à doctrina Sectariorum longissimè distare noscantur, acerbè illorū rellicant aures, qui si sanè sentire non dedignarentur, agnoscerent probè quantum & à doctrinâ & exemplo Augustini discrepent, quibus tamen obsequendi gratiâ aliam precandi formulam ex eodem August. ipsis memoriæ mandandam subjungo. Nam Tom. 9. lib. Medit. c. 24. sic habet: Felices Sancti Dei omnes, „qui jã pertransistis hujus mortalitatis pelagus, & pervenire „meruistis ad portum perpetuæ „quietis, securitatis & pacis, securi & tranquilli, semperque „festivi atque gaudentes. Ob- „secro vos per vestram charitatem, qui securi estis de vobis, „solliciti estote de nobis: securi „estis de vestrà immarcessibili

*Invocat S.  
Aug. omnes  
beatos in  
caelo.*

„gloriâ, solliciti estote de nostrâ  
 „multiplici miseriâ. Per ipsum  
 „vos rogo, qui vos elegit, qui  
 „vos tales fecit, de cuius pulchri-  
 „tudine jam satiamini, de cuius  
 „immortalitate jam immortales  
 „facti estis, de cuius beatissimâ  
 „visione semper gaudetis, estote  
 „jugiter memores nostri, subve-  
 „nite nobis miseris, qui adhuc in  
 „salo hujus vitæ circumstanti-  
 „bus agitamur procellis. Vos  
 „portæ pulcherrimæ, quæ in ma-  
 „gnam surerexistis altitudinem,  
 „adjuvate nos vile pavementum,  
 „longè inferiùs jacentes. Date  
 „manum & erigite jacentes su-  
 „per pedes, ut convalescentes  
 „de infirmitate, fortes efficiamur  
 „in bello. Intercedite & o-  
 „rate constanter atque indefi-  
 „nenter pro nobis miseris, mul-  
 „tumque negligentibus pecca-  
 „toribus, ut per vestras oratio-  
 „nes vestro sancto consortio  
 „conjungamur, quia aliter salvi  
 esse

„esse non possumus. Sumus  
„namque valdè fragiles & nul-  
„lius virtutis homunciones, ani-  
„malia ventris & carnis manci-  
„pia, in quibus vix aliquod vir-  
„tutis vestigium apparet. Et ta-  
„men sub Christi confessione  
„positi, ligno crucis ferimur, na-  
„vigantes per hoc mare magnum *Psal. 103.*  
„& spatiosum, ubi sunt reptilia, *25.*  
„quorum non est numerus, ubi  
„sunt animalia pusilla cum ma-  
„gnis, ubi est draco sævissimus,  
„semper paratus ad devorandū, *Miseria*  
„ubi sunt loca periculosa Scylla *huius vite.*  
„& Charybdis, & alia innume-  
„rabilia, in quibus naufragantur  
„incauti, & in fide dubii. Orate  
„Dominum, orate piissimi, orate  
„omnia agmina Sanctorum, &  
„universi cœtus beatorum, ut  
„vestris precibus, meritisq; adju-  
„ti, salvâ nave & integris merci-  
„bus pervenire mereamur ad  
„portū perpetuæ salutis & quie-  
„tis & continuæ pacis & nunquā

E 5

fini-

106 *S. Aug. Romano Catholice*  
„finiendæ securitatis. Detume-  
fcant hîc adversarii, & suarum  
virtutum ac virium inopiam a-  
gnoscentes Sanctorum subsidia  
cum S. Augustino suppliciter ef-  
flagitare non dedignentur.

---

*ARTICVLVS XIII.*  
Purgatorium esse convinci-  
tur.

**Q**uamvis misericordiæ Dei  
non sit numerus, justitiæ  
tamen non minor est ratio: sic-  
ut enim illa nihil boni irremu-  
neratum præterit, ita hæc nec  
minimam labem inultam finit;  
ita quidem ut si hîc etiam pro  
minimis delictis satisfacere ne-  
glexeris, ibi saluus non eris, nisi  
quasi per ignem. Cujus rei locu-  
pletum testem habeto Augusti-  
num.

Qui Tom. 4. de verâ & falsâ  
pœnitentiâ cap. 8. sic scribit: Ille  
„prius purgandus est igne pur-  
„gationis, qui in aliud seculum  
di-



„distulit fructum conversionis. *Ibi purgandus est, qui hic distulit*  
 „Hic autem ignis etsi æternus *pœnitentiã.*  
 „non sit, miro tamen modo est  
 „gravis, excellit omnem pœnam,  
 „quã unquam passus est aliquis  
 „in hâc vitâ. Nunquam in carne  
 „tâta inventa est pœna, licet mi-  
 „rabilia passi sint Martyres tor-  
 „menta. Studeat ergò quilibet,  
 „sic delicta corrigere, ut post  
 „mortem non oporteat talem  
 „pœnam tolerare. Quædam e-  
 „nim peccata sunt, quæ sunt  
 „mortalia, & in pœnitentiâ fiunt  
 „venialia, non tamen statim sa-  
 „nata.

Tom. 1. contra Manichæos  
 de Genes. lib. 2. cap. 20. Hoc, in  
*sudore vultûs tui comedes panem Gen. 3.*  
*tuum*, illi dictum est, qui colue-  
 „rit agrum suum, qui ista pati-  
 „tur, donec revertatur in terrâ,  
 „de quâ sumptus est, id est, do-  
 „nec finiat vitam suam. Qui  
 „enim coluerit agrum suum in-  
 „terius & ad panem suum, quam-

*Qui agrum  
conscientia  
sua negli-  
genter ex-  
coluerunt,  
punientur  
vel pœnâ  
temporali  
vel æternâ.*

„vis cum labore pervenerit, po-  
„test usque ad finem vitæ huius  
„hunc laborem pati, post hanc  
„autem vitam, necesse non est,  
„ut patiatur. Sed qui fortè agrū  
„non coluerit, & spinis eum op-  
„primi permiserit, haber in hâc  
„vitâ maledictionem terræ suæ  
„in operibus suis, & post hanc  
„vitam habebit vel ignem pur-  
„gationis, vel pœnam æter-  
„nam; ita nemo evadit istam sen-  
„tentiam. Sed agendum est, ut  
„saltem in hâc tantum vitâ sen-  
„tiatur.

Tom. 10. lib. 50. homil. Ho-  
miliâ 16. Felices, qui nunc benè  
„videntes facultatibus vel corpo-  
„ri suo necessariis contenti &  
„de suo largi, in se casti, in alios  
„non cruenti, ab hujus putei pro-  
„fundi flammeâ nocte se redi-  
„munt. Hæc pœna illos mane-  
„bit, qui amisso & non reparato  
„per pœnitentiam Baptismo in  
„æternū peribunt. Ad quos dici-  
tur :

tur: *Paleas autē comburet igni in. Luc. 3. 17.*  
*extinguibili.* Hi verò, qui tēpora-  
 „libus pœnis digna gesserunt, de  
 „quibus Paulus: *Si cuius opus ar-*  
*serit, detrimentum patietur, ipse*  
*autem saluus erit, sic tamen quasi* <sup>1. Cor. 3.</sup>  
*per ignem per fluvium igneum,* <sup>15.</sup>  
 „de quo Propheticus sermo: *Et Dan. 7. 10.*  
*fluvius igneus currebat ante eum.*  
 „per fluvium igneum & vada  
 „ferventibus globis horrenda  
 „transibunt. Quanta fuerit pec-  
 „cati materia, tanta & pertran-  
 „seundi mora. Quantum exege-  
 „rit culpa, tantum sibi ex homi-  
 „ne vendicabit quædam flammæ  
 „rationabilis disciplina. Et quan-  
 „tū stulta iniquitas suggesserit,  
 „tantum sapiens pœna deserviet.  
 „Et quia sermo divinus quodam  
 „loco æneæ ollæ animam pecca-  
 „tricem comparat dicens: *Pone* <sup>Exech. 24.</sup>  
*illam super prunas vacuam, donec* <sup>11.</sup>  
*concalescat as eius & omne stan-*  
 „num eius defluat. Illic sermones  
 „otiosi, & cogitationes iniquæ  
 & lor-

rio *S. Aug. Romano-Catholicæ*

*Pecata leviora per ignem purgatorium expientur.*

„ & sordidæ, illic multitudo levium peccatorum, quæ puritatem nobilis naturæ infecerant, exundabunt. Illic stannum et plumbum diversorum subrepentium delictorum, quæ divinam imaginem obscuraverant, consummentur, quæ omnia hîc ab anima separari per eleemosynas compendiosa transactione potuissent. An non clarissimè depingit hîc S. Augustinus purgatorium?

„ Diceret autem fors aliquis. (objicit sibi August. Tom. 10. de Sanctis Ser. 41. qui est 4. de animabus defunctorum) non pertinet ad me, quamdiu moras habeam, si tamen ad vitam æternam perrexero. Talia plures

*Durior erit ignis purgatorius, quâ quicquid in mûdo pœnarû cogitari potest.*

„ nam perrexero. Talia plures languidi quidam dicunt Catholici, sed audi quid sanctus Doctor respondeat: Nemo hoc dicat, fratres Charissimi, quia ille purgatorius ignis durior erit, quàm quid potest in hoc seculo

pœ-

„pœnarum videri, aut cogitari  
 „aut sentiri. Et cùm de die judi-  
 „cii scriptum sit, quod erit dies  
 „unus tanquam mille anni, &  
 „mille anni tanquam dies unus,  
 „unde scit unusquisque, utrum  
 „diebus an mensibus, an fortè  
 „etiam & annis per illum ignem  
 „sit transiturus? Et qui modò  
 „nec unum digitum suum in i-  
 „gnem vult mittere, timeat ne-  
 „cesse est, vel tunc parvo tempo-  
 „re cum anima & toto corpore  
 „cruciari. Et ideo totis viribus  
 „unusquisque laboret, ut capita-  
 „lia crimina possit evadere &  
 „minuta peccata ita bonis ope-  
 „ribus redimere, ut de ipsis nihil  
 „videatur remanere, quod ille i-  
 „gnis possit absumere.

*Reliquie  
 peccatorum  
 absumen-  
 tur igne  
 purgatorio.*

*Mat. 12.*

Probat ulterius Augustinus<sup>32.</sup>  
 purgatorium ex illo Matth. 12. *Nec in ca-  
 lo nec in in-  
 ferno di-  
 mittuntur.*  
*Qui dixerit verbum in Spiritum*  
*Sanctum, non remittetur ei, neque*  
*in hoc seculo, neque in futuro. Ex*  
*quibus verbis colligit quædam*  
 pcc- *go in tertio  
 loco.*

peccata post mortem remitti,  
non in cœlo, nec in inferno, er-  
gò in tertio loco.

Probat autem sic Tom. 5. de  
Civit. Dei lib. 21. c. 13. Tempo-  
„ rarias pœnas alii in hâc vitâ tan-  
„ tùm : alii post mortem, alii &  
„ nunc & tunc, veruntamen ante  
„ iudicium illud severissimū no-  
„ vissimumque patiuntur. Non  
„ autem omnes veniunt in sempi-  
„ ternas pœnas, quæ post illud ju-  
„ dicium his sunt futuræ, qui post  
„ mortem sustinent temporales.  
„ Nam quibusdam, quod in isto  
„ non remittitur, remitti in futu-  
„ ro seculo, id est, ne futuri secu-  
„ li æterno supplicio puniantur,  
„ jam suprâ diximus. Rarissimi  
„ sunt autem qui nullas in hac vi-  
„ tâ, sed tantùm post eam pœnas  
„ luunt.

Eodem libro cap. 24. sic scri-  
bit : Sicut etiam facta resurre-  
„ ctione mortuorū non deerunt,  
„ quibus post pœnas quas pati-  
un-

untur spiritus mortuorum, im-  
 pertiatur misericordia, ut in i-  
 gnem non mittantur æternum,  
 Neque enim de quibusdam ve-  
 raciter diceretur, quod non eis  
 remittatur, neque in hoc secu-  
 lo, neque in futuro, nisi essent *Matth. 12.*  
 quibus etsi non in isto, tamen *32.*  
 remitteretur in futuro.

Tom. 8 Psal. 37. propè initi-  
 um hæc habet Augustinus: *Domine ne in indignatione tua arguas*  
*me. Non sum inter illos, quibus*  
*dicturus es. Ite in ignem æter-* *Matth. 25.*  
*num, qui paratus est diabolo & an-* *41.*  
*gelis eius. Neque in irâ tuâ emen-*  
*des me, sed in hac vita purges*  
*me, & talem me reddas, cui iam*  
*emendatorio igne non opus sit,* *Post mortē*  
*propter illos, qui salvi erunt, sic est ignis æ-*  
*tamen quasi per ignem. Quare, emendatori-*  
*nisi quia hîc edificant supra fun-* *us, & ignis*  
*damentum, ligna, fœnum, sti-* *æternus.*  
*putam? si ædificarent autem*  
*aurum, argentum, lapides pre-*  
*tiolos & de utroque igne secu-*  
 ri

„ri essent: non solùm de illo æ-  
 „terno, qui in æternùm crucia-  
 „tur, sed etiam de  
 „illo, qui emendabit eos, qui per  
 „ignem salvi erunt: dicitur enim:  
*Ipse autem saluus erit, sic tamen*  
*quasi per ignem.* Ibidem Ps. 103.  
 Concion. 3. exponit locum il-  
 lum: *Aves autem non divisit.* Ro-  
 „go vos fratres, audite & profi-  
 „cite: excutite vos de loco car-  
 „nali, pergite in turturem & co-  
 „lumbam. Aves enim non divi-  
 „sit, sed quicumque talis perman-  
 „serit, & secundum quendam mo-  
 „dum vitæ aptum carnalibus &  
 „degremio Ecclesiæ non recel-  
 „serit, & non fuerit seductus ab  
 „hæreticis, ut ex contrariâ parte  
 „dividatur, caminus veniet & ad  
 „dexteram poni sine camino nõ  
 „poterit. Sed si caminum pati  
 „non vult, pergat in turturem &  
 „columbam. Qui potest capere,  
 „capiat. Si autem non sic erit, &  
 „ædificaverit super fundamentũ  
 ligna,

Gen. 15.  
 10.



„ligna, fœnum, stipulam, id est,  
„amores seculares fundamento  
„fidei suæ superædificaverit, ta-  
„men si in fundamento sit Chri-  
„stus, ut primum locum ipse ha-  
„beat in corde, & ei nihil omni-  
„nò anteponatur: portantur ta-  
„les, tolerantur & tales. Veniet  
„caminus, incendet ligna, fœnū,  
„stipulam. *Ipsæ autem, inquit, sal-  
„vus erit sic tamen quasi per ignem.*  
„Hoc aget caminus, alios in sini-  
„stram separabit, alios in dexte-  
„ram quodammodo eliquabit.  
Locum illum Apostoli: *Si cuius* <sup>1. Cor. 3.</sup>  
*opus arserit, detrimentum patietur,*  
*ipse tamen saluus erit: sic tamen*  
*quasi per ignem.* Africanus Do-  
ctor pluribus explicat Serm. 41.  
de Sanctis dicens: Multi sunt,  
„qui lectionem istam malè in-  
„telligentes falsâ securitate de-  
„cipiuntur, dum credunt, quòd si  
„supra fundamentum Christi ca-  
„pitalia crimina ædificent: pec-  
„cata ipsa per ignem transitori-  
um

um possint purgari, & ipsi post-  
ea ad vitam perpetuam perve-  
nire. Intellectus iste fratres cha-  
rissimi corrigendus est: quia ipsi  
se seducunt, qui taliter sibi blan-  
diuntur. Illo enim transitorio  
igne de quo dixit Apostolus:

*Differunt* Ipse autem salvus erit, sic tamen  
inter se pec- *quasi per ignem*: non capitalia sed  
cata maio- *minuta peccata purgantur. Et*  
ra & mi- *quamvis, quod peius est, non*  
nuta, id est, *solum majora, sed etiam minu-*  
mortalia & *ta, si nimirum plura sunt, mer-*  
venialia. *gunt. De ipsis tamen majoribus*

*Audiant* *aniter excusare conetur, & di-*  
*hic Acathe-* *cat nescire se, quæ sint minuta*  
*lici distin-* *peccata, vel crimina capitalia.*  
*ctione pec-* *Et quamvis Apostolus capita-*  
*cator in in-* *lia plura commemoraverit: nos*  
*capitalia &* *tamen, ne desperationem face-*  
*minuta seu* *re videamur, breviter dicimus,*  
*venialia.* *quæ sint illa, sacrilegium, homi-*  
*Quæ sint* *cidium, adulterium, falsum te-*  
*peccata* *sti-*  
*maiora seu*  
*mortalia.*

»stimonium, furtum, rapina, su-  
 »perbia, invidia, avaritia, & si  
 »longo tempore teneatur ira-  
 »cundia, & ebrietas. si assidua sit,  
 »in eorum numero computatur.  
 »Quicumque enim aliqua de istis  
 »peccatis in se dominari cogno-  
 »verit: si non dignè se emenda-  
 »verit, & si habuerit spatiū, lon-  
 »go tempore pœnitentiam ege-  
 »rit, & largas elemosynas ero-  
 »gaverit, & à peccatis ipsis absti-  
 »nuerit, illo transitorio igne,  
 »de quo ait Apostolus: purgari  
 »non poterit, sed æterna illum  
 »flamma sine ullo remedio cru-  
 »ciabit. Quæ autem sunt peccata  
 »minuta: licet omnibus nota  
 »sint; tamen quia longum est, ut  
 »omnia replicentur: opus est, ut  
 »ex eis vel aliqua nominemus.  
 »Quoties aliquis in cibo aut in  
 »potu plus accipit, quàm necesse  
 »sit: ad minuta peccata noverit  
 »pertinere. Quoties plus loqui-  
 »tur, quàm oportet; aut plus ta-

*Quæ sint  
 peccata mi-  
 nuta seu  
 venialia.*

cet,

„taçet,quàm expedit. Quoties  
 „pauperem importunè petentē  
 „exasperat. Quoties cū corpore  
 „sit sanus, aliis jejuniis  
 „prandere voluerit, aut somno  
 „deditus tardiùs ad Ecclesiam  
 „surgit. Quoties excepto deside-  
 „rio filiorum uxorem suam co-  
 „gnoverit. Quoties in carcere  
 „clausos & in vinculis positos  
 „tardiùs requisierit. Quoties in-  
 „firmos tardiùs visitaverit. Si di-  
 „scordes ad concordiam revoca-  
 „re neglexerit, si plus aut proxi-  
 „mum aut uxorem, aut filium,  
 „aut servum exasperaverit,quàm  
 „oportet &c. Hæc enim & his si-  
 „milia ad minuta peccata perti-  
 „nere dubium non est, quæ sic-  
 „ut jam dixi, enumerari vix pos-  
 „sunt, & à quibus non solùm po-

*Peccata* „pulus Christianus sed etiã nul-  
*minuta esse,* „lus Sanctorum immunis esse  
*animã non* „potuit aut poterit. Quibus pec-  
*occidunt,* „catis licet occidi animam non  
*tamen de-* „credamus; ita tamen eam velut  
*formant.*

qui-

„quibusdam pustulis & quasi  
 „horrenda scabie replentes, de-  
 „formem faciunt, ut eam ad am-  
 „plexus illius. sponsi cœlestis aut  
 „vix aut cum grandi confusione  
 „venire permittant. De quo scri- *Ephes. 9.*  
 „ptum est: *Apta vit sibi Ecclesi-* <sup>27.</sup>  
*am non habentem maculam aut ru-*  
*gam.* Et ideo continuis oratio-  
 „nibus & frequentibus jejuniis  
 „& largioribus eleemosynis, & *Dum hic*  
 „præcipue per indulgentiam co- *vivimus, o-*  
 „rum, qui in nos peccant, assi- *rationibus,*  
 „duè redimantur, ne fortè simul *ieiuniis, &*  
 „collecta cumulum faciant & de- *eleemosynis*  
 „mergant animam. Quicquid e- *peccata re-*  
 „nim de istis peccatis à nobis re- *de menda-*  
 „demptum non fuerit, illo igne *sunt.*  
 „purgandum est, de quo dixit  
 „Apostolus: *Quia in igne reve-* *1. Cor. 3.*  
*labitur, Et, si cuius opus arserit, de-*  
*trimentum parietur &c.* Et tan-  
 „dem ibidem sic concludit: Ideo  
 „quoties in lectione Apostolicâ  
 „audieritis: si quis supra funda-  
 „mentum Christi superædificat.

aurum, argentum, lapides pre-  
 tiosos, de Sanctis hoc & per-  
 fectis Christianis accipite, qui  
 velut aurum purgatum mero-  
 buntur ad æterna præmia per-  
 venire. Illi verò qui superædifi-  
 cant ligna, fœnam & stipulam  
 de bonis Christianis, sed negli-  
 gencibus minuta peccata pur-  
 gare, ut sæpè dictum est, intelli-  
 gite: quæ peccata, si nec divina  
 justitia multis tribulationibus  
 purgaverit, nec unusquisque e-  
 leemosynarum largitate rede-  
 merit, non sine grandi dolore  
 in illis implebitur, quod dicit  
 Apostolus: *Si cuius opus arserit,  
 detrimentum patietur, ipse autem  
 salvus erit, sic tamen quasi per  
 ignem.* Nemo tamen, sicut jam  
 supra dictum est, se ipsum cir-  
 cumveniat, ut hoc etiam pro  
 capitalibus criminibus, si incu-  
 rata remanserint, posse fieri cre-  
 dar. Quis nunc tam exoculata  
 mentis est, ut non tantum firmâ  
 apud

apud Augustinum fuisse purgatorii fidem, sed etiam hanc ipsam disertissimè litteris consignatam negare audeat ? Profectò tam clara sunt, ut ad aliud figmentum inconstantes propellat Acatolicos; cùm enim tam claris verbis purgatorium ab Augustino assertum agnoscant, consentur Augustinum non solùm illius assertorem sed & inventorem, utpote qui primus è Patrum cœtu illud asseruerit. Verùm ut agnoscere valeas quâ fide & sinceritate id asserant, perlege 2. partis Centuriæ morconcionatoris exhortationis 47. numerum 8. ubi non solùm diversos antiquiores Patres sed & Apostolos nostræ sententiæ testes & assertores adductos invenies.



*ARTICVLVS XIV.**De Ecclesiæ Sacramentis.*

**Q**uemadmodū provida mater Natura fœtui, quem luci dedit, in nullo deest, ut ad debitam congruentibus mediis provehat perfectionem, ita Christus Dominus Ecclesiæ Sponsæ suæ congruentissima concessit media, quibus filios ad perfectissimum perducatur spiritualis vitæ statum, nempe septem verè & propriè dicta Sacramenta. Nam primo scilicet Baptismo, generat, Confirmatione roborat, Eucharistiâ nutrit, Pœnitentia sanat, Extremâ Unctione veluti quadam Diætâ morborum reliquiis medetur, Ordine regit & gubernat, Matrimonio successionem conservat, & hæc esse verè & propriè dicta Sacramenta, docebit te Augustinus, qui Tom. 2. Epist. 118. cap. 1. ad Januarium sic scribit.

*Septem sunt  
Ecclesiæ Sa-  
cramenta.*

*Ita-*



„Itaque tenere te volo, quod  
„est hujus disputationis caput :  
„Dominum nostrum J E S U M  
„Christum, sicut ipse in Evange-  
„lio loquitur, levi iugo suo nos *Matth. 11.*  
„subdidisse & sarcinæ levi. Unde  
„Sacramentis numero paucissi-  
„mis, observatione facillimis, si-  
„gnificatione præstantissimis; so-  
„cietatem novi populi colliga-  
„vit. Sicuti est Baptismus, Trini-  
„tatis nomine consecratus ;  
„Communicatio Corporis &  
„Sanguinis ipsius, & si quid ali-  
„ud in Scripturis Canonicis  
„commendatur. In his clarè fa-  
cit mentionem S. Doctor duo-  
rum Sacramentorum scilicet Ba-  
ptismi & Eucharistiæ, quæ ple-  
rumque A catholici admittunt;  
interim tamen plura insinuat in  
his verbis: & si quid aliud in Ca-  
„nonicis scripturis commenda-  
tur.

Ideo Tom. 7. contra litt. Pe-  
til. lib. 2. cap. 104. manifestè ad-

8. Augustinus prater Baptisma & Eucharium mittit tertium Sacramentum Confirmationis, ita scriberis: Sacramentum Chrismatis ( id est Confirmationis, quia Chrisma est de hujus essentia ) in genere visibilium signorum, sacrosanctum est, sicut ipse Baptismus. Tom. 9. in Epist. Joann. Tract. 3 sic habet. Unctio spiritualis ipse Spiritus sanctus est, cujus Sacramentum est in Unctione visibili.

Tom. 8. in Psal. 26. in Præfat. enarrat. 2. Ungimur enim modò ait, in Sacramento ( Confirmationis ) & Sacramento ipso præfiguratur quiddam, quod futuri sumus. Et illud: nescio quid futurum ineffabile desiderare debemus & in Sacramento gemere, ut in eâ re gaudeamus, quæ Sacramento præmonstratur.

Tom. 9. in Epist. Joan. Tr. 6. Si vis nosse, quia accepisti Spiritum sanctum, interroga cor tuum,

„tuum, ne fortè cùm Sacramen- *Aliud est*  
 „tum habes, virtutem Sacramen- *Sacramen-*  
 „ti non habeas. Insinuat hîc San- *tum & ali-*  
 ctus aliud esse Sacramentum, a- *ud virtus*  
 liud virtutem Sacramenti. *Sacramen-*  
*ti.*

Tom. 8. in Psal. 141. circa  
 medium loquitur de modo, quo  
 Sacramentum Confirmationis  
 administratur, dum scribit: Mul-  
 „ta Sacramenta aliter atque ali-  
 „ter accipimus. Quædam sicut  
 „nostis, ore accipimus, quædam  
 „per totum corpus accipimus. *Sacramen-*  
 „Quia verò in fronte erubesci- *tum Confir-*  
 „tur, ille qui dixit: *mationis in*  
*me coram hominibus; erubescam*  
*coram Patre meo, ipsam igno-*  
 „miniam quodammodo & quâ *pitur.*  
 „Pagani derident, in loco pudor- *Luc. 9. 26.*  
 „is nostri constituit. Nam ut *Signū crucis*  
 ibidem in Psal. 30. Concion. 3. *formatur in*  
 habet. Non sine causâ signum *fronte tan-*  
 „suum Christus in fronte nobis *quā in sede*  
 „figi voluit, tanquam in sede *pudoris, ne*  
 „pudoris, ne Christi opprobrio *Christianus*  
 „Christianus erubescat. Quid ad *Christi op-*  
*probrium*  
*erubescat.*

hæc dicunt adversarii, qui Ange-  
lis adorandam derident crucem?

Audiant: veniente in novissimis

*Matth. 24.*

30.

„judice justo, apparebit signū filii  
„hominis in cælo, tunc profectō  
„vindicationis ultor Deus injurias  
„victoriæ suæ Trophæo illatas, &  
„in illorum interitu, qui modō  
„gloriæ suæ signum contemptui  
„habent, ridebit.

Audi eundem August. Tom.  
9, in Evang. Joan. Tr. 118. Ro-

*Sine signo  
Crucis nihil  
rite perfici-  
tur.*

„stremō, quid est, quod omnes  
„noverunt, signum Christi, nisi  
„crux Christi? quod signum nisi  
„adhibeatur sive frontibus cre-  
„dentium, sive ipsi aquæ, quā  
„regenerantur, sive oleo, quo  
„chrismate ununtur, sive sacri-  
„ficio, quo aluntur, nihil eorum  
„rite perficitur. Quomodo ergo  
„per id, quod mali faciunt, nihil  
„boni significatur, quando per  
„Crucem Christi, quam fece-  
„runt mali, in celebratione Sa-  
„cramentorum ejus bonum no-

bis

„nobis omne signatur? Finem  
 hujus Sacramenti insinuat Tom.  
 3. in Sententiis. sentent. 362. *Per Chris-*  
 „Christi nomen à Chrismate est, *ma non so-*  
 „id est ab unctione. Quâ ideo *lùm Chri-*  
 „omnis Christianus sanctifica- *stiani sed*  
 „tur, ut intelligat, se non solùm *luctatores*  
 „sacerdotalis & regiar dignita- *efficimur.*  
 „tis esse consortem, sed etiam  
 „contra diabolum fieri luctato-  
 rem.

Tom. 3. de Eccles. dogm. cap.  
 52. docet Augustinus hæc: Si qui *Hæretici*  
 „apud illos hæreticos baptizati *baptizati*  
 „sunt, qui in sancta Trinitatis *non sunt re-*  
 „confessione baptizant, & veni- *baptizandi.*  
 „unt ad nos, recipiantur quidem  
 „ut baptizati, ne sanctæ Trini-  
 „tatis invocatio vel confessio an-  
 „nulletur: sed doceantur integrè  
 „& instruantur, quo sensu san- *Sed in fide*  
 „ctæ Trinitatis mysterium in Ec- *instruendi*  
 „clesiâ teneatur, & si consentiūt *& per ma-*  
 „credere, vel acquiescunt cōfite- *nus imposi-*  
 „ri purgati jâ fidei integritate, *tionē con-*  
 „cōfirmetur manus impositione. *firmandi.*

„Si verò parvuli sunt vel hebe-  
 „tes, qui doctrinam non capi-  
 „unt, respondeant pro illis, qui  
 „eos offerunt juxta morem ba-  
 „ptizandi: & sic manus imposi-  
 „tione & Chrismate muniti, Eu-  
 „charistiæ mysteriis admittan-  
 „tur.

Docet etiam August. in diver-  
 sis locis specialiter Tom. 4. No-  
 vi Testamenti q 42. Sacramen-  
 tū Confirmationis non ab alio  
 posse administrari, quàm ab Epi-  
 scopo, sic enim habet: Non per-

*Sacramentū*  
*Confirmati-*  
*onis à seculo*  
*Episcopo*  
*confertur.*  
*Act. 8.*

„tinet ad omnes credentes, sed  
 „ad Episcopos tantum, ut bap-  
 „tizatis per manus impositionem  
 „dent Spiritum sanctum. Ad ex-  
 „emplum scilicet Apostolorum.

Hinc omnis admirationi præ-  
 cluditur locus, cur A catholici  
 hoc Sacramentum ex numero  
 Sacramentorum Ecclesiæ dele-  
 ant, non enim ipsis est huius Sa-  
 cramenti legitimus Minister, qui  
 est Episcopus legitimè consecra-  
 tus, quo carent.

AR-

ARTICVLVS XV.

De Pœnitentiâ.

**Æ** Grotantis animæ medicina (ut art. priori dictum) est Pœnitentia, quàm S. Augustin. <sup>Pœnitentia est Sacramentum</sup> Tom. 2. epist. 180. ad Honorat. <sup>reconciliationis.</sup> „Sacramentum reconciliationis vocat, & quidem hujus claves (verba sunt August. Tom. 3. de doct. Christianâ l. 1. c. 16. 17. & 18.) dedit Ecclesiæ suæ, ut, „quæ solveret in terra, soluta essent & in cœlo, quæ ligaret in terra, ligata essent & in cœlo: „scilicet ut quisquis in Ecclesia „ejus dimitti sibi peccata non „crederet, non ei dimitterentur, „quisquis autem crederet, seque „ab his correptus averteret, in „ejusdem Ecclesiæ gremio constitutus, eâdem fide atque correctione sanaretur. Ergò extra veram Christi Ecclesiam nulla remittuntur peccata, sine quorû remissione salvari non possumus.

F s

Nam

130 *S. Aug. Romano-Catholica*  
Nam Tom. 10. lib. 50. Homi-  
liarum, homil. 12. scribit : In om-

*Peccata non*  
*solum Deo,*  
*sed & Sa-*  
*cerdoti de-*  
*bemus con-*  
*fiteri.*  
,,nibus Scripturis divinis, fratres  
,,charissimi, utiliter ac salubriter  
,,admonemur, ut peccata nostra  
,,debeamus jugiter & humiliter  
,,non solum Deo, sed etiam San-

*Iac. 5. 16.*  
,,ctis & Deum timentibus con-  
,,fiteri. Sic enim per Jacobum A-  
,,postolum nos admonet Spiri-  
,,tus sanctus dicens : *Confitemini*  
*alterutrum peccata vestra, & ora-*  
*te pro invicem, ut salvemini.* Et

*Psal. 31.* Psalmista : *Dixi, confitebor adver-*  
*sum me injustitias meas Domino.*

*Diabolus*  
*suadet, ut*  
*occultemus*  
*peccata,*  
*contrarium*  
*facit Deus.*  
,,Nec ideo vult Deus, ut confi-  
,,teamur peccata nostra ; quod  
,,ea ipse scire non possit : sed quia  
,,diabolus hoc desiderat, ut inve-  
,,niat, quod nobis ante tribunal  
,,Judicis æterni objiciat. Ideo  
,,vult, ut magis defendere, quàm  
,,accusare peccata nostra veli-  
,,mus. E contrario autem Deus  
,,noster, quia pius est & miseri-  
,,cors, vult, ut ea confiteamur in  
hoc



„hoc seculo, ne pro illis confun-  
„damur postea in futuro. Si e-  
„nim nos confitemur, ille par-  
„cit &c.

Tom. 9. lib. 2. de visit. infirm.  
cap. 4. & 5. egregiè scribit de  
hoc Sacramento: Sunt quidam,  
„qui sufficere sibi ad salutem au-  
„tumat, si soli Deo, cui nihil  
„occultum est, quem nullius la-  
„ter conscientia, sua confitean-  
„tur crimina. Nolunt enim, aut  
„erubescunt sive dedignantur o-  
„stendere se Sacerdotibus, quos  
„tamen inter lepram & lepram  
„discernere per legislatorè con-  
„stituit Dominus. Sed nolo, ut  
„ipsa decipiaris opinione, quate-  
„nus confundaris confiteri co-  
„ram Domini Vicario, tabescens  
„præ rubore, vel cervicosus præ  
„indignatione: nam ipsius hu-  
„militer subeundum est judiciū,  
„quem Dominus sibi non dedi-  
„gnatur Vicarium. Ergò ad te  
„venire roges Sacerdotem, &

*Sacerdotis  
est discerne-  
re inter le-  
pram &  
lepram.*

„fac ipsum conscientiarum tua-  
 „rum penitus participem &c.

*Etiā cogi-  
 tationes  
 sunt aperi-  
 enda.*

Et paulò post: Aperi ei, Sa-  
 „cerdoti scil. penetraliũ tuorum  
 „abditissima latibula, conscien-  
 „tiarum verecundarum penitio-  
 „ra revela repagula. Non te pu-  
 „deat coram uno dicere, quod  
 „te non puduit forsitan coram  
 „multis facere: nam humanum  
 „est peccare, Christianum est à  
 „peccato desistere, diabolicum  
 „est perseverare. Ergò quæ men-  
 „tem graviùs exacerbant facinø-  
 „ra, Dei Angelo manifesta, nihil  
 „obscurum dicens, culpam nullis  
 „ambagibus involvens, nullis  
 „circuitionibus, quod verum est  
 „operiens. Designanda sunt eti-  
 „am, in quibus peccãsti loca, si  
 „recordaris, & tempora, cum  
 „quibus peccãsti personis, non  
 „nomina ipsarũ, etiam ut à pec-  
 „cato desistant, secretò corri-  
 „genda familiaritas, in quã pec-  
 „cãsti labilis ætãs, quo gradu jam

*Circumstã-  
 tiæ quoque  
 peccatorum  
 sunt confi-  
 tenda.*

Ec-

„Ecclesiæ inserviebas, utrum se-  
„mel, an ex consuetudine; utrū  
„necessitate, an ex voluptate ce-  
„cidisti. Ecce quā pulchrè do-  
„ceat nos S. Aug. peccata confi-  
„teri, & etiam eorundem circum-  
„stantias manifestare, eorum tan-  
„tum quorum recordamur. De  
„aliis enim dicere poteris cum  
„Davide: *Ab occultis meis munda* ps. 18. 13.  
„me.

„Quid enim prodesset Lazaro,  
„ait August. Tom. 8. in Psal. 101.  
„Concion. 2. quia processisset de  
„monnmento, nisi diceretur, sol-  
„vite eum, & sinite abire? Ipse  
„quidem voce de sepulchro su-  
„scitavit (scilicet Christus) ipse  
„clamando animam reddidit,  
„ipse terrenam molem terreno  
„sepulchro impositam vicit, &  
„processit ille vinctus. Non er-  
„gò pedibus propriis, sed virtute  
„producentis fit hoc in corde *Peccator*  
„pœnitentis. Cū audis homi-*debet & Sa-*  
„nem pœnitere peccatorum suo-*cerdote ab-*  
„rum, *solvi.*

„rum, jam revixit: Cùm audis  
 „hominem confitendo proferre  
 „conscientiam, jam de sepulchro  
 „eductus est, sed nondum solu-  
 „tus est. Quando solvitur? à  
 „quibus solvitur? *Quæ solveritis,*  
*inquit, in terra, erunt soluta & in*  
*cælo.*

Sed præter Contritionem ,  
 Confessionem & Absolutionem  
 à peccatis restat adhuc satisfac-  
 tio tanquam pars integralis, ut  
 Theologi dicunt , pœnitentiæ  
 Sacramenti, hanc clarè docet S.  
 Augustinus, Tom. 9. de pœnit.  
 medicinâ cap. 15. qui Tractatus  
 idem est cum homiliâ quinquag-  
 esimâ in Tom. 10. Erravit igitur  
 Erasmus, cùm eundem Tra-  
 ctatum in altero loco negat esse  
 Augustini , in altero inter ejus  
 opera connumerat. Non sufficit  
 (ait Augustinus) mores in meli-  
 „us commutare & à malis factis  
 „recedere, nisi etiam de his, quæ  
 „facta sunt, satisfiat Deo per pœ-  
 ni-

*Præter con-*  
*fessionem*  
*satisfactio*  
*requiritur*  
*& Contri-*  
*tio.*

penitentia dolorum, per humili-  
tatis gemitum, per contriti cor-  
dis sacrificium cooperantibus  
eleemolynis. *Beati enim miseri-* *Matth. 9.*  
*cordes, quoniam & ipsi misericor-*  
*diam consequentur.* Non enim  
dictum est, ut tantum abstinea-  
tis à peccatis, sed & de præteri-  
tis, inquit, deprecare Dominum,  
ut tibi dimittantur. Nam bo-  
na est peccati confessio, scribit  
Augustinus Tom. 3. in Senten-  
tiis. sentent. 101. ex Tom. 8. in  
Psal. 37. decerptis, si & curatio  
consequatur. Quid enim pro-  
dest detegere plagam & non  
adhibere medicinam? Confes-  
sionem ergò ait S. Aug. Tom.  
10. de Sanctis Serm. 39. (qui est  
2. de animabus fidelium defun- *Data pœni-*  
ctorum) quaramus puro corde, *tentia à Sa-*  
& pœnitentiam datam à Sacer- *cerdote ad-*  
dotibus perficiamus. *implenda*  
*est.*

Tom. 9. Tr. 24. in Evang. Jo-  
annis docet Sanctus Ecclesiæ  
Doctor, non totam semper pœ-  
nam

pœnam remitti simul cum culpa pœnitentibus. In malis enim, „ait, quæ quisque patitur, non in „bonis, quibus fruitur, opus est „patientiâ. Hanc itaque vitam, „de quâ scriptum est : *Nunquid non tentatio est vita hominis super terram?* in quâ quotidie clamus ad Dominum : libera nos „à malo : cogitur homo tolerare „etiam remissis peccatis; quamvis ut in eam veniret miseriam „primùm fuerit causa peccatum: „Productior est enim pœna, „quàm culpa : ne parva putaretur culpa, si cum illâ finiretur „& pœna. Ac per hoc vel ad demonstrationem debitæ miseriæ „vel ad emendationem labilis vitæ, vel ad exercitationem necessariæ pœnitentiæ, temporaliter hominem detinet pœna: „etiam quem jam ad damnationem sempiternam reum non „detinet culpa. Tale aliquid, ait *August. Tom. 7. de peccat. mer.*

Iob 7.

*Non semper dimissa culpa remittitur tota pœna ob varias causas.*

&amp;

& remiss. lib. 2. cap. 34. nobis insinuatum est de Patriarcha David in libro Regnorum, ad quem Propheta cum missus<sup>2. Reg. 12.</sup> esset, eique propter peccatum, quod commiserat, eventura mala ex iracundiâ Dei comminaretur, confessione peccati veniam meruit, respondente Propheta, quod illud ei flagitium facinusque remissum sit, & tamen consecuta sunt, quæ Deus fuerat comminatus, ut sic humiliaretur à filio. Et ex hac doctrinâ firmum sumimus fundamentum, quo probatur purgatorium, & indulgentiæ. sed ad alia.

---

*ARTICVLVS XVI.*

*De Eucharistiâ.*

**H**anc verum Ecclesiæ Sacramentum esse jam insinuavi articulo 14. & vocat illud Tom. 10. de Verbis Apost. Ser. 2. Augustinus: Sacramentum fidelium, est Sacramentum fidei & Tom. *Eucharistia*

*delium, & mensa Dominica.* & Tom. 7. de peccat. meri. & remiss. lib. 1. cap. 24. Sacramen-

,tum mensæ Dominicæ. Ideo nullam hic moram traho, sed ad illa, quæ contra Acatholicos de hoc Sacramento Augustinus docet, transeo. Inprimis scribit S. August. contra Acatholicos ve-

*In hoc est* rum Corpus Christi & verum verum cor- sanguinem ejus, non in usu tan-  
*pus Christi* tum, quando sumitur, verum  
*etiam ante* etiam ante sumptionem esse in  
*sumptione.* hoc Sacramento. Nam Tom. 8.

Psal. 33. Conc. 1. explicat verba: *Et ferebatur in manibus suis.*

,,Hoc verò fratres quomodo  
 ,,posset fieri in homine, quis in-  
 ,,telligat? quis enim portatur in

*Christus in* ,,manibus suis? manibus aliorum  
*cæna se ip* ,,põtest portari homo, manibus  
*sum porta-* ,,suis nemo portatur. Quomo-  
*vit in ma-* ,,do intelligatur in ipso David  
*nibus suis.* ,,secundum litteram, non inve-

,,nimus, in Christo autem inve-  
 ,,nimus. Ferebatur enim Chri-  
 ,,stus in manibus suis, quando  
 com-



„Commendans ipsum corpus su. *Matth. 26.*  
„um ait : *Hoc est Corpus meum.* <sup>26.</sup>

„Ferebat enim illud corpus in  
„manibus suis. Et ideo nos Ca-  
tholici firmiter cum Augustino  
credentes post consecrationem  
etiam ante usum seu comestione  
adesse verum Corpus Christi,  
devotè adoramus illud & quidē  
cultu latriæ. Nam S. Aug. Tom.  
8. Psal. 98. ita exponit verba illa;

*Adorate scabellum pedum eius* *Psal. 98. 5.*  
*quoniam Sanctum est.* Quid ha-

„bemus adorare? scabellum pe-  
„dum eius. Suppedaneum dici-  
„tur scabellum ; quod dicitur  
„græcè *ὑποπόδιον*, dixerunt Latini  
„scabellum & alii dixerunt sup-  
„pedaneum. Sed videte fratres,  
„quid nos jubeat adorare. Alio  
„loco Scriptura dicit : *Cælum* *Isa. 66. 1.*  
*mihi sedes est, terra autem scabellū*  
*pedum meorum.* Ergo terram ju-  
„bet nos adorare, quia dixit alio  
„loco, quod sit scabellum pedum  
„Dei? at quomodo adorabimus  
ter-

*Math. 4.* „terram, cum dicat aperte Scri-  
10. „ptura: *Dominum Deum tuum*  
*adorabis?* Et hîc dicit: *Adorate*

*scabellum pedum eius.* Expone ns  
„autem mihi, quid sit scabellum  
„pedum eius. *Terra autem sca-*  
25. 7. 49. *bellum pedum meorum.* Anceps

„factus sum, timeo adorare ter-  
„ram, ne damnet me, qui fecit  
„cœlum & terram. Rursum ti-  
„meo, non adorare scabellum  
„pedum Domini mei, quia Psal-  
„mus mihi dicit: *Adorate sca-*  
*bellum pedum eius.* Quæro, quid  
„sit scabellum pedum eius, &  
„dicit mihi Scriptura: *Terra sca-*  
*bellum pedum meorum.* Fluctuans

*Quid sit*  
*scabellum*  
*pedum eius.*

„convertito me ad Christum, quia  
„ipsum quæro hîc, & invenio.  
„quomodo sine impietate ado-  
„retur terra, sine impietate ad-  
„oretur scabellum pedum eius.  
„Suscepit enim de terrâ terram,  
„quia caro de terra est, & de car-  
„ne Mariæ carnem accepit. Et  
„quia in ipsa carne hic ambula-  
lavit

„lavit, & ipsam carnem nobis  
„manducandam ad salutem de-  
„dit. Nemo autem illam carnem  
„manducat, nisi prius adorave- *Caro Chri-*  
„rit: Inventum est, quemadmo- *sti antequā*  
„dum adoretur tale scabellum *manduce-*  
„Domini pedum, & non solum *tur, est. ado-*  
„non peccemus adorando, sed *randa.*  
„peccemus non adorando. Ecce *Et qui non*  
quomodo ergo nos Catholici si- *adorat, pec-*  
ne omni peccato adoremus se- *cat.*  
cundum doctrinam S. August.  
Corpus Christi verum etiam an-  
te sumptionem, velut terram &  
scabellum pedum eius; è contra  
adversarii non sine peccato con-  
tra Augustinum hanc adoratio-  
nem negligant, imò impiè re-  
probent.

Tom. 8. exposit. 1. in Psal. 21.  
explicat illud: *Manducaverunt*  
*& adoraverunt omnes divites ter-*  
*ra.* Manducaverunt corpus, hu- *Pf. 21. 30.*  
„militatis Domini sui etiam di-  
„vites terræ, nec sicut pauperes  
„saturati sunt, usque ad imita-  
tio-

„tionem , sed tamen adorave-  
„runt.

Et Tom. 2. epist. 102. c. 27.  
ad Honoratum. Neque enim  
„frustrà ita distincti sunt , ut de  
„pauperibus suprà diceretur : E-  
„dent pauperes , & saturabuntur.

*Vers, 27.*

*Aliqui qui-* Hic verò : *Manducaverunt &*  
*dem adorât* adoraverunt omnes divites terræ.  
*sed non sa-* „Et ipsi , qui adducti sunt ad  
*tiantur ,* „mensam Christi , & accipiunt  
*quia non* „de Corpore & Sanguine ejus :  
*imitantur* „sed adorant tantum , non etiam  
*Christum.* „saturantur , quoniam non imi-  
„tantur. Manducantes enim pau-  
„perem dedignantur esse paupe-  
„res.

Item clarè docet S. August.  
contra adversarios nostros sub-  
stantiam panis & vini non re-  
manere post consecrationem in  
Sacramento Eucharistiæ. Nam  
de Verbis Domini Serm. 28. di-  
cit : Memini sermonis mei , cùm  
„de Sacramentis tractarem , dixi  
„vobis , quòd ante verba Chri-  
sti

*Post Conse-*  
*crationem.*  
*nōn est am-*  
*plius panis*  
*usualis sed*  
*super sub-*  
*stantialis.*

„sti, quod offertur panis dica-  
 „tur, ubi Christi verba de prom-  
 „pta fuerint, jam non panis di-  
 „citur, sed corpus appellatur.  
 „Quare ergò in Oratione Do-  
 „minica, quæ postea sequitur  
 „ait: *Panem nostrum quotidianum* *Isa. 45. 19*  
*da nobis hodie.* Panem quidem  
 „dixit, sed ~~etiam~~ dixit, hoc est,  
 „super substantialem. Non iste  
 „panis, qui vadit in corpus, sed  
 „ille panis vitæ æternæ, qui ani-  
 „mæ nostræ substantiam fulcit.  
 Ergò nobiscum adorent Acatho-  
 lici Christum latentem, qui est  
 verè *Deus absconditus*, non cum  
 pane & vino, sed sub speciebus  
 panis & vini.

Quòd verò sub una tantum  
 specie Christus ipse Eucharistiam  
 dederit, eademq; sub altera spe-  
 cie tempore S. Augustini sumpta  
 fuerit, probatur ex eodem S.  
 Doctore: nam Tom. 4. de con-  
 sensu Evangelistarum lib. 3. cap.  
 25. scribit: Non aliter, quàm e-  
 rat,

*Luc. 24.* „rat, quando apparuit Dominus  
*Christum di-* „duobus discipulis euntibus in E-  
*sribuit Eu* „maus, sed sicut erat apparuit eis,  
*charistiam* „quorum oculi tenebantur, ne  
*sub una* „agnoscerent eum. Non autem  
*specie.* „incongruenter accipimus hoc  
 „impedimentum in oculis eorū  
 „à Sathana factum fuisse, ne a-  
 „gnosceretur Iesus sed tamen à  
 „Christo est facta permissio us-  
 „que ad Sacramentum panis: ut  
 „unitate corporis eius partici-  
 „pata removeri intelligatur im-  
 „pedimentum inimici, ut Chri-  
 „stus possit agnosci.

Et Tom. 10. de Temp. Serm.

*Luc. 24.* 140: Tenebantur oculi eorum, si-  
 „cut audivimus, ne eum agnosce-  
 „rent. Eja fratres ubi voluit Do-  
 „minus agnosci? in fractione pa-  
 „nis, securi sumus, panem fran-  
 „gimus, & Dominum agnosci-  
 „mus. Noluìt agnosci nisi ibi  
*In sola fra-* „propter nos: qui non eum vi-  
*ctione panis* „sur, eramus in carne, & tamen  
*aperti sunt* „manducaturi ejus carnē. Nul-  
*oculi.* lam

iam facit hîc mentionem S. Augustinus de sanguine, sed solùm de carne, quæ utique sine sanguini non erat. Nil dicit de vino, sed solùm de pane loquitur, vocatque Eucharistiam Sacramentum panis. Ibidem Serm. 126.

„Cum benedictum frangeret  
„panem aperti sunt oculi eorū.  
„Ergò clausis oculis in viâ cum  
„illo comitabantur, & poterant  
„scire, ubi gressus ponerent, si  
„clausos oculos haberent? A-  
„perti sunt ergò ad cognitionē,  
„non ad visionem. Dominus  
„itaque noster Jesus Christus,  
„ante panis fractionem ignotus  
„loquitur cum hominibus, in  
„panis fractione cognoscitur,  
„quia ibi percipitur, ubi vita æ-  
„terna percipitur. Cum ergò  
hîc habeamus exemplum Christi, qui sub una specie secundùm explicationem S. Augustini dedit duobus discipulis corpus suum ad vitam æternam, cur non

G

idem

146 *S. Aug. Romano-Catholica*  
idem ritè facere possit Ecclesia  
Dei ?

Maximo etiam argumento est  
tempore S. Augustini à fidelibus  
Eucharistiam sumptam sub. una  
specie, quòd Corpus Christi da-  
tum sit viris ad manus, mulieri-  
bus autem ad nitida linteamina,  
ut domum delatam pro sua de-  
votione sumerent.

*Tempore  
Augustini  
fuit una  
species data  
laicis.*

Hinc S. Cyprianus qui anti-  
quior est. S. Augustino Ser. de  
lapsis scribit : quòd, cùm quædam  
mulier arcam suam, in qua San-  
ctum Domini fuit, manibus in-  
dignis tentâisset aperire, igne in-  
dè surgente deterrita sit. Ea  
propter monet S. August. Tom.  
4. de salutaribus documentis c.  
33. dicens: Quando illud (Cor-  
pus Domini) accipere debemus,  
„antea ad Confessionem & Pœ-  
nitentiam recurrere debemus,  
„& omnes actus nostros curio-  
„sius discutere : & peccata ob-  
„noxia , si in nobis senserimus,  
ci-



„citò festinemus per Confessio- <sup>Ante sum-</sup>  
nem & veram Pœnitentiam ab- <sup>ptionē Eu-</sup>  
luere, ne cum Judâ proditore, <sup>charistie</sup>  
diabolum intra nos celantes, <sup>currendum</sup>  
pereamus &c. Igitur mutet <sup>nitentia Sa-</sup>  
vitam, ait Augustinus Tom. 10. <sup>cramentū.</sup>  
Serm. 1. de Tempore, qui vult  
accipere vitam: nam si non  
mutat vitam, ad iudicium ac-  
cipit vitam. Et magis ex ipsâ  
corrumpitur, quàm sanctur,  
magis occiditur, quàm vivifice-  
tur. Clarè hic insinuat, quàm  
necessariò præmittendum sit Sa-  
cramentum Pœnitentiæ.

---

*ARTICVLVS XVII.*

*De Extremâ Unctione.*

**H**abet peritorum Medico-  
rum consuetudo, ut per  
fortiores medicinas depulso  
morbo, levioribus mediis ac  
diætetica integras restaurent vi-  
res, ita Medicus cœlestis animæ  
morbo laborantibus post aspe-  
ram pœnitentiæ medicinam sua-

vem ac salutarem ad morbi reliquias tollendas præscripsit dieteticam, nempe Extremam Unctionem, de quâ D. Aug. Tom. 6. de visitatione infirmorum, l. 2. cap. 4. sic scribit. Nec præter-

*Iac. 5. 14.*

„mittendum est illud Apost. Jacobi præceptum: *Infirmatur quis in vobis, inducat Presbyteros Ecclesiae, ut orent super eum, ungentes eum oleo sancto in nomine Domini IESU, & oratio fidei salvabit infirmum.* Ergò sic roges de te, & pro te fieri, sicut dixit Apostolus Jacobus, imò per Apostolum suum Dominus: ipsa videlicet olei sacra delibatio, intelligitur Spiritus sancti typicalis Unctio. Illud etiam vivificum Dominici Corporis supplementum suscipere fili mi non renuas.

Tom. 10. de Temp. Ser. 215. dicit: Quoties aliqua infirmitas supervenerit, Corpus & Sangui-  
nem Christi, ille, qui agrotat,

„tat, accipiat, & inde corpuscu-  
 „lum suum ungat, ut illud, quod  
 „scriptum est, impleatur in eo :  
*Infirmatur aliquis, inducat Pres-* *Iacob. 5.*  
*byteros, & orent super eum, ungen-*  
*tes eum oleo, & oratio fidei sal-* *Hoc Sacra-*  
*vabit infirmum & alleviabit eum* *mentum nō*  
*solum* *an-*  
*Dominus, & si in peccatis sit, di-* *nam, sed*  
*mittentur ei. Videte fratres, quia* *& corpus*  
*sanat.*  
 „qui in infirmitate ad Ecclesiam  
 „cucurrerit, & sanitatem corpo-  
 „ris recipere, & peccatorum in-  
 „dulgentiam merebitur obtine-  
 „re. Propterea, hortatur nos  
 August. Tom. 9. de rectitudine  
 Conversationis, quoties aliqua  
 „infirmitas occurrerit alicui non  
 „quarantur præcantatores, non  
 „sortilegi, non carcarii, neque  
 „per fontes, aut arbores, aut bi- *Infirmi non*  
 „via phylacteria exerceantur. *petant sor-*  
 „Sed qui ægrotat, in solâ Dei *tilegos sed*  
 „misericordiâ confidat & Eucha- *Sacerdotes.*  
 „ristiam cum fide & devotione  
 „accipiat, oleumque benedictū  
 „fideliter ab Ecclesiâ petat, unde

G ;

cor-

150 *S. Aug. Romano-Catholica*

„corpus suum ungatur , & se-  
„cundùm Apostolum : *Oratio fi-  
dei salvabit infirmum & allevia-  
bit eum Dominus* : non solùm  
„corporis sed & animæ sanita-  
„tem accipiet , complebiturque  
„in illo, quod Dominus in Evan-  
*Matth. 21.* „gelio promisit dicens : *Omnia*  
*22.* *quacunque petieritis Patrem in no-  
mine meo, in oratione , credentes*  
*accipietis.*

Ecce quàm reverentialiter scri-  
bat S. Aug. de Extremâ Unctio-  
ne, quantam ei virtutem atq; ef-  
ficaciam tribuat, dum & con-  
fideat, quòd per eam non so-  
lùm animæ, sed & corporis sa-  
nitas, ut S. Jacobus insinuat, re-  
cuperari possit. Plura, qui desi-  
derat, legat vigesimam Exhorta-  
tionem in opusculo meo Ger-  
manico de Arte benè moriendi,  
inveniet in eâ satis multa & spe-  
cialiter, quòd Extrema Unctio  
sit verum Ecclesiæ Dei Sa-  
cramentum.

AR-

*ARTICVLVS XVIII.*

*De Sacramento Ordinis.*

**O**Rdinem, quo legitima Sacramentorum conficiendi dispensandique potestas traditur legitimum esse Ecclesie Sacramentum ex Augustini subjunctis intelliges Lector, Tom. 7. de Baptis. contra Donat. lib. 1. c. 1. hæc scribentis: Sacramentum *Ordinē* vobis Baptismi est, quod habet, qui *cat S. Aug.* baptizatur, & Sacramentum *Sacramentum dandi* dandi Baptismi est, quod habet, *Baptismi.* qui ordinatur. Sicut autem baptizatus, si ab unitate recesserit, Sacramentum Baptismi non amittit: sic etiam ordinatus, si ab unitate recesserit, Sacramentum dandi Baptismi non amittit. Nulli enim Sacramento injuria facienda est: si discedit à malis, utrumque discedit: si permanet in malis, utrumque permanet. Sicut ergò acceptatur Baptismus, quem non potuit

*Hoc Sacra-  
mentum nõ  
reiteratur.*

„tuit amittere, qui ab unitate  
„discesserat: sic accipiendus est  
„ille, qui Sacramenti dandi po-  
„testatem cum discederet, non  
„amiserat. Nam sicut redeuntes,  
„qui priusquam recederent, ba-  
„ptizati sunt, non rebaptizan-  
„tur, ita redeuntes, qui priusquã  
„recederent, ordinati sunt, non  
„utique rursus ordinantur, sed  
„aut administrant, quod admi-  
„strabant, si hoc Ecclesiæ utilitas  
„postulet, aut si non admini-  
„strant, Sacramentum Ordina-  
„tionis suæ tamen gerunt, & id-  
„eò eis manus inter laicos non  
„imponitur.

Idem confirmat. Tom. 6. de  
bono conjugali cap. 24. his ver-  
bis: Si fiat Ordinatio Cleri ad  
„plebem congregandam, etiam-  
„si plebis congregatio non sub-  
„sequatur, manet tamen in illis  
„ordinatis Sacramentum ordi-  
„nationis: & si aliquã culpâ quis-  
„quam ab officio removeatur,

Sa-

„Sacramento tamen semel im-  
„posito, non carebit, quamvis ad  
„judicium permanente.

Tom. 4. quæst. ex veteri Te-  
stamento quæst. 46. docet Sa-  
cerdotes fieri in Novo Testa-  
mento non Baptismo seu sancti-  
tate, sed ordinatione. Nam ali-  
„ud est, ait, benè vivere, & aliud  
„potestatem alicujus officii ac-  
„cipere. Sicut enim qui est Sa- *Sacerdotes.*  
„cerdos, non ex eo, vitam suam *non à san-*  
„commendatam putare debet; *ctitate, sed*  
„ita & qui sanctæ conversationis *potestatem*  
„& vitæ est, non jam ex eo sibi *accipiunt*  
„Sacerdotium vindicare debe- *ab ordina-*  
„bit. Quamvis enim bonum sit *tione.*  
„Sacerdotium, tamen malum e-  
„rit ei, cui concessum non est,  
„& præsumit &c.

Ibidem quæst. 11. Dictum est *Num. 6.*  
„à Deo in Numeris ad Moysen  
„& Aaron Sacerdotes. Vos po-  
„nite nomen meum super filios  
„Israël, ego Dominus benedicā  
„eos: ut gratiam traditio per mi-

„nisterium ordinantis transfun-  
 „dat hominibus , nec voluntas  
 „Sacerdotis obesse aut prodesse  
 „possit, sed meritum benedictio-  
 „nem poscentis. Quanta autem  
 „sit dignitas Ordinis Sacerdota-  
 „lis hinc advertamus. Dictum  
 „est enim de nequissimo Caipha  
 „interfectore Salvatoris inter  
 „cætera. *Hoc autem à semetipso*  
 „non dixit : sed cum esset Princeps  
 „Sacerdotum anni illius , propheta-  
 „vit. Per quod ostenditur Spiri-  
 „tum gratiarum non personam  
 „sequi, aut digni, aut indigni, sed  
 „ordinationem traditionis ; ut  
 „quamvis aliquis boni meriti sit,  
 „non tamen possit benedicere,  
 „nisi fuerit ordinatus, ut officiũ  
 „ministerii exhibeat : Dei autem  
 „est, effectum tribuere benedi-  
 „ctionis.

Ioann. I I.  
 51.  
 Donum be-  
 nedicendi  
 seu prophe-  
 tandi habet  
 ab Ordina-  
 tione.

Nam per Ordinationem da-  
 tur Spiritus sanctus , ac proinde  
 non frustra dicitur ab Episcopo:  
*Accipe Spiritum sanctum.* . Ut  
 pro-



probat S. August. Tom. 4. quæst.  
 ex Novo Testamento quæst. 93. *Ecclesiastica  
 ca potestas  
 traditur per  
 Spiritum.  
 sanctum*  
 „Illud autem, quod insufflâsse in  
 „discipulos Dominus legitur  
 „post dies paucos resurrectionis  
 „sux & dixisse : Accipite Spiritû  
 „sanctum, Ecclesiastica potestas  
 „collata intelligitur esse. Quia  
 „enim omnia in traditione Do-  
 „minica per Spiritum sanctum  
 „aguntur , idcirco. cùm regula  
 „eis & forma traditur hujus di-  
 „sciplinæ, dicitur eis : *Accipite  
 Spiritum sanctum.* Et quia verè  
 „ad ius Ecclesiasticum pertinet,  
 „statim subjecit dicens : *Cuius  
 tenueritis peccata, tenebuntur, &  
 cuius remiseritis, remittentur ei.* *Ioann. 20.  
 23.*  
 „Inspiratio igitur hæc gratia  
 „quædam est, quæ per traditio-  
 „nem infunditur ordinatis , per  
 „quam commendationes habe-  
 „antur. Unde Apostolus dicit ad  
 Timotheum. *Noli negligere gra-  
 tiam, quæ in te est , quæ data est* *1. Timoth.  
 4. 14.*  
 tibi, per impositionē manuum Pres-  
 by-

*Sicut in Baptismo Christi Spiritus sanctus fuit visibiliter datus, ita invisibiliter datur iam post Baptismum in Ordine.*

*byterii.* Semel ergò fieri oportuit ut de cætero traditio ista non sine dono Spiritus sancti esse crederetur. Sicut enim in Salvatore forma data est visibiliter, ut post Baptismum Spiritus sanctus credentibus de cætero invisibiliter dari non ambigeretur: ita & in supradictâ causâ forma data est in principio, ut ex eo traditioni Ecclesiasticæ Spiritus sanctus infusus credatur, &c.

*Officiū Episcopi & Sacerdotis est verbū Dei proferre & offerre oblationem.*

Episcoporum & Presbyterorum officium est, Verbum Dei proferre, & offerre oblationem. Sic enim habet August. Tom. 2. Epist. 148. ad Valerium: Tunc ordinatus sum, cum de ipso actionis tempore ad cognoscendas divinas Scripturas cogitarem, & sic nos disponere vellemus, ut nobis otium ad hoc negotium, posset esse. Et quòd verum est, nondum sciebam, quòd mihi deesset ad tale opus,

qua-

„quale me nunc torquet &  
„conterit. Quòd si propterea  
„in re ipsâ didici, quid sit ho-  
„mini necessarium, qui populo  
„ministrat Sacramentum & ver-  
„bum Dei, ut jam non mihi  
„liceat assequi, quod me nòn ha-  
„bere cognovi. Videant jam  
A catholici Præcones, quomodo  
verbum Dei proponere & Sa-  
cramentum administrare vale-  
ant, cùm à nullo Episcopo per  
traditionem Ecclesiasticam or-  
dinati sint. *Quomodo prædica-*  
*bunt, nisi mittantur?* ait Paulus. *Rom. 10.*  
Non sunt legitimè missi, seu vo-<sup>15.</sup>  
cati, ergò inanis est eorum præ-  
dicatio, & multò magis admini-  
stratio Sacramenti.

---

*ARTICVLVS XIX.*

*De Matrimonio.*

**T**Andem ad honorabile con-  
jugium, quo humani gene-  
ris successio conservatur, noster  
decurrit sermo fusiùs ex Angu-  
stino

stino ostendens & hoc Ecclesiæ  
 Sacramentis adnumerandum es-  
 se. Primus igitur ex eodem sit  
 locus Tom. 6. de bono conjuga-  
 li c. 7. ubi sic scribit: Sed quia  
 „continentia illa meriti amplio-  
 „ris est, reddere verò debitum  
 „conjugale nullius criminis est,  
 „exigere autem ultragenerandi  
 „necessitatem culpæ venialis ;  
 „fornicari verò vel mœchari,  
 „puniendi criminis : cavere de-  
 „bet charitas conjugalis, ne dum  
 „sibi quærit, unde ampliùs ho-  
 „noretur, conjugii faciat, unde  
 „damnetur. Qui enim dimittit  
 „uxorem suam exceptâ causâ  
 „fornicationis facit eam mœ-  
 „chari, usque adeò fœdus illud  
 „initum nuptiale, cujusdam Sa-  
 „cramenti res est, ut nec ipsâ  
 „separatione irritum fiat. Idem  
 confirmat ibidem, cap. 15. Se-  
 „mel initum connubiū in ci-  
 „vitate Dei nostri, ubi etiam ex  
 „primâ duorum hominum co-  
 pu-

*Continen-  
 tia amplio-  
 ris meriti  
 est, quàm  
 coniugium.*

*Matth. 5.  
 29.*

**Fidei Conf. & Defensor. 159**

„pulâ quoddam Sacramentum  
„nuptiæ gerunt, nullo modo po-  
„test dissolvi.

Idem tria bona agnoscit in Ma-  
trimonio, dū Tom. 3. de Gen. ad <sup>Tria bona</sup>  
litt. lib. 9. cap. 7. scribit: Bonū <sup>sunt in Sa-</sup>  
„in Matrimonio tripartitum est, <sup>cramento</sup> <sup>Matrimo-</sup>  
„fides, proles, Sacramentum: In <sup>nii.</sup>  
„fide attenditur, ne præter vin-  
„culum conjugale, cum alterâ  
„vel altero concumbatur. In  
„prole, ut amanter suscipiatur,  
„benignè nutriatur, religiosè e-  
„ducetur. In Sacramento autem,  
„ut conjugium non separetur &  
„dimissus aut dimissa nec causâ  
„prolis alteri jungatur.

Ideò autem Matrimonium se-  
cundùm Paulum Sacramentum  
magnum est, quia est signum  
coniunctionis Christi cum Ec-  
clesia, ut probat Augustinus,  
Tom. 4. lib. 65. quæstion. quæst.  
46 dicens: Quomodo intelli-  
„gendum est, quod dicit Adam:  
*Quamobrem relinquet homo Pa-* Gen. 2. 24.  
*tre* trem

*trem & Matrem, & adhærebit u-*

*Est magnū Sacramen-* xori suæ &c. Beatus Apostolus  
tum.  
,, Paulus hoc capitulum sibi po-

*Ephes. 5.* ,, nens exposuit dicens: *Sacra-*  
32. *mentum hoc magnum est, Ego au-*

*tem dico in Christo & in Ecclesia.*

,, Sed quomodo reliquit Patrem

,, consubstantiali sibi? Et post

,, pauca. Quomodo ergo dereli-

,, quit Patrem, ut adhæreret uxo-

,, ri suæ, id est, Ecclesiæ suæ: nisi

,, illo modo, quo Apostolus di-

*Philipp. 2.* ,, xit: *Qui cum in formâ Dei es-*  
6. *set, non rapinam arbitratus est, es-*

*se se aequalem Deo, sed semetipsum*

*exinanivit formam servi accipiens?*

,, Ipla ergo formæ servilis acce-

,, ptio, est exinanitio, & ipsa exi-

,, nanitio, quanquam non sit di-

,, vinitatis abolitio aut naturæ a-

*Quomodo* ,, missio, tamen propter formam

*Christus re-* ,, servi, in quâ dignoscitur appa-

*liquerit Pa-* ,, ruisse, jure dicit Apostolus, Pa-

*trem &* ,, trem reliquisse. Reliquit &

*matrem, &* ,, matrem, scilicet synagogam,

*adhæsit u-* ,, Veteri Testamento carnaliter

*xori suæ.* ,, in-

„inhærentem, & adhæsit uxori  
„sux, id est, Ecclesiæ suæ sanctæ.  
„ut pacc Novi Testamenti essent  
„duo in carne una.

Idem pluribus explicat Aug.  
Tom. 1. de Genesi contra Ma-  
nich. lib. 2. cap. 24. Dicit enim  
„Apostolus, Sacramentum ma-  
„gnum esse, quod dictum est,  
*propter hoc relinquet homo patrē Ephes. 5.*  
*& matrem, & adhærebit uxori* <sup>32.</sup>  
*sua, & erunt duo in carne unā.*  
„Quod ipse interpretatur subji-  
„ciendo: Ego autem dico in  
„Christo & in Ecclesia. Ergo *Quomodo*  
„quod per historiam impletum *Christus à*  
„est in Adam, per prophetiam *Patre exi-*  
„significat Christum, qui reliquit *verit.*  
„Patrem, cū dicit: *Ego à Pa-* <sup>Ioann. 16.</sup>  
*tre exivi & veni in hunc mundū.* <sup>28.</sup>  
„Sed non loco reliquit, quia  
„Deus loco non continetur; ne-  
„que aversione peccati, sicut a-  
„postatæ relinquunt Deum: sed  
„apparendo hominibus in ho-  
„mine, cū *Verbum caro factum* <sup>Ioan. 1.</sup>  
*est,*

162 *S. Aug. Romano-Catholica*  
*est, & habitavit in nobis. Quod*  
*„ipsum non commutationem*  
*„naturæ Dei significat, sed susce-*  
*„ptionem naturæ inferioris per-*  
*„sonæ, id est, humanæ. Ad hoc*  
*„valet etiam, quod dicitur: se-*

*Philipp. 2.*  
*1.*

*metipsum exinanivit, quia non*  
*„apparuit in ea dignitate homi-*  
*„nibus, in qua est apud Patrem,*  
*„blandiens eorum infirmitati,*  
*„qui cor mundum nondum ha-*  
*„bebant. Quid est ergò quòd di-*  
*„ximus, reliquit Patrem: nisi re-*  
*„liquit apparere hominibus, sic-*  
*„uti est apud Patrem? Item reli-*  
*„quit matrem, id est synagogæ*  
*„veterem atque carnalem obler-*  
*„vantiam, quæ illi mater erat ex*  
*„semine David secundum car-*  
*„nem, & adhæsit uxori suæ, id*  
*„est, Ecclesiæ, ut sint duo in car-*  
*„ne una.*

*Christus re-*  
*liquit Sy-*  
*nagogam*  
*tanquam*  
*matrem &*  
*adhæsit Ec-*  
*clesiæ velu-*  
*si uxori.*

Tom. 4. lib. 1. de Serm. Do-  
 mini in monte cap. 14. docet  
 conjugatos ex mutuo consensu  
 laudabiliter castè vivere & à co-  
 pu-



pulâ matrimoniali se continere. *Non dimittit coniugē,*  
 „Beatiora ait, sanè conjugia ju- *qui cum eâ non carna-*  
 „dicanda sunt, quæ sive filiis *liter sed*  
 „procreatis, sive etiam ista ter- *spirituali-*  
 „rena prole contemptâ, conti- *ter vivit.*  
 „nentiâ inter se pari consensu  
 „servare potuerunt, quòd neque  
 „contra illud præceptum fit, quo  
 „Dominus dimitti conjugem  
 „vetat. Non enim dimittit, qui  
 „cum eâ non carnaliter sed spi-  
 „ritualiter vivit, & illud serva-  
 „tur, quod per Apostolum dici-  
 „tur: *Reliquum est, ut qui habent* 1. Cor. 7.  
*uxores, quasi non habentes sint.*

Si separentur conjuges pro-  
 pter fornicationem, neutri licet,  
 etiam innocenti, quamdiu alter  
 vivit, alteri matrimonio copula-  
 ri, clarè hoc docet Aug. Tom.  
 6. de adult. Conjug. lib. 1. cap.  
 21. & 22. Mulier sub viro, vivo  
 „marito, juncta est legi, & viven- *1. Cor. 7.*  
 „te viro vocabitur adultera, si  
 „fuerit cum alio viro, quoniam  
 „mulier alligata est, quamdiu  
 vir

*Marc. 10.* „vir ejus vivit. Unde si uxor di-  
 „miserit virum suum, & alii nu-  
 „pserit, mœchatur, & qui dimis-  
 „sam à viro duxerit, mœchatur.  
 „Ideoque ex eodē præcepto Do-  
 „mini & vir uxorem non dimit-  
*Matth. 5.* „tat, quoniam qui dimiserit uxo-  
*11.* rem suam præter causam fornica-  
 tionis facit eam mœchari, sed si  
*Vir dimissa* „propter hanc causam dimiserit,  
*uxore pro-* „etiam sic ipse maneat. Om-  
*pter forni-* „nis enim qui dimittit uxorem  
*cationem* „suam & ducit alteram, mœcha-  
*non debet* „tur. Hæc constituta Domini  
*aliam du-* „sine ulla retractatione servan-  
*cere.* „da sunt.

Sed consulamus Apostolum,  
 „ne quid temerè dicamus iis,  
*1. Cor 7.* „qui sunt in conjugio, præcipio  
*10.* inquit, non ego, sed Dominus:  
 Uxorem à viro non discedere,  
 quòd si discesserit, manere innu-  
 ptam, aut viro suo reconciliari.  
 „Potest enim fieri, ut discat  
*Par est viri* „câ causâ, quâ Dominus permi-  
*et uxoris* „sit. Aut si fœminæ licet virū  
*ratio in di-* di-

„dimittere, etiam præter causam <sup>vortio faci-</sup>  
 „fornicationis, & non licet viro, <sup>endo atque</sup>  
 „quid respondebimus de hoc, <sup>in obliga-</sup>  
 „quòd dixit posterius, & vir u- <sup>tione novu</sup>  
 „xorem non dimittat? Quare <sup>um non cō-</sup>  
 „non addidit excepta causa for- <sup>trahendi.</sup>  
 „nicationis, quòd Dominus per-  
 „mittit? nisi quia similem for-  
 „mam vult intelligi, ut si dimi-  
 „serit, quòd causa fornicationis  
 „permittitur, maneat sine uxo-  
 „re, aut reconcilietur uxori.  
 „Non enim malè reconciliare-  
 „tur vir illi mulieri, quam cum  
 „lapidare nemo ausus esset, di-  
 „cit ei Dominus: *Vade & vide* <sup>Ioan. 8. 11.</sup>  
*deinceps ne pecces.* Tom. 4. de  
 Serm. Dom. in monte lib. 1.  
 cap. 26.

Verùm quia scio aliquos Aca-  
 tholicos propter textum illum,  
 excepta fornicatione, ait enim  
 exprelsè Dominus: *Omnis qui di-*  
*miserit uxorem suam exceptà for-* <sup>Matib. 5.</sup>  
*nicationis causa, facit eam mœcha-* 32.  
*ri,* malè & ignoranter permitte-

re

166 *S. Aug. Romano-Catholica*  
 re viro aliam ducere, sic consul-  
 tum duxi explicationem huius  
 loci adducere ex S. Augustin.  
 Tom. 6. de adulter. conjug. lib.  
 1. cap. 8. & 9. ubi pluribus sic  
 loquitur: Illud ergò, quod Do-

*Matth.* 5. „ne ipso, qui exponebatur à no-  
 „bis, sed tamen alibi ait: *Qui-*  
*cunque dimiserit uxorem suam,*  
*nisi ex causâ fornicationis & aliâ*  
*duxerit, mœchatur.* Si hoc modo

*Interposuit* „intelligendum est, ut quicunq;  
*Dominus in* „causâ fornicationis dimiserit  
*dimissione* „& aliam duxerit, non mœche-  
*uxoris, cau-* „tur, non videtur in hac causâ  
*sam forni-* „par forma esse mariti & uxoris:  
*cationis, ut* „quandoquidem mulier etiam si  
*prohibito* „causa fornicationis discesserit à  
*leviori ad-* „viro & alii nupserit, mœchatur:  
*alterio, eius* „vir autem si eâdem causâ uxo-  
*scilicet, qui* „rem dimiserit & aliam duxerit,  
*adulteram* „non mœchatur. At si par for-  
*dimittit, &* „ma est in utroque, uterq; mœ-  
*alterâ du-* „chatur, si se alteri junxerit; eti-  
*cit, intelli-* „am cùm à se fornicante disjun-  
*gatur pro-*  
*hiberi, quod*  
*gravius est,*

xc-

„xerit: Parem verò esse formam <sup>scilicet illu-</sup>  
 „in hac causa viri atque mulie- <sup>us, qui non</sup>  
 „ris , ibi ostendit Apostolus, <sup>propter ad-</sup>  
 „quod sæpè commemorandum <sup>ulteriù, sed</sup>  
 „est. ubi cùm dixisset : *Vxor sam dimis-*  
 „*non habet potestatem corporis sui,* <sup>tit, & aliã</sup>  
 „*sed vir.* Adjecit, atque ait : *Simi-* <sup>ducit.</sup>  
 „*liter & vir non habet potestatem* <sup>1. Cor. 4. 7.</sup>  
 „*corporis sui, sed mulier.* Cur ergò,  
 „inquis, interpoluit Dominus &  
 „causam fornicationis , & non  
 „potius generaliter ait : Qui-  
 „cunque dimiserit uxorem suam  
 „& aliam duxerit, mœchatur , si  
 „& ille mœchatus est, qui dimis-  
 „sa fornicante muliere alteram <sup>Matth. 5.</sup>  
 „ducit? Credo, quia illud , quod  
 „maius est, hoc Dominus com-  
 „memorare voluit. Majus enim  
 „adulterium esse, quis negat, u-  
 „xore non fornicante dimissâ,  
 „alteram ducere , quàm si forni-  
 „cantem quis dimiserit , & tunc  
 „alteram duxerit: non quia & il-  
 „lud adulterium non est , sed  
 „quia minus est, ubi fornicante  
 di-

„dimissa altera ducitur? Nam si-  
 „mili locutione usus etiam Apo-  
 „stolus Jacobus ait: *Scienti ergò*  
*bonum facere & non facienti, pec-*  
*catum est illi.* Nunquid ideò non  
 „peccatum est illi, qui nescit bo-  
 „num facere, & ideo non facit?  
 „utique peccatum est, sed hoc  
 „gravius, si etiam sciat & non  
 „faciat, nec illud ideò nullum,  
 „quia minus. Ut ergo eodem  
 „modo utrumque dicamus, sicut  
 „quicumque dimiserit uxorem,  
 „excepta causa fornicationis &  
 „aliam duxerit, mœchatur: ita  
 „quicumque scit bonum facere,  
 „& non facit, peccat. Sed quem-  
 „admodum hîc rectè dici non  
 „potest: ergò si nescit non pec-  
 „cat: Sunt enim peccata igno-  
 „rantium, quamvis minora, quâ  
 „scientium: ita nec illic rectè di-  
 „ci potest, ergò si causa fornica-  
 „tionis dimiserit, & aliam duxe-  
 „rit, non mœchatur. Est enim  
 „mœchatio etiam eorum, qui  
 alias

*Maiores est*  
*mœchus*  
*qui dimit-*  
*tit uxorem,*

„alias ducunt , relictis propter <sup>non propter</sup>  
 „fornicationem prioribus : sed <sup>fornicationē</sup>  
 „utique minor quàm eorum, <sup>& aliam</sup>  
 „qui non propter fornicationē <sup>ducit,</sup>  
 „dimittunt & alteras ducunt. <sup>quàm qui</sup>  
 „Potest quippe, sicut dictum est <sup>propter</sup>  
 „scienti bonum facere & non <sup>fornicationē</sup>  
 „facienti, peccatum est illi, eo-  
 „dem modo & illud dici, dimit-  
 „tenti uxorem sine causâ forni-  
 „cationis & aliam ducenti, mœ-  
 „chatio est illi. Quemadmodum  
 „ergò si dixerimus : quicumque  
 „mulierem à marito præter cau-  
 „sam fornicationis dimissam du-  
 „xerit, mœchatur, procul dubio  
 „verum dicimus : nec tamen id-  
 „eò illum, qui propter causam  
 „fornicationis dimissam duxe-  
 „rit, ab hoc crimine absolvimus,  
 „sed utrosque mœchos esse mi-  
 „nimè dubitamus : ita eum qui  
 „præter causam fornicationis u-  
 „xorem dimiserit, & aliam du-  
 „xerit, mœchum pronuntiamus,  
 „nec ideo tamen eum, qui pro-  
 H pter

*Mœchus e-  
biam est,  
qui ob for-  
nicationem  
dimissam  
ducit.*

„pter causam fornicationis dimi-  
„serit & alteram duxerit ab hu-  
„jus labe peccati defendimus.  
„Ambos enim, licet alterum al-  
„tero gravius, mœchos tamen  
„esse cognoscimus. Neq; enim  
„quisquam ita est absurdus, ut  
„mœchum neget esse, qui duxe-  
„rit eam, quam maritus propter  
„causam fornicationis abjecit,  
„cùm mœchum dicat eum qui  
„duxerit eam, quæ præter causã  
„fornicationis abjecta est. Sic  
„ergò ambo isti sunt mœchi. Un-  
„dè cùm dicimus: quicunque  
„mulierem præter causam for-  
„nicationis, à viro dimissam du-  
„xerit, mœchatur: de uno qui-  
„dem ipsorum dicimus, nec ta-  
„men ideo mœchari negamus,  
„qui eam duxerit, quam propter  
„causam fornicationis maritus  
„dimiserit. Ita cùm ambo sint  
„mœchi & ille scilicet, qui dimi-  
„serit uxorem suam præter cau-  
„sam fornicationis & aliam du-  
„xerit,



„xerit, & ille, qui propter causam  
 „fornicationis uxore dimissâ se  
 „alteri copulaverit: profectô  
 „quando de uno eorum legi-  
 „mus, non ita intelligere debe-  
 „mus, quasi ex hoc alter mœchus  
 „negatus sit, quòd alter expres-  
 „sus sit. Sed si hoc Evangelista *Matth. 5.*  
 „Matthæus, qui expressâ unâ *& 9.*  
 „specie alteram tacuit, facit in *Alii Evan-*  
 „telligendum difficile, nunquid *gelista hoc*  
 „non alii generaliter id ipsum *clarius af-*  
 „ita complexi sunt, ut de utroq; *firmant.*  
 „possit intelligi: nam secundum *Marc. 10.*  
 „Marcum sic scriptum est. *Qui-*  
 „cunque dimiserit uxorem suam *&*  
 „aliâ duxerit, adulterium com-  
 „mittit super eam: *&* si uxor dimi-  
 „serit virum suum *&* alit nupserit,  
 „mœchatur. Secundum Lucâ sic: *Luc. 16.*  
 „Omnis qui dimittit uxorem suam, *19.*  
 „*&* alteram ducit, mœchatur: *&*  
 „qui dimissâ à viro ducit, mœcha-  
 „tur. Qui ergò nos sumus, ut di-  
 „camus. Est qui mœchatur, u-  
 „xore suâ dimissâ, alteram du-

„cens : & est, qui hoc faciens non  
 „mœchatur , cùm Evangelium  
 „dicat, omnem mœchari , qui  
 „hoc facit ? proinde si quicunq;  
 „hoc fecerit, ut uxore suâ dimissâ  
 „alteram ducat, mœchatur : sine  
 „dubio ibi sunt ambo , & qui  
 „præter & qui propter causam  
 „fornicationis dimittit uxorem.  
 „Hoc est enim, quicumque dimi-  
 „serit : hoc est omnis , qui dimit-  
 „tit. Ex his satis Acatholicis  
 innotescere reor, quanto scelere  
 sese polluant , dum fornicatio-  
 nis causâ dimissâ uxore contra  
 expressam sacrosancti Evangelii,  
 & S. Augustini doctrinam aliam  
 sibi nefariè sociant. Et si horum  
 sex Articulorum doctrinam Au-  
 gustinianâ mente recolegerint,  
 agnoscent secundum ipsius men-  
 tem esse septem Ecclesiæ Sacra-  
 menta, quare calamus prope-  
 rat ad alia.

\* \*  
 \*

AR-

## ARTICVLVS XX.

## De Cœlibatu, &amp; statu Religioſo.

**D**Um inaudis lector nomen Cœlibatus, non quid terrenum ſed cœleſte omineris velim, ſpectatâ enim etymologia neminem cœlibem dixeris, niſi eum qui cœleſtem agit vitam, qui relictâ carnis ac prolium in carne curâ cum Angelis conuerſatur in cœlis ſine carne. De cujus laudabili ſtatu Tom. 6. de Virgin. Sanct. cap. 12. ſic ſcriptum ab Auguſtino habes, Habeant conjugia bonum ſuum, non quia filios procreant, ſed quia honeſtè, quia licitè, quia pudicè, quia ſocialiter procreant, & procreatos pariter, ſalubriter, inſtanter educant, quia thori fidem invicem ſervant, quia Sacramentum connubii non violant. Hæc tamen omnia humani officii ſunt munera.

*Coniugium  
humani of-  
ficii munus  
eſt. Virgi-  
nalis verò  
integritas.  
Angelica  
portio.*

174 *S. Aug. Romano-Catholica*  
 „ra; virginalis autem integritas  
 „& per piam continentiam ab  
 „omni concubitu immunitas,  
 „Angelica portio est, & in carne  
 „corruptibili incorruptionis per-  
 „petuæ meditatio. Cedat huic  
 „omnis fœcunditas carnis, om-  
 „nis pudicitia conjugalis. Et  
 „post pauca : profectò habebunt  
 „magnum aliquid præter cæte-  
 „teros in illâ communi immor-  
 „talitate, qui habent aliquid jam  
 „non carnis in carne.

Tom. 5. de Civit. Dei lib. 15.  
 cap. 26. ait : Possunt etiam (in

*Gen. 6.*

eo, quòd Arca Noe alibi tricame-  
 rata fuisse scribitur ) tres illæ u-

*Matth. 13.*

bertates Evangelicæ intelli-  
 „tricena, sexagena, centena. Ut

„in infimo habitet pudicitia  
 „conjugalis, suprâ vidualis, atque

*Statm Vir-*

„hâc superior virginalis : & si  
 „quid melius secundùm fidem

*ginitatis*

„civitatis hujus intelli- & dici  
 „potest.

*superat ali-*

*es.*

Tom. 6. de Sancta Virginitate  
 cap.

cap. 23. ita commentatur: *Di-* Mat. 19.  
*xxerunt ei Discipuli: Si talis est* <sup>10.</sup>  
*causa cum uxore, non expedit nu-*  
*bere. Quibus ille: Non omnes, in-* Qui se pro-  
*quit, capiunt verbum hoc: sunt* pter regnū  
*enim spadones, qui ita nati sunt: verunt, ali-* Dei castra-  
*sunt autem alii, qui ab hominibus quid ampli-*  
*facti sunt, & sunt spadones, qui se* us, quam  
*ipso castra verunt propter regnum* ceteri in  
*cælorum: qui potest capere, capiat.* regno cælo-  
*Quid veraciùs, quid lucidius di-* rum habe-  
*ci potest? Christus dicit, Veri-*  
*tas dicit, Virtus & Sapientia*  
*Dei dicit, eos, qui pio propo-*  
*to ab uxore ducenda se conti-*  
*nuerint, castrare se ipsos pro-*  
*pter regnum cælorum: econ-*  
*trà humana vanitas impia te-*  
*meritate contendit, eos qui hoc*  
*faciunt, præsentem tantummo-*  
*do necessitatem molestiarum*  
*conjugalium devitare: in re-*  
*gno cælorum amplius quic-*  
*quam cæteris non habere. E-*  
*gregiè hic reprehensos vides car-*  
*nales Acatholicorum Prædican-*

176 *S. Aug. Romano-Catholice*  
 tes, qui omni virginitate & ca-  
 stimonia à se ipsis proscrip-  
 tes ad olida carnis suæ vestigia  
 legenda, carnalesque nuptias in-  
 eundas pertrahere conantur,  
 contra expressam S. Augustini  
 doctrinam & mentem has vir-  
 ginitati præferentes: nam Tom.  
 4. de bono viduitatis cap. 15. sic  
 habet. Continentiam coniugio  
 „præponimus, sanctam verò  
 „virginitatem etiam continen-  
 „tiæ viduali. Et in hoc Luthera-  
 ni nostri obsequentes se profi-  
 tentur Joviniani hæretici disci-  
 pulos ac sectatores, de quo scri-  
 bentem Augustinum Tom. 6. de  
 hæresi 82. subnecto, sic enim ef-  
 fatur: Virginitatem etiam San-  
 „ctimonialium & continentiam  
 „sexus virilis, in Sanctis eligen-  
 „tibus cœlibem vitam, conju-  
 „giorum castorum atque fide-  
 „lium meritis (Jovinianus) adæ-  
 „quabat. Ita ut quædam Virgi-  
 „nes sacræ provectæ jam ætatis

in

*Lutherani  
 conveniunt  
 cum Jovi-  
 niano.*

„in urbe Roma, ubi hæc doce-  
„bat, eo audito, nupsisse dicantur.  
„Non sanè ipse vel habebat,  
„vel habere volebat uxorem,  
„quòd non propter aliquod a-  
„pud Deum maius meritum in  
„regno vitæ perpetuæ profutu-  
„rum, sed propter præsentem  
„necessitatem, ne homo conju-  
„gales patiatur molestias, dispu-  
„tabat. Citò tamen ista hæresis  
„oppressa & extincta est, nec ul-  
„que ad deceptionem aliquorū  
„Sacerdotum potuit pervenire.  
Multum in hoc vicit Lutherus  
Jovinianum, & utinam illius tam  
citò quàm huius hæresis extin-  
cta fuisset, tunc non tot Sacerdo-  
tes & sacras virgines è subli-  
miori statu ad nuptias & secum  
ad æternam damnationem tra-  
xisset.

*Vicit Lu-  
therus Jo-  
vinianum.*

Similia habet August. Tom.  
1. lib. 2. Retract. c. 22. Joviniana  
hæresis sacrarum virginum  
meritum æquando pudicitie

H s

con-

# 178 S. Aug Romano Catholica

*Asutia  
hereticorū.*

„conjugali, tantum valuit in ur-  
 „be Româ , ut nonnullas etiam  
 „sanctimoniales, de quarum pu-  
 „dicitia suspicio nulla præcesse-  
 „rat, dejecisse in nuptias dicere-  
 „tur , hoc maximè argumento,  
 „cùm eas urgeret , dicens: Tu  
 „ergò melior quàm Sara , meli-  
 „or quàm Susanna, sive Anna? &  
 „cæteras commemorando testi-  
 „monio sacræ Scripturæ com-  
 „mendatissimas fœminas, quibus  
 „se illæ meliores vel etiam pa-  
 „res cogitare non possent. Hoc  
 „modo etiam virorum Sancto-  
 „rum cœlibatum commemora-  
 „tione Patrum coniugatorum  
 „& prædicatione frangebatur. Huic  
 „monstro sancta Ecclesia, quæ  
 „ibi est, fidelissimè ac fortissimè  
 „restitit. Ecce quàm egregius sit  
 S. August. propugnator conti-  
 nentiæ & virginitatis contra  
 hæreticos , qui constantissimè  
 docet , rectè continentiam Deo  
 voveri ac promitti , factumque

VO-



votum fidelissimè servandum esse hinc Tom. 2. epist. 45. ad Armentarium dicit: Jam vovisti, jam te obstrinxisti, aliud tibi facere non licet. Priusquam esses voti reus, liberum fuit, quo esses inferior, quamvis non sit gratulanda libertas, qua sit, ut non debeatur, quod cum lucro redditur. Nunc verò quia tenetur apud Deum sponsio tua, non te ad magnam justitiam invito, sed à magna iniquitate deterreo. Non enim talis eris, si non feceris, quod vovisti, *Sap. 8.*  
 qualis mansisses, si nihil tale vovisses. Minor enim tunc esses, *Maritus post votum castitatis*  
 non peior. Modò autem tantò (quod absit) miserior, si fidem *(habebat e-*  
 Deo fregeris: quantò beatior, *nim hic Ar-*  
 si persolveris. Nec ideo te vovisse pœniteat, imò gaude jam *menta-*  
 tibi sic non licere, quod cum *rium uxore)*  
 tuo detrimento licuisset. Ag- *cum uxore*  
 gredere itaque intrepidus & *concupiens*  
 dicta imple factis: Ipse adjuva- *Deo frangit*  
 bit, *& fidem, ac*  
 tur. *peior effici-*

„bit, qui vota tua expetit. Felix  
 „est necessitas, quæ in meliora  
 „compellit. Quid ad hæc aliquã-  
 do . respondere poterit iustissi-  
 mo Iudici sacrilegus Lutherus  
 cum suis similibus apostatis? ni-  
 si sibi in falsitate præeuntem se-  
 qui velit Erasmus, qui contra  
 manifestissimum Possidonii in-  
 diculum non Augustino, sed Pau-  
 lino hanc Epistolam tribuendâ  
 asserit. Verùm plura alia ex Scri-

*Qui semel* ptura desumpta obligationemq;  
*vovit, non* voti contestantia in Augustino  
*potest nubi-* supersunt loca.  
*re.*

Nam Tom. 6. de adult. con-  
 jug. lib. 1. cap. 15. Illis (ait) quæ  
 „se non continent, expedit nu-  
 „bere, & quod licet, expedit.  
 „Quæ autem voverint continen-  
 „tiam, nec licet, nec expedit.  
 „Quapropter, concludit August.  
 Tom. 4. de bono viduit. cap. 11.

*Post votum* „non possum quidem dicere à  
*castitatis* „proposito meliore lapsas, si nu-  
*nubentium,* „pserint fœminas, adulteria esse,  
*et verū su*

non

„non conjugia : sed planè non <sup>matrimonium</sup>  
 „dubitaverim dicere : lapsus & <sup>(si simplex fuerit votum)</sup> pec-  
 „ruinas à castitate sanctiore, <sup>catum ta-</sup>  
 „quæ vovetur Deo, adulteriis el-  
 „se peiores. Si enim, quod nullo <sup>men gravi-</sup>  
 „modo dubitandum est, ad of- <sup>us est, quâ</sup>  
 „fensionem Christi pertinet, <sup>adulterorum.</sup>  
 „cùm membrum ejus fidem non  
 „servat marito , quantò graviùs  
 „offenditur , cùm illi ipsi non  
 „servatur fides in eo, quod exi-  
 „git oblatum, qui non exegerat  
 „offerendum? Cùm enim quis-  
 „que non reddit, quod non im-  
 „perio compulsus, sed consilio  
 „cõmonitus vovit : tantò ma-  
 „gis fraudati voti auget iniqui-  
 „tatem , quantò minus habuit  
 „vovendi necessitatem. Ergo o-  
 „mnes apostatæ & votifragi sunt  
 adulteris longè peiores.

Hinc Doctor Africanus Tom.  
 3. in Psal. 75. docet ex Apostolo  
 tales æternam damnationem in-  
 cursuros, dum inquit : Nescio, <sup>Nuptiæ nō</sup>  
 „quæ Castimonialis nubere vo- <sup>sunt dam-</sup>  
 „luita

„lucit? Quod & virgo quælibet.

Quid voluit? Quod & mater ip-

1. *Tim.* 5.

„sius. Aliquid mali voluit? mali

„planè. Quare? quia jam vove-

„rat Dño Deo suo. Quid enim di-

„xit de talibus Apostolus Pau-

„lus, cùm dicat viduas adolescen-

1. *Cor.* 7.

„tulas nubere, si velint? sed ta-

„men ait, quodã loco: *Beatior au-*

*tẽ erit, si sic permanserit secundũ*

*meũ consilium.* Ostendit beatiorẽ,

„si sic permanserit, non tamen

„damnandam, si nubere volue-

„rit. Quid autem ait de quibus-

„dam, quæ voverunt & non red-

„diderunt? *Habentes, inquit, da-*

1. *Tim.* 5.

*mnationem, quia primam fidem ir-*

12.

*Post votum ritam fecerunt.* Quid est, primam

*sunt dam-* „fidem irritam fecerunt? vove-

*nanda.* „runt, & non reddiderunt. En

Lutherani, testantibus Paulo &

Augustino, doctrinæ vestræ du-

cem habetis habentem damna-

tionem, utpote qui unã cum plu-

rimã carnalium asseclarum tur-

bã primam fidem irritando, æ-

ternæ damnationi sese reddidit

obnoxium. Sed aliquid etiam de statu Religioso dicendum est.

Tom. 8. in Psal. 132. sic loquitur August. Veruntamen Dilectissimi, si consideremus de illo pariete circumcisionis, prius nata est ista benedictio. Nūc enim omnes Judæi perierunt? Et unde Apostoli, filii Prophetarum, filii excussorum? sicut jam scientibus loquimur: unde illi quingenti, qui Dominum post resurrectionem viderunt, quod commemorat Apostolus Paulus? unde illi centum & viginti, qui simul erant in uno loco post resurrectionem Domini, & Ascensionem in cælum, quibus in uno loco constitutis, supervenit Spiritus sanctus die Pentecostes missus de cælo, sic missus, sicut promissus? omnes inde erant, & ipsi primò habitaverunt in unum, qui omnia, quæ habebant, vendiderunt, rerumque suarum precia

*Canticum  
illud quàm  
bonū & in-  
cundū &c.  
monasteria  
implevit.*

*1. Cor. 15,  
6.*

*Actor. 1.*

ad

AB. 2.

„ad pedes Apostolorum posue-  
 „runt, sicut in Actibus Aposto-  
 „lorum legitur: *Et distribueba-*  
*tur unicuique, sicut cuique opus e-*  
*rat, & nemo dicebat aliquid pro-*  
*prium, sed erant illis omnia com-*

AB. 4. 45.

*munia. Et quid est in unum? Es-*  
*erat illis, inquit, anima una & cor*  
*unum in Deum. Ergo ipsi prius*  
*„audierunt: Ecce quàm bonum &*

Ps. 132. 1.

*quàm jucundum, habitare fratres*  
*in unum. Primi audierunt, sed*

*Monasticū*  
*institutum*

*& Prophetis*

*& Apostolis*

*ducit origi-*

*nem.*

„non soli audierunt. Non enim  
 „usque ad illos ista dilectio &  
 „unitas fratrum venit. Venit  
 „enim & ad posteros ista chari-

Ps. 75.

„tatis exultatio & votum Deo.  
 „Voveretur enim aliquid Deo, &  
 „dictum est: *Vovete & reddite*  
*Domino Deo vestro. Melius est*  
*„autem non vovere & reddere,*  
*„quàm vovere & non reddere,*  
*„sed debet esse impiger animus,*  
*„ut & voveat & reddat, ne cùm*  
*„se minùs idoneum putat ad*  
*„reddendum, piger sit ad voven-*  
*dum.*

„dum. Planè nunquam reddet,  
„si de suo putaverit redditurum.  
„Ex voce hujus Psalmi appella-  
„ti sunt & Monachi, ne quis vo-  
„bis de isto nomine insultet Ca-  
„tholicis. Audiant hoc Acatho-  
„lici & impoſterum ſtatui mona-  
„ſtico insultare deſiſtant, ſed tan-  
„quam antiquiſſimum & à filiis  
„Prophetarum ac ab Apoſtoliſ  
„profluentem venerentur, ne ſint  
„ſimiles Donatiſtis & Circumcel-  
„lionibus hæreticis, qui tempore  
„S. Auguſtini, ut ibidem Sanctus  
„ſcribit, insultare Monachis ſole-  
„bant, quorum diebus S. Augu-  
„ſtini maximus erat numerus. Imò  
„ipſe S. Auguſtinus erat Mo-  
„nachus & etiam inſtitutor Mo-  
„nachorum, quòd probatur ex  
„Tom. 2. epiſt. 89. ad Hilarium  
„ſub finem quæſt. 4. ubi ſic ha-  
„bet: Ego qui hæc ſcribo, perfe-  
„ctionem, de quâ Dominus lo-  
„cutus eſt, quando ait diviti ad-  
„leſcenti: *Vade & vende omnia,* 21.

*quæ*

186 *S. Aug. Romano-Catholice*  
*qua habes & da pauperibus & ha-*  
*bebis thesaurum in cælo, & veni*

*S. Aug. fuit* sequere me: vehementer adama-  
*instituti* „vi, & non meis viribus, sed gra-  
*monastici.* „tiâ ipsius adjuvante sic feci. Ne-  
„que enim, quia dives non fui,  
„idedò minns mihi imputabitur.  
„Nam neque ipsi Apostoli, qui  
„prios hoc fecerunt, divites  
„fuerunt. Sed totum mundum  
„dimittit, qui & illud, quod ha-  
„bet, & quod optat habere, di-  
„mittit. Quantum autem in hac  
„perfectionis viâ profecerim,  
„magis quidem novi ego, quàm  
„quisquam alius homo, sed ma-  
*Plures alios* „gis Deus quàm ego. Et ad hoc  
*ad hoc in-* „propositum quantis possum vi-  
*vitavit.* „ribus alios exhortor, & in no-  
„mine Domini habeo confor-  
„tes, quibus hoc per meum mi-  
„nisterium persuasum est: sic ta-  
„men ut præcipuè sana doctrina  
„teneatur, nec eos, qui ista non  
„faciunt, vanâ contumaciâ judi-  
„cemus.

Tom.



Tom. 6. contra litt. Petil. lib.

3. cap. 40. sic scribit : Deinceps

„perrexit ore maledico (Petilianus) in vituperationem monasteriorum, & Monachorum, arguens etiam me, quòd hoc

*Imò fuit institutor Monachorum.*

„genus vitæ à me fuerit institutum : quod genus vitæ omninò quale sit, nescit, vel potius toto orbe notissimum, nescire se fingit.

Et ulterius docet Doctor Ecclesiæ Tom. 8. Psal. 83. Monachos apostatas, qualis erat Lutherus, & multi alii, in aperto salutis æternæ discrimine versari, ita enim habet : Reprobati „sunt in populo Israël, qui festinaverunt assidue : affectus iste festinantium in Scripturâ „reprehenditur. Qui sunt enim „qui festinant? Qui conversi ad „Deum, cum hic non invenerint „requiem, quam quærebant, & „gaudia, quæ promittebantur, „tanquam in itinere deficientes, & lon-

„& longum sibi quiddam do-  
 „nec hoc seculum, vel hæc vita  
 „finiatur, præstare arbitantes,  
 „& quærentes hîc aliquam re-  
 „quiem, quæ si habetur falsa est,  
 „respiciunt retrò, & decidunt à  
 „proposito, nec attendunt, cum  
 „quanto terrore dictum est :  
*Mementote uxoris Loth.* Ut quid  
 „enim in statum salis versa est,  
 „si non homines condit, ut sa-  
 „pian? Ergò exemplum illius  
 „malum, tibi sit bonum si cave-

*Gen. 19.* „ris: *Mementote*, inquit, uxoris  
*Vtinam a-* „Loth. Respexit enim retrò, un-  
*postata in-* „de liberata erat à Sodomis, &  
*star uxoris* „ibi remansit, unde respexit: ipsa  
*Loth in* „in loco mansura, & transeuntes  
*statuâ salis* „in loco mansura, & transeuntes  
*converse* „alios conditura. Liberati ergò  
*suâ infelici-* „à Sodomis præteritæ vitæ, non  
*tate condi-* „respiciamus retrò. Nam hoc  
*rent alios.* „festinare est, non attendere  
 „quod promissit Deus, quia lon-  
 „gè est: & respicere ad id quod  
 „proximum est, unde jam libera-  
 „tus es. De talibus, quid dicit A-

postolus Petrus? Contigit illis <sup>2. Pet 2.</sup>  
res veri Proverbiū : Canis re- <sup>22.</sup>  
reversus ad suum vomitū. Pre- <sup>Prov. 26.</sup>  
mebat enim pectus concien-  
tia peccatorum. Accepta indul-  
gentia, quasi vomuisses, & reve-  
latum est peccatum tuum, fa-  
cta est bona conscientia. Quid  
rursus converteris ad vomitū  
tuum? si canis hoc faciens hor-  
ret oculis tuis, tu quid eris o-  
culis Dei? Quales amice Le-  
ctor coram oculis Dei Lutherū  
omnesq; reliquos apostatas fo-  
re æstimas, qui veluti canes ad  
carnis rediēre vomitum? quis  
tantam non admiretur excaca-  
tionem, tantamque hos canes  
sequentium cateruam sanguine-  
is deplorat lacrymis? Verū  
dum miserorum deploramus sor-  
tem Augustinum ibidem lucu-  
lentiū suam mentem explanan-  
tem audiamus. Sic enim, inquit :  
Unusquisque autem fratres  
Charissimi de loco itineris sui  
ad

„ad quem proficiscendo perve-  
 „venit, & quem vovit Deo, inde  
 „respicit retrò, cùm ipsum dimi-  
 „serit. Verbi gratia, statuit casti-  
 „tatem conjugalem servare ( in-  
 „de enim incipit justitia ) reces-  
 „sit à fornicationibus & ab illâ  
 „illicitâ immunditia, quando se  
 „ad fornicationes iterum con-  
 „verterit, retrò respexit. Alius  
 „ex munere Dei maius aliquid  
 „vovit, statuit nec nuptias pati,  
 „qui non damnaretur, si duxis-  
 „set uxorem; post votum autem,  
 „quod Deo promisit, si duxerit,  
 „damnabitur: cùm hoc faciat,  
 „quod ille, qui non promiserat;  
 „tamen ille non damnatur, iste  
 „damnatur. Quare, nisi quia iste  
 „respexit retrò? jam enim ille  
 „ante erat: iste autem illuc non-  
 „dum pervenerat. Sic virgo,  
 „quæ si nuberet, non peccaret:  
 „sanctimonialis si nupserit, Chri-  
 „sti adultera reputabitur. Respe-  
 „xit enim retrò de loco, quò ac-  
 „cesse-

*Respicit  
 retrò, qui-  
 cunque ab  
 eo deficit  
 quod Deo  
 vovit.*

1. Cor. 7.

„cesserat. Sic quibus placet reli-  
„cta omni spe seculari & omni  
„actione terrena conferre se in  
„societatem Sanctorum, & com-  
„munem illam vitam, ubi non  
„dicit aliquis proprium aliquid,  
„sed sunt illis omnia communia, *Act. 2.*  
„& est illis anima una & cor u-  
„num in Deum: quisquis inde *Act. 4.*  
„recedere voluerit, non talis  
„habetur, qualis ille, qui non in-  
„travit. Ille enim nondum ac-  
„cessit, iste retrò respexit. Qua-  
„propter charissimi, quomodo  
„quisquis potest, vovete & red-  
„dite Domino Deo vestro, quod *Psal. 117.*  
„quisque potuerit, nemo retrò  
„respiciat, nemo pristinis suis de-  
„lectetur, nemo avertatur ab eo,  
„quod antè est, ad id, quod  
„retrò est. Sed de hoc  
satis.



*ARTICVLVS XXI.**De Jejunio, & ciborum  
delectu.*

**U**T servus delicatè nimis nutritus tandem protervire consuevit contra Dominum, ita corpus delicatè semper pastum è rationis solio deturbat animum, cui malo obviat sollicita Mater Ecclesia jejunio ac ciborū delectu, de quo S. Aug. Tom. 8. in Ps.

*Dies Quadragesima  
mœrorem  
huius vitæ,  
dies verò  
post Pascha  
gaudium significat.*

110. ita scribit: Sicut dies isti, præteritis diebus Quadragesimæ, quibus ante Resurrectionem Domini Corporis, vitæ huius significatur mœror, solemniter grata hilaritate succedunt: sic dies ille, qui post Resurrectionem dabitur plenario corpori Domini, hoc est, Ecclesiæ Sanctæ, cunctis vitæ huius ærumnis atque doloribus exclusis, perpetua beatitudine succedet. Hæc autem vita de nobis exigit continentiam, ut etiam cum

**labo,**

„labore & luctamine ingemi-  
„scentes gravari, & habitaculum  
„nostrum, quod de cœlo est, su-  
„perindui cupientes, à seculari-  
„bus delectationibus tempere-  
„mus, & significatur quadrage-  
„nario numero, quo & Moyſes  
„& Helias & ipse Dominus je-  
„junaverunt. Præcipitur enim  
„nobis & ex Lege & ex Prophe-  
„tis & ex ipso Evangelio, quod  
„testimonium habet à Lege & *Mat. 17.*  
„Prophetis. Unde etiam in mon-  
„te & inter utramque personam  
„medius Salvator effulſit, ut ab  
„omnibus mundi illecebris,  
„quibus captivi homines obli-  
„viscentur Deum, aviditatem  
„nostram tanquam jejunio tem-  
„perantiæ refrænemus.

Proinde ita rogando monet  
S. Augustin. Tom. 10. de Temp.  
Serm. 62. qui est in Sabbatho  
post Dominicam Quadragesi-  
mæ. Rogo vos fratres charissi-  
mi, & admoneo, ut in isto le-  
I giti-

„gitimo & sacratissimo tempore, exceptis Dominicis diebus, „nullus prandere præsumat, nisi „fortè ille, quem jejunare infirmitas non permittit, quia aliis „diebus jejunare remedium est

*In Quadragesima non ieiunare peccatū est.* „aut præmium, in Quadragesima non jejunare peccatum est. „Alio tempore qui jejunat accipiet indulgentiam, in Quadragesima qui non jejunat, sentiet pœnam; & tamen, qui jejunare non prævalet, secretiùs „sibi soli, aut si est alius infirmus cum ipso in domo sua „præparet, quod accipiat, & illos, qui jejunare prævalent, ad „prandium non invitet: quia si hoc fecerit, non solum Deus, „sed etiam homines possunt intelligere, illum non pro infirmitate non posse, sed pro gula „jejunare non velle. Sufficiat „illi, quòd ipse jejunare non „prævalet, & magis cum gemitu „& suspirio, ac animi dolore

man-



manducet, pro eo quod aliis je-  
junantibus ille abstinere non  
potest. Quod opus est unicui-  
que infirmo, secretius sibi *Qui non  
potest pro-  
pter infir-  
mitatem*  
soli, aut cum alio similiter in-  
firmo faciat preparari, quia  
non ei oportet, ut aliquem fa-  
cium *ieiunare, nō  
provoget a-  
lios ad vio-  
landum ie-  
iunium.*  
num roget ad prandium, ne si-  
bi etiam de alterius gula auge-  
at peccatum.

Tom. 4. questionum super  
Genesim lib. 1. cap. 169. *Qua-Gen. 50.*  
draginta dies sepulturæ, quos  
commemorat, fortè significant  
aliquid pœnitentiæ, qua pecca-  
ta sepeliuntur. Non enim fru-  
stra etiam quadraginta dies je-  
juniorum sunt constituti, qui-  
bus Moyses & Elias & ipse Do-  
minus jejunavit: & Ecclesia  
pœcipua observatione jejunio-  
rum *Quadra-  
gesima con-  
sistit dies  
pœnitentiæ*  
quadagesimam vocat. *Gen. 3.*  
Unde & in Hebræo de Ninivi-  
tis apud Jonam Prophetam scri-  
ptum perhibent: *Quadragesima  
dies & Ninive evertetur, ut per*

„tot dies, accommodatos vide-  
 „licet humiliationi pœnitentiũ,  
 „intelligatur in jejuniis sua de-  
 „flevisse peccata & impetrasse  
 „misericordiam Dei.

Idem Tom. 10. de Tempore  
 Serm. 69. qui est in feria quarta  
 post primam Dominicam in  
 Quadragesima, docet per obser-  
 vationem quadragesimalis jeju-  
 nii discernibo nos à malis, dicens:  
 „Sanctum ergò & sacratũ Qua-  
 „dragesimæ tempus est, quod  
 „statim ab initio cœpit inter ju-  
 „stos & injustos discernere, bo-  
 „nos à malis quodam judicio  
 „separare. Quòd quidem simili-  
 „ter fieri etiam in hac nostra  
 „Quadragesimæ observatione  
 „perspicimus. Nam per hos qua-  
 „draginta dies separantur mali  
 „à bonis, hoc est, luxuriosus à ca-  
 „sto, à jejuno intemperans, à  
 „Christiano Gentilis. Separatur,  
 „inquam, malus à bono, hoc est,  
 „peccator à justo, diabolus à san-  
 „cto,

*Per Qua-  
 dragesimã  
 separantur  
 mali à bo-  
 nis.*

„Et, hæreticus à fideli. Ergò A-  
catholici, dum Quadragesimale  
jejunium contemnunt, eo ipso  
tanquam mali & hæretici se se-  
parant à justis & fidelibus. Et  
similes sunt Joviniano. Qui, ut  
S. Aug. Tom. 6. de hæresibus hæ-  
resi 82. scribit, omnia peccata,  
„sicut Stoici Philosophi, paria es-  
„se dicebat: nec posse peccare  
„hominem lavacro regeneratio-  
„nis accepto, nec aliquid pro-  
„desse jejunia vel à cibis aliqui-  
„quibus abstinentiam. Hinc con-  
cludit idem Sanctus Tom. 3. de  
Ecclesiasticis dogmatibus c. 68. *Joviniani*  
„Abstinentibus à vino vel car-*est dicere*  
„nibus, nihil credere meriti ac-*quod ieiun-*  
„crescere, non hoc Christiani sed *nantes nihil*  
„Joviniani est. Notent ergò ad-*mereantur.*  
versarii quod eorum doctrina  
magis concordet cum Joviniano  
hæretico condemnato quàm cū  
Augustino Ecclesiæ Doctore ap-  
probato. Qui ulterius Tom 7.  
contra Faustum lib. 30. cap. 5.

ita scribit: Christiani, non hære-  
 retici sed Catholici, edomandi  
 corporis causa propter animam  
 ab irrationalibus motibus am-  
 pliùs humiliandam, non quòd  
 illa esse immunda credant, non  
 solum à carnibus, verùm qui-  
 busdam etiam terræ fructibus  
 abstinent, vel semper sicut pau-  
 ci, vel certis diebus atque tem-  
 poribus, sicut per Quadragesi-  
 mam ferè omnes, quantò ma-  
 gis quisque vel minus seu vo-  
 luerit seu potuerit.

Unde Tom. 9. in Evang. Joan.  
 Tr. 73. docet, omnem creaturam  
 bonam esse, sed propter obedi-  
 entiam vel infirmitatem aliorum  
 à carnibus aliisque, Christianis  
 abstinentum esse. Non quia ma-  
 lum est carne vesci: cùm hac de  
 re loquens Apostolus dicat:  
*Omnis creatura Dei bona est, &*  
*nihil abjiciendum, quod cum gra-*  
*tiarum actione accipitur.* Sed quia  
 sicut idem ipse ait: *Malum est*  
*ho-*

*Catholici  
 abstinent ab  
 aliquibus  
 cibis, non  
 quòd mali  
 sint, sed pro  
 mortifica-  
 tione.*

*1. Tim. 4.*

*Rom. 14.*

homini, qui per offendiculum man-  
ducatur. Et si per hominis offen-  
sionem, quantò magis Dei? cu-  
jus in Israëlitis non parva erat  
offensio, repudiare, quod dabat  
sapientia, & petere id, quo in-  
hiabat concupiscentia, quam-  
vis illic nec peterent, sed quia  
deerat, murmurarent, sed ut sci-  
remus, non Dei creaturam esse  
culpabilem, sed inobedientiam *Inobedien-*  
contumacem, & inordinatam *tia condem-*  
cupiditatem, quam non pro- *natur.*  
pter porcum, sed propter po- *Gen. 3.*  
rum primus homo invenit: Et *Gen. 25.*  
Esau primatum suum non pro-  
pter gallinam sed propter len-  
ticulam perdidit.

---

*ARTICVLVS XXII.*

De imaginibus Crucifixi &  
Sanctorum, ac eorum Re-  
liquiis.

Incipit S. August. librum 22.  
de Civit. Dei, de conditione  
Angelorum Ego qui hoc opu-

200 *S. Aug. Romano-Catholica*  
 sculum 22. articulis ad numerū  
 dictorū librorū S. Aug. comple-  
 xus sum, hunc ultimum ordior  
 de imaginibus Crucifixi & San-  
 ctorum reliquiis, finioque de  
 conditione Angelorum & San-  
 ctorum erga nos. Et quidē de  
 salutifera Cruce sic scriptum ha-  
 bes in Augustino Tom. 9. de vi-  
 sitatione infirmorum, lib. 2. c. 3.

*Signa qua-*  
*dam sunt*  
*excitatoria*  
*pigritantis*  
*fidei.*  
 „Sunt quædam exteriora si-  
 „gna pigritantis etiam fidei ali-  
 „quando excitatoria, & quasi  
 „quandam compunctionem pe-  
 „netralibus figentia, quæ &  
 „Christianitatis religio vult ob-  
 „servari & amicorum ad infir-  
 „mos convenientium devotio  
 „gaudet adimpleri. Hæc & tu fili  
 „mi non negligas, erunt siquidē  
 „& tibi ipsa salutaria. Habent  
 „siquidem Christianorum arca-  
 „na illius Dominicæ Crucis qua-  
 „si quoddam venerabile moni-  
 „mentum, quod de Crucis ipsius  
 „imaginatione crucem cognos-  
 mi-

„minant, quod & nos omni ve-  
 „neratione dignissimū fatemur  
 „& ad recordationem Crucifixi  
 „nostri veneramur. Adjicitur  
 „enim super crucem quadam  
 „hominis inibi patientis imago,  
 „per quod salutifera Jesu Chri-  
 „sti nobis renovatur passio: hanc  
 „complectere humiliter, venera-  
 „re suppliciter, tamen hæc ad  
 „memoriam tibi reduces.

„Nec Deus est, nec homo, præ- *Preces ad-*  
 sens, quam cerno, figura. *maginem*

„Sed Deus est, & homo, quem *facta & ho-*  
 signat sacra figura, *nor illi ex-*

„Verus homo, verusque Deus, *hibitus ad*  
 tamen unus uterque: *prototypon*  
*referuntur.*

„Probra crucis patitur, mortem  
 subit & sepelitur.

„Vivit idem, crucis hæc per signa  
 triumphat ab hoste.

„Scilicet ipsius nota sunt crux  
 & crucifixus.

„Hæc & ego veneror, JESUM  
 quoque semper adoro.

„Tu autē Bone Jesu, qui pro me  
 I s pen-

„pendens ita passus es, misereri  
 „mihi digneris, & præsta, ut qui  
 „mihi mortuus es, & ad hoc  
 „mortuus es, ut mundo moriens  
 „tibi vivam bone Jesu. Hæc San-  
 ctus de imagine Crucifixi, & de  
 signo Crucis plura.

*Crucis ve-  
 xillo occur-  
 rimus dia-  
 bolo.*

Tom. 9. de Symbolo ad Cate-  
 chumen. cap. 1. ait: Si voluerit  
 „adversarius diabolus denuò in-  
 „sidiari, noverit redemptus cum  
 „symboli Sacramento & crucis  
 „vexillo ei debere occurri, ut ta-  
 „libus armis indutus facile vin-  
 „cat Christianus, de cujus op-  
 „pressionem malè antea triumphava-  
 „verat nequitiosissimus diabo-  
 „lus. Nam Tom. 6. contra Fau-  
 stum Manich. lib. 12. cap. 30. ait:  
 „Signantur signo Dominicæ  
 „passionis in frontibus populi  
 „ad tutelam salutis. Tom. 10.  
 etiam Serm. 130. de Tempore,  
 ultra mediū: Considerasti quan-  
 „ta virtus sit signi, hoc est, crucis

*Mat. 24. Sol obscurabitur, Luna non dabit  
 lumen*



*lumen suum.* Crux verò fulgebit, *Crux ful-*  
 „ & obscurabit luminaria cœli, *gor in die*  
 „ delapsisque sideribus sola radi- *iudicii cœli*  
 „ abit, ut discas, quoniam crux *luminaria*  
 „ & luna lucidior & sole erit *obscurabit.*  
 „ præclarior, quorum splendorē  
 „ divini luminis illustrata fulgo-  
 „ re superabit. Quemadmodum  
 „ enim ingrediente Rege in civi-  
 „ tatem exercitus antecedit, præ-  
 „ ferens humeris signa atque ve-  
 „ xilla regalia & ambitu præpa-  
 „ rationis armisonæ annuntiat  
 „ Regis introitum: ita Domino  
 „ descendente è cœlo, præcedet  
 „ exercitus Angelorum, qui signū  
 „ illud, id est, triumphale vexil-  
 „ lum sublimibus humeris præ-  
 „ ferentes divinum Regis cœle-  
 „ stis ingressum, terrestriū men-  
 „ tibus nuntiabunt.

Docet idem August. Tom 8.  
 in Psal. 141. suo tempore fron-  
 tes Christianorum signo crucis  
 signari solitas, sic enim habet: In-  
 „ sultet ille ( nempe Paganus )

*Crux appa-  
ret in fron-  
tibus regū.* „Crucifixo Christo, videam ego  
„in frontibus regum crucem  
„Christi. Quod irridet, ibi salvor.  
„Nihil est superbius ægroto, qui  
„deridet medicamentum su-  
„um. Si non derideret, acciperet  
„& ipse, & sanaretur. Crux illa  
„signum est humilitatis, ille au-  
„tem superbia nimia non agno-  
„scit, unde sanetur tumor animæ  
„suæ; si autem ego agnosco, in  
„via ambulo, usq: adeò de cruce  
„non erubesco, ut nō in occulto  
„loco habeam crucem Christi,  
„sed in fronte portem. An non  
sunt hæc clara contra Acatholi-  
cos tanquam inimicos Crucis  
Christi? Sed audi plura.

*In fronte fi-  
gitur, ubi  
est sedes  
pudoris.*

Eodem Tom. in Psal. 30. conc.  
3. sic scribit: Non sine causa si-  
„gnum suum Christus in fronte  
„nobis figi voluit, tanquam in  
„sede pudoris, ne Christi op-  
„probrio Christianus erubescat.  
„Hoc ergò in conspectu homi-  
„num si feceris, si inde coram  
ho-

„hominibus non erubueris, si in  
„conspectu filiorum hominum  
„nec ore nec factis Christum  
„negaveris, spera tibi perfici dul-  
„cedinem Dei.

Et Tom. 4. de Catechiz. ru-  
dib. c. 20. Apertius autem Chri-  
„sti passio in illo populo figura-  
„ta est, cum iussi sunt ovem oc- *Exod. 12.*  
„cidere & manducare, & de san- 23.

„guine ejus postes suos signare,  
„& hoc celebrare omni anno & *Præfigura-*  
„appellare Pascha Domini. Ma- *ta fuit crux*  
„nifestissime quippe Propheta de *& passio*  
„Domino nostro Jesu Christo *Christi in*  
„dicit: *Quia tanquam ovis ad im-*  
*molandum ductus est.* Cujus pas- *antica le-*  
*ge.* *Isa. 53.*

„sionis & crucis signo in fronte  
„hodie tanquam in poste signan-  
„dus es, omnesque Christiani si-  
„gnantur. Audi ex S. Aug. om-  
nes Christiani signantur signo  
Crucis; sed Acatolici non si-  
gnantur; ergò secundum Augu-  
stinum non sunt Christiani. Cō-  
sequentia clara est, quam non fe-  
cis.

206 *S. Aug. Romano-Catholica*  
cissim, si tam clarus non esset  
Augustinus.

De imaginibus verò Sancto-  
rum maximè Apostolorum Pe-  
tri & Pauli scribit Augustinus  
Tom. 4. de consensu Evangeli-  
starum lib. 1. cap. 10. in pluri-  
bus locis maximè Romæ fuisse in  
honore & rationem dat hisce  
verbis: Quia merita Petri & Pau-  
,,li etiam propter eundem pas-  
,,sionis diem celebriùs & solem-  
,,niter Roma commendat.

Sed de Reliquiis Sanctorum  
quid dicam? Audi Augustinum,  
Tom. 3. de Eccles. dogmatibus,  
cap. 73. Sanctorum Corpora &  
,,præcipuè Beatorum Martyrum  
,,reliquias ac si Christi membra,  
,,sincerissimè honoranda & ba-  
,,silicas eorum nominibus appel-  
,,latas, velut loca sancta divino  
,,cultui mancipata affectu piissi-  
,,mo & devotione fidelissima ad-  
,,eundas credimus. Si quis con-  
,,tra hanc sententiam venerit  
non

*Fidei Conf. & Defensor. 207*

„non Christianus, sed Eunomia-  
„nus, & Vigilantianus creditur.

Tom. 2. epist. 103. ad Quin-  
tianum. Portant sanè (Galla vi-  
dua sancti propositi & Simpli-  
ciola Virgo sacra, ejusdem filia) *Reliquiæ  
Sanctorum  
convenienter hono-  
rantur.*  
„Reliquias beatissimi & glorio-  
„sissimi Martyris Stephani, quas  
„non ignorat Sanctitas vestra,  
„sicut & nos fecimus, quàm  
„convenienter honorare debea-  
„tis.

Tom. 5. de Civit. Dei lib. 22.  
cap. 8. refert Doctor Africanus  
varia miracula, quæ ad Reliqui-  
as Sanctorum Martyrum perpe-  
trata sunt. Miraculum, ait, quod  
„Mediolani factum est, cùm illic  
„essemus, quando illuminatus  
„est cæcus, ad multorum noti-  
„tiam potuit pervenire, quia *Cæcus ad  
& corpora SS.  
Martyrum,*  
„grandis est civitas, & ibi erat  
„tunc Imperator & immenso *Prothasii  
& Gerva-  
sii illumi-  
natur.*  
„populo teste res gesta est, con-  
„currente ad corpora Martyrum  
„Prothasii & Gervasii. Quæ  
cùm

„cùm laterent & penitus nesci-  
 „rentur, Episcopo Ambrosio per  
 „somnum revelata, reperta sunt,  
 „ubi cæcus ille depulsis veteri-  
 „bus tenebris diem vidit.

Simile ibidem refert dicens :

*Ad reliqui-* „Ad aquas Tibilitanas Episcopo  
*as S. Ste-* „afferente Projecto reliquias  
*phani cæca-* „Martyris gloriosissimi Stepha-  
*mulier illu-* „ni ad ejus memoriam veniebat  
*minatur.*

„magnæ multitudinis concursus,  
 „& occursum. Ibi cæca mulier,  
 „ut ad Episcopum portantem  
 „pignora sacra duceretur, oravit:  
 „Flores, quos ferebat, dedit &  
 „recepit, oculis admovit, proti-  
 „nus vidit: stupentibus cunctis,  
 „qui aderant, præibat exaltans,  
 „viam carpens, & viæ ducem ul-  
 „terius non requirens.

*Lucillus E-* „Ibidem: Memorati memori-  
*piscopus* „am Martyris, quæ posita est in  
*portando* „castello Synicensi, quod Hippo-  
*reliquias* „nensi coloniae vicinum est, ejus-  
 „dem loci Lucillus Episcopus,  
 „populo præcedente atque se-  
 „quen-

„quente, in manu portabat : si. *S. Stephani*  
 „stula, cujus molestia jam diu la- *à fistula sa-*  
 „boraverat & familiarissimi sui *natur.*  
 „medici, qui eam secare vellet  
 „operiebatur manus illius, piæ  
 „sarcinæ vectatione, ubi sanctas  
 „attigit reliquias, repentinè sana-  
 „ta est. Nam deinceps eam in  
 „suo corpore non invenit.

In eodem capite : Eucharis  
 „Presbyter ex Hispaniâ, Calamæ *Eucharis*  
 „habitans, veteri morbo calculi *Presbyter*  
 „laborabat, per memoriam su- *reliquis S.*  
 „prædicti Martyris, quam Possi- *Stephani &*  
 „dius illo advexit Episcopus sal- *calculo li-*  
 „vus factus est. Idem ipse postea *berutur. Idē*  
 „morbo alio prævalescere, *tunica ta-*  
 „mortuus sic jacebat, ut ei jam *ctu ex me-*  
 „pollices ligarentur, opitulatio- *memoria S.*  
 „ne memorati Martyris, cum de *Stephani*  
 „memoriâ ejus reportata fuisset, *suscitatur.*  
 „& super jacentis corpus missa  
 „ipsius Presbyteri tunica susci-  
 „tatus est.

Pro Coronide ex eodem capi-  
 te aliud & quidem multiplex re-  
 fero :

fero : Fuit ibi vir, ait Augustinus,  
*Ad Christū* „ in ordine suo primarius, nomi-  
*miraculo* „ ne Martialis, ævo jam gravis &  
*convertitur* „ multum à religione abhorrens  
*peccator, o-* „ Christiana. Habebat sanè fide-  
*rante pro eo* „ lem filiam & generum eodem  
*in Basilicâ* „ anno baptizatum. Qui cum æ-  
*S. Stephani* „ grotantem multis & magnis  
*genero.* „ precibus & lacrymis rogarent,  
 „ ut Christianus fieret, prorsus  
 „ abnuitt; eosque à se turbidâ in-  
 „ dignatione submovit. Visum  
 „ est genero ejus, ut iret ad me-  
 „ moriam S. Stephani, & illic pro  
 „ eo, quantum posset, oraret, ut  
 „ Deus illi daret mentem bonâ,  
 „ quâ credere non differret in  
 „ Christum. Fecit hoc ingenti  
 „ gemitu & fletu, & sinceriter  
 „ ardente pietatis affectu : dein-  
 „ de abscedens, aliquid de altari  
 „ florum, quod occurrit, tulit, ei-  
 „ que cum jam nox esset, ad ca-  
 „ put posuit. Tunc dormitum est:  
 „ & ecce ante diluculum clamat,  
 „ ut ad Episcopum curreretur,  
 qui



„qui mecum fortè tunc erat a-  
„pud Hipponem. Cùm verò au-  
„disset eum absente, venire Pres-  
„byteros postulavit. Venerunt,  
„& statim se credere dixit : ad-  
„mirantibus atque gaudentibus  
„omnibus baptizatus est. Hoc  
„quamdiu vixit, in ore habebat:  
„Christe accipe Spiritum meum;  
„cùm hæc verba Beatissimi Ste-  
„phani, quando lapidatus est à  
„Judæis, ultima fuisse nesciret,  
„quæ huic quoque ultima fue-  
„runt. Nam non multò post ip-  
„se defunctus est. Sanati sunt il-  
„lic per eundem Martyrem eti-  
„am tres podagrîci, duo cives  
„peregrinus unus, sed cives om-  
„nimodò ; peregrinus autem per  
„revelationem, quid adhiberet,  
„quando doleret, audivit. Et  
„cùm hoc fecisset, dolor conti-  
„nuò conquievit. Hæc suffici-  
„ant, qui plura hujusmodi mira-  
„cula ad reliquias Sanctorû Mar-  
„tyrum patrata cognoscere voluc-  
rit,

*Tres à po-  
dagra cu-  
rantur per  
intercessio-  
nem S. Ste-  
phani.*

212 *S. Aug. Romano-Catholica*  
rit, legat citatum octavum S. Augustini caput.

Nunc vos ô Lutheranos alloquor, vosque Calvinistas compello, non meis, sed illius verbis, ex cujus totum hoc coaluit opusculum nempe Augustini lib. 2. Julianum commonentis: Urinâ (inquit) jacutas sagittas sentias & veritati tandem consentias. Utinam tot saluberrimæ de rebus summi momenti, utpote fidem, ac proinde salutem animæ spectantibus, sententiæ in medium adductæ, corda vestra instar acutissimarum sagittarum penetrant, ut veritati tam necessariæ ingrediendi pateat locus, & tandem ab Augustino dissentire desinatis, non dubito vos tunc summâ admiratione perculsos animique gaudio repleto agnituros ac veneraturos consonam modernæ Ecclesiæ cum vetere, cum qua una est, doctrinam, comperietis & illud de Augusti-  
ni

ni scriptis verificari, quod in Ps.  
18. de sacris litteris scripsit Am-  
brosius. In ea (inquit) invenit u-  
„nusquisque quo aut vulnera  
„sua curet, aut merita confir-  
„met. Invenimus in eis quænam  
Ecclesia verè Catholica sit dicen-  
da, ea scilicet, quæ per univer-  
sum diffusa orbem omnes perva-  
sit nationes, quòd uni solique  
competit Romano-Catholicæ.  
Vidimus extra hanc veluti olim  
extra Arcam Noë nemini obven-  
turam salutem æternam. Con-  
speximus eam veluti solem in  
firmamento omnibus eam in-  
quirentibus clarissimè elucisce-  
re. Inaudivimus illam, utpote co-  
lumnæ & firmamentum verita-  
tis, nec unquam vel latum un-  
guem discedere à veritate, ex quo  
efficacissimum perniciosissimo  
vulnere tot millenis animabus  
fatali, neothericæ formationis  
delumitur emplastrum. Intelle-  
ximus Traditiones Ecclesiasticas

*In Doctrina S. Aug. invenit unusquisque quo aut vulnera sua curet, aut merita confirmet.*

*Brevi repetitio omnium articulo-  
rum.*

Scri-

214 *S. Aug. Romano-Catholice*  
Scripturæ non imminuere, sed  
ampliare, imò statuere auctori-  
tatem. Percepimus Salvatorem  
nostrum in nuncupatione novi  
nominis Petri felix Ecclesiæ col-  
locasse fundamentum, ac cœtus  
Apostolici constituisse Principē.  
Reperimus Petrum Romanam  
tenuisse Cathedram, atque in eā  
urbe non solum de Simone Ma-  
go gloriosas reportasse victori-  
as, sed & triumphato Nerone,  
palmā martyrii insignem, ibidem  
regnum subiisse cœlorum. Nu-  
meravimus usque ad Augustini  
tempora continuò sibi succeden-  
tium Romanorum Pontificum  
riaras, ac nomina, irrefragabile  
veræ Ecclesiæ testimonium ac in-  
fallibile signum. Legimus Ro-  
mano Pontifici in decidendis  
controversiis, in dijudicandis  
doctrinis summam esse auctori-  
tatem. Discurrentem auscultavi-  
mus de incruento novæ legis sa-  
crificio. & quàm sit illud anima-  
bus

bus utile, malignis verò spiritibus tremendum. Confirmati sumus in religiosissimâ Sanctorum invocatione, & deterreci etiam à levioribus noxis, propter quas Deus ultionum severas etiam in altera vita exigit pœnas, luxie nobis candelabrum septem lucernis fulgidum, Ecclesia septem verè & propriè dictis Sacramentis à Christo Jesu dotata. Venerandam intuiti sumus Cœlibatus ac status Religiosi excellentiam, nec minùs agnovimus jejuniorum, imaginum Crucifixi, ac Sanctorum, sacrarumque Reliquiarum emolumenta. Si itaque vobis A catholici mens est recti amans, invenistis, unde vulnera vestra cureris, & vos Catholici unde merita & fidem confirmetis. Invenistis A catholici arma in errorum ruinam, & Catholici in veritatis firmanentum. Inter utrosque sententiam ferentem intelleximus Augustinum, utique

*Ex his possunt A catholici edoceri.*

nec

*Augustinus  
non pravi-  
dit futuros  
Luthera-  
nos.*

nec favore aut studio partium  
dementatum, utpote qui Calvi-  
nistas aut Lutheranos futuros  
nec credidit nec somniavit, sen-  
tentiam tulit, dum nobis cum  
Augustino non erat sermo, nec  
vobiscum de tractatis quæstioni-  
bus disceptatio, non est ergò,  
cur Arbitrū respiciatis, quem to-  
ta Ecclesia inter quatuor præ-  
stantiores suas columnas primā  
esse voluit. Date ergò, quæso, ra-  
tioni locum, partialem deponi-  
te affectum, nec secundum indi-  
gnantis animi passiones, sed ju-  
stum judicium judicate, & cer-  
tus sum, idem vobis eventurum,  
quod Augustino evenisse com-  
pertum habemus ex Ecclesiasti-  
co ejus officio, nam, dum in Ma-  
nichæorum oberrabat, labyrin-  
tho, scripta Pauli Legi ac Prophe-  
tis contraria æstimabat. Verū  
dum elatam cervicem in obse-  
quium flexit fidei: avidissimè  
(sic in ejus officio legere est) le-  
gere

„legere cœpit præ cæteris Apo-  
„stolum Paulum, & perierunt  
„illæ quæstiones, in quibus ali-  
„quando visus est ei, advertari  
„testimoniis legis & Prophetarum  
„textus sermonum ejus. Item. Sensit igitur & expertus  
„est, non esse mirum, quòd pa-  
„lato non sano pœna est panis,  
„qui sano est suavis, & oculis  
„ægris odiosa lux, quæ puris est  
„amabilis. Submittite colla Fi-  
dei, & peribunt illa, quibus  
modo scrutiamini, dubia. Evo-  
mite hærescos pectus inficiens  
virus, errorum defluxionibus li-  
pientes extergite oculos, & erit  
hæc Augustini doctrina vobis o-  
mni pane suavior, luceque ama-  
bilior. En canitie veneranda, &  
mille sexcentorum septuaginta  
sex annorum grandæva Mater  
Ecclesia Patres vestros genuit & *Potius est*  
enutrivit, doctrinæ lacte turgen- *antiquæ Ec-*  
tia ubera præbuit; Itane vobis *clesiæ quàm*  
senectus Ecclesiæ odiola? quia *novæ sectæ*  
*credendum.*

218 *S. Aug. Romano-Catholica*  
novellam vobis quæsiistis no-  
vercam Lamia damnosiore,  
quæ dum non lacte manantes,  
sed sanie hæreseos turgentes præ-  
bet mammas, ut Lamia, vos oc-  
cidit; non lateat vos Novitatem  
matrem esse erroris, sororem  
superstitionis. En quanto desi-  
derio, quanta devorione in si-  
num ejus concedit alter orbis,  
dum vos senectutem ejus sper-  
nentes votifragis apostatis, novis  
erroribus pascendos præbe-  
tis, qui non zelo pietatis & re-  
ligionis, sed ferulam sanctissi-  
mæ ejus disciplinæ odientes unà  
probitati, castimoniam, & Matri  
Ecclesiæ valedixerunt, certoque  
se mancipaverunt exitio. Noli-  
te, quaeso, senectam ejus causa-  
re: nam senem fulcit Traditio,  
stabiliunt Concilia sedecim; sexa-  
ginta, imò sexcenti fortes, Patres  
nimirum tam Græci quàm Lati-  
ni ambiunt; confirmat eam for-  
titudo Martyrum, famulatur ei  
Vir-



Virginum cœtus, innititur securissimæ ab Apostolis tam Pontificum quàm Episcoporum continuo sibi succedentium pedis. Invenietis profectò in Ecclesia, quòd apud Hæresiarchas vestros irritò conatu adipisci conamini, non sit vobis indecorum ab Ecclesia vinci: nam dum illa de vestri gaudet victòria, vos victores læta recipit; quia ut ipsa triumphatrix vestri, ita vos triumphatores errorum; illa vestri, vos hæresis. Revertimini ad Matrem. Charitatem promittit, pacem & veniam spondet, humilitatem exhibet, deponite livorẽ, conceptum abjicite rancorem; Videte Ecclesiam Romano-Catholicam sine ruga & macula inter tot hæresum monstra perseverasse solam, nec unquam primam irritam fecisse fidem, compressit Arrium, extinxit Nestor-*Ecclesia Catholica de-*  
ium, prostravit Sabellium, de-*bellavit an-*  
bellavit VValdenses, expugnavit *tiquos hæ-*  
*reticos.*

*Latantur  
multi Prin-  
cipes de sua  
conversione*

Albigenses, & cætera, quæ unquam edidit Orcus, Sanguinis Jesu Christi inimica hæreseos monstra triumphavit. Multi quoque Principes & Principatus errore vestro quondam irriti, nunc illuminati de præterito dolent errore, de veritate autem agnitâ gloriantur, atque ad benigna ac materna ubera cum inexplicabili animi gaudio & conscientiæ tranquillitate deliciantur. Invenerunt apud pietissimam Matrem, (& Deo sit gloria ferè quotidie inveniunt) quod apud Hæresiarchas suos invenire nequaquam potuerunt, agnosunt illos Deum propitium ac benignum habere Patrem, qui Ecclesiam venerantur, ut

*1. Corinth. 1. 10.* Matrem. Tandem cum Apostolo: *Obsecro vos fratres per Nomen Domini Nostri IESU Christi, ut id ipsum dicatis omnes & non sint in vobis schismata, sitis autem perfecti in eodem sensu & in eadem*

*eàdem sententià.* Non quidem in illa, in quàm optimè quadrat illud D. Hieron. ep. 65. dicentis:  
„Usque ad hanc diem (dico ego  
„usque ad Lutherum & Calvinum) sine ea doctrina mundus  
„Christianus fuit. Eam senex te-  
„nebo fidem, quam à Parentibus  
„accepi, cur post quadringentos  
„annos (quingentos supra mille)  
„docere nos niteris, quod antea  
„nescivimus? Sed in ea, quæ ab  
omni errore libera est Romano-  
Catholica, cui se conformare omni studio adniscus est idem S. Hieron. ut colligere liquet ex ep. 58. ad Damasum dum sic effatur. Inde mihi cathedram Petri  
„& fidem Apostolico ore laudatam censui consulendam, inde  
„nunc animæ meæ postulo cibum, à Sacerdote victimam  
„salutis, à Pastore præsidium ovis flagito. Ego nullum primum nisi Christum sequens,  
„Beatitudini Tuæ, id est, Cathedrae

K ;

dre

„dræ Petri communione con-  
 „socior, super illam petram æ-  
 „dificatam Ecclesiam scio. Qui-  
 „cunque extra hanc domum a-  
 „gnum comederit profanus est.  
 „Si quis in arcâ Noë non fue-  
 „rit; peribit regnante diluvio.  
 „In tres partes scissa Ecclesia  
 „me ad se rapere festinat. Præ-  
 „sidiis fulta mundi Arriana ra-  
 „bies fremit. Ego interim cla-  
 „mito, si quis Cathedræ Petri  
 „jungitur, meus est. Ego autem  
 clamito, qui Cathedræ Petri so-  
 ciatur, Deo sociatur.

*Omnia ad Majorem DEI*

*Gloriam & salutem ani-  
marum.*

IN-

# **INDICULUS**

## **Articulorum , qui hoc**

### **Libello continen-**

**tur.**

#### *Articulus I.*

**Ecclesiam Dei veram, Catholicam dici, eò quòd per universum & totum orbem diffusa sit.**

#### *Articulus II.*

**Neminem extra Ecclesiam Romano Catholicam salvari posse.**

#### *Articulus III.*

**Ecclesiam veram esse visibilem.**

#### *Articulus IV.*

**Ecclesiam Catholicam non posse errare, nec deficere.**

#### *Articulus V.*

**Biblia esse Scripturam Sacram non possumus scire sine Traditione, idè Traditiones esse admittendas.**

#### *Articulus VI.*

**S. Petrum fuisse Romæ & esse caput Apostolorum ac fundamentum Ecclesiæ.**

*Articulus VII.*

Petrum Romæ Episcopalem Cathedralam tenuisse, Simonemque Magum ibidem superâsse ac Martyrio coronatum esse.

*Articulus VIII*

Succeſſionem Romanorū Pontificum à tempore S. Petri continuatam, non esse exiguū signum veræ & Catholicæ Christi Ecclesiæ.

*Articulus IX.*

Penes Romanam Sedem esse, summam Authoritatem damnandi hæreses, & de doctrinâ aliorum dijudicandi.

*Articulus X.*

De Missæ Sacrificio.

*Articulus XI.*

Missæ Sacrificiū utiliter pro mortuis offerri & dæmones fugari.

*Articulus XII.*

Sanctos in cœlo esse invocandos.

*Articulus XIII.*

Purgatorium esse convincitur.

*Articulus XIV.*

De septem Ecclesiæ Sacramentis.

*Ar-*

*Articulus XV.*

De Pœnitentia.

*Articulus XVI.*

De Eucharistia.

*Articulus XVII.*

De Extrema Unctione.

*Articulus XVIII.*

De Sacramento Ordinis.

*Articulus XIX.*

De Matrimonio.

*Articulus XX.*

De Cœlibatu & Statu Religioso.

*Articulus XXI.*

De Jejunio & ciborum delectu.

*Articulus XXII. & ultimus.*

De imaginibus Crucifixi & San-  
ctorum ac eorum Reliquiis.

*Index locorum S. Scriptu-  
ra, quæ à S. Augustino egregiè il-  
lustrantur in hoc opusculo.*

G E N E S I S.

2. 24. Quamobrem relinquet homo  
patrem & matrem &c. pag. 159. 161

3. 19. In sudore vultus tui comedes  
panem tuum. 107

15. 10. Aves autem non divisit. 114

22. 18. Benedicentur in semine tuo o-  
mnes gentes terræ. 7

48. 16

48.16. Invocabitur in his nomen me-  
um, & nomen Patrum meorum. p. 100

## EXODI.

12. 23. Aspergite ex eo superlimina-  
re & utrumque postem. 205

12. 46. In unâ domo comedetis, nec  
efferetis de carnibusejus foras. 15. 28

33. 21. Est locus apud me, & stabis su-  
pra petram. 16

## NUMERORUM.

6. 27. Ego benedicam eis. 153

## I. REGUM.

21. 13. Collabebatur, (alii) ferebatur  
in manibus suis. 138

## JOB.

7. 1. Militia est vita hominis super  
terram. 136

## PSALMO.

2. 7. Dabo tibi gentes hæreditatem  
tuam, & possessionem tuam fines  
terræ. 9

3. 5. Exaudivit me de monte sancto  
suo. 24

18. 5. In omnem terram exivit sonus  
eorum &c. 10

18. Ab occultis meis munda me Do-  
mine. 133

21. 30. Manducaverunt & adorave-  
runt omnes divites terræ. 141

21. 29. Convertentur ad Dominum  
universi fines terræ. 9

31. 5. Dixi, confitebor adversum me  
in .



- injustitias meas Dñs. pag. 131
- 39.7. Sacrificium & oblationem noluiſti, corpus autē perfecisti mihi. 86
44. 7. Constitues eos Principes super omnem terram. 23
49. 1. Vocavit terram à solis ortu usque ad occasum. 10
- 57.4. Erraverunt ab utero, locuti sunt falsa. 33
- 60.3. A finibus terræ ad te clamavi. 20
7. 8. Dominabitur à mari usque ad mare. &c. 12
- 101.23. In conveniendo populos in unum & regna, & serviant Domino. Respondit ei &c. 37
103. 5. Fundavit terram super firmamentum ejus. 32
25. Mare magnum & spatiosū. 105
- 106.32. Exaltent eum in Ecclesia plebis. 53
- 109.3. Tu es Sacerdos in æternum. 85
132. 1. Ecce quam bonum & quam jucundum &c. 184

### ISAIAE.

- 45.15. Verè tu es Dc<sup>9</sup> absconditus. 143
- 53.7. Tanquam ovis ad occisionem ductus est. 205
- 66.1. Cælum mihi sedes est, terra autem scabellum pedum meorū. 139

### EZECHIELIS.

24. 11. Pone illam super prunas vacuā, donec concaleſcat æs ejus & omne stannum ejus defluat. 109 DA-

## DANIELI 9.

2.35. Ecce mons implens universam  
faciem terræ. pag.29

7. 10. Et fluvius igneus currebat ante  
eum. 109

Jonæ 3. 4. Quadraginta dies & Nini-  
ve subvertetur. 195

## MATTHÆI.

4. 10. Dominum Deum tuum adora-  
bis. 140

5. 14. Non potest civitas abscondi su-  
pra montem posita. 29

5. 7. Beati misericordes, quoniam &  
ipsi misericordiam consequentur. 135

5. 19. Qui dimittit uxorem suam ex-  
ceptâ causâ fornicationis, facit eam  
mœchari. 158. 165. 165. 171

7. 26. Qui audit verba mea & non fa-  
cit ea, simulabo eum viro stulto &c. 20

12. 32. Qui dixerit verbum in Spiri-  
tum sanctum, non remittetur ei, ne-  
que in hoc seculo, neque in futuro. 111

16. 18. Tu es Petrus & super hanc pe-  
tram ædificabo Ecclesiam meam. 20 51. 54. 71

19. Quodcunque solveris super  
terram, erit solutum & in cœlis. 134

17. 23. Magister vester non solvit di-  
drachmam. 49

19. 10.

19. 10. Si talis est causa cum uxore, non  
expedit nubere. Quibus ille : Non  
omnes capiunt verbū hoc. &c. p. 175
21. 22. Omnia quaecunque petieritis  
Patrem in nomine meo &c. 150
23. 3. Omnia quaecunque dixerint vo-  
bis servate & facite, &c. 63
23. 3. Dicunt enim, & non faciunt. 57
24. 23. Ecce hic est Christus ecce illic, 6  
30. Apparebit signum filii homi-  
nis in cœlo. 126
31. Mitter Angelos suos, ut colli-  
gant electos ejus &c. 9
25. 41. Ite i ignem æternum &c. 113
26. 26. Hoc est corpus meum. 139
26. 41. Vigilate & orate, ne intretis in  
tentationem. 50
28. 20. Ecce ego vobiscum sum om-  
nibus diebus usque &c. 35

## M A R C I.

10. 11. Quicumque dimiserit uxorem  
suam & aliam duxerit, adulterium  
committit super eam : & si uxor  
dimiserit virum suum & alii nu-  
pserit, mœchatur. 171

## L U C Æ.

9. 17. Palens autem comburet igni in-  
extinguibili 109
9. 26. Qui erubuerit me coram ho-  
minibus, erubescam &c. 125
19. Omnis qui dimittit uxorem suam  
& alteram ducit &c. 171

17. 32. Memores estote uxoris Loth.

pag. 188

12. 31. Ecce Sathanas exposulavit, ut  
vos ventilet sicut triticum, ego au-  
tem rogavi &c. 50

24. 16. Tenebantur oculi eorū. 144

24. 47. Oportebat Christum pati, &  
resurgere à mortuis, & prædicare in  
nomine ejus &c. 2

### J O A N N I S.

1. 14. Verbum caro factum est, & ha-  
bitavit in nobis. 162

3. 5. Nisi quis renatus fuerit ex aqua  
& Spiritu sancto &c. 44

8. 11. Vade & vide deinceps, ne pecces.  
165

11. 51. Hoc autem à semetipso non  
dixit, sed cum esset Princeps Sacer-  
dotum anni illius &c. 154

16. 28. Ego à Patre exivi. & veni in  
hunc mundum. 161

20. 23. Cujus tenueritis peccata, tene-  
buntur, & cujus remiseritis, remit-  
tentur ei. 155

### A C T O R U M A P O S T.

4. 32. Erant illis omnia communia.  
184

35. Dividebatur unicuique, sicut  
cuique opus erat. 184

7. 49. Terra autem scabellum pedum  
meorum. 140

3. 37. Credo Filium Dei esse. Jesu. 44

AD

## AD ROMANOS.

10. 5. Quomodo prædicabunt, nisi mittantur. pag. 157

14. 20. Malum est homini &c. 199

## 1. CORINTH.

4. 7. Uxor non habet potestatem corporis sui &c. 167

3. 11. Fundamentum aliud nemo potest ponere, &c. 32

13. In igne revelabitur. 119

15. Si cuius opus arserit detrimentum patietur &c. 109. 115

7. 10. Præcipio non ego sed Dominus, uxore à viro non discedere &c. 164

7. 29. Reliquum est, ut qui habent uxores, quasi non &c. 163

40. Beatior autem erit, si sic permanferit secundum meum consilium. 182

10. 4. Bibebant autem de spiritali &c. 54

## 2. CORINTH.

21. 1. Si ergo gloriari oportet. 64

## AD GALATAS.

3. 15. Hominis confirmatum testamentum nemo irritum facit. 8

## AD EPHESIOS.

4. 12. Dedit Doctores, usque ad consummationem sæculi &c. 27

5. 27. Aptavit sibi Ecclesiam non habentem maculam aut rugam. 119

5. 32. Sacramentum hoc magnum est, ego autem dico in Christo & in Ecclesia. 160

## AD PHILIPPENS.

- 2.6. Qui cū in forma Dei esset, non rapinā arbitratus est &c. p. 160. 162

## AD COLOSSENSES.

- 2.14. Deletū est chirographū &c. 89

## AD TIMOTHEUM.

- 1.4.4. Omnis creatura Dei bona est, & nihil abjiciendum &c. 189

- 14.14. Noli negligere gratiam, quæ in te est, quæ data est tibi &c. 155

- 5.12. Habentes damnationem, quia primam fidem irritam &c. 182

## S. JACOBI.

- 4.17. Scienti bonum facere, & non facienti, peccatum est illi. 168

- 5.14. Infirmatur quis in vobis, inducat Presbyteros Ecclesiæ &c, ut orent super eū, ungentes &c. 148. 149

- 5.16. Confitemini alterutrum peccata vestra, & orate pro invicē &c. 130

## S. PETRI.

2. Pet. 22. Canis reversus ad suum vomitum. 189

## S. JOANNIS.

- 1.1. Quod vidimus oculis nostris, quod perspeximus, & manus nostræ contrectaverunt &c. 30

## APOCAL.

- 6.9. Subtus altare vidi animas occisorum. 76

## F I N I S.









